

Tuarascáil Bhliantúil agus Cuntais 2022



NSAI

I mbun nuálaíochta chun saol
níos sábháilte, níos fearr agus
níos inbhuanaithe a chothú





Cad is caighdeán ann? Foinse buntáiste iomaíoch ar fud na n-earnálacha go léir

De réir ISO (an Eagraíocht Idirnáisiúnta um Chaighdeánú), is ionann caighdeán agus gaois mheáite na ndaoine a bhfuil saineolas acu ar a n-ábhar.

(Foinse: Caighdeáin, ISO, [iso.org/standards.html](https://www.iso.org/standards.html), 2023)

Is doiciméad teicniúil é caighdeán a fheidhmíonn mar threoirlíne, sainiú nó norm. Is é is bonn leis ná comhdhearcaidh faoi conas:

- táirge a dhéanamh
- próiseas a bhainistiú
- seirbhís a sholáthar
- acmhainní a sholáthar.

Ar fud na n-earnálacha go léir, cuireann caighdeáin le cáilíocht, sábháilteacht, éifeachtúlacht agus intuarthacht táirgí, próiseas agus seirbhísí. Ach caighdeáin a ghlacadh:

- feabhsaítear an idir-inoibritheacht
- rannchuidítear le bainistíocht costais
- cothaítear comhar ar fud tionscal.

Nuair a ghlacann gnólachtaí caighdeáin go luath, cabhraíonn sé leo an baol a bhaint as an gcinnteoireacht agus cuireann sé bonn lena gcuid iarrachtaí taighde agus forbartha. Ina theannta sin, aithnítear i mbeartas fiontraíochta na hÉireann agus na hEorpa go dtugann caighdeáin buntáiste iomaíoch do gach gnóthas beag agus meánmhéide (FBM).

Clár na nÁbhar

Réamhrá: Is í an iontaoibh bun agus barr an scéil	2
Misean, fíis agus luachanna	3
2022 in uimhreacha	4
Forléargas ón gCathaoirleach agus ón bPríomhoifigeach Feidhmiúcháin	6
Cuireann na caighdeáin bonn faoin saol	8
Deimhniúcháin: Tacaíocht do riachtanais ghnó	14
NSAI Inc	22
An tSaotharlann Náisiúnta Méadreolaíochta	24
An Mhéadreolaíocht Dlí	28
Rialachas Comhshaoil agus Sóisialta: Ár bhfreagrachtaí a chomhlíonadh	30
Ráiteas rialachais agus tuarascáil ó chomhaltáí an bhoird	33
Ráitis airgeadais chomhdhlúite 2022	40
Líonra oifigí NSAI	72



Réamhrá: Is í an iontaoibh bun agus barr an scéil

Bíonn bunchloch iontaoibhe de dhíth ar gheilleagair agus sochaithe ionas go bhfásfaidh siad agus go mbeidh rath orthu.

D'fhéadfadh sé nach mbeadh i gceist leis sin ach a bheith in ann brath ar an am a insíonn an ríomhaire dúinn, nó muinín a bheith againn gur fíor go bhfuil meáchan 800g i mbuillín aráin 800g a cheannaímid in ollmhargadh áitiúil. Bíonn níos mó ná sin i gceist uaireanta leis an iontaoibh freisin. Ní mór dúinne, na tomhaltóirí, a bheith in ann brath ar an sreangú in earraí leictreacha, mar shampla. Ní mór muinín a bheith againn go n-oibreoidh na criosanna sábhála inár gcarranna má tharlaíonn sé go mbíonn timpiste againn, agus gur chuir na déantóirí cógaisíochta na comhábhair chearta inár gcógais.

Lena chinntiú gur féidir le saoránaigh muinín a bheith acu as na hearraí agus na seirbhísí a cheannaíonn siad agus a mbaineann siad úsáid astu, baineann an tsochaí leas as caighdeáin agus méadreolaíocht (rudaí a thomhas). Tá caighdeáin ina mbonn faoin saol againn. Cothaíonn siad buntáiste iomaíoch, spreagann siad fás geilleagrach, agus fágann siad gur féidir linn a bheith i mbun trádála ar leibhéal domhanda. Chomh maith leis sin, cuireann caighdeáin le sábháilteacht an phobail agus cothaíonn siad stíl mhaireachtála níos inbhuanaithe.

An chaoi a gcuireann NSAI an iontaoibh chun cinn in Éirinn

Is é an tÚdarás um Chaighdeáin Náisiúnta na hÉireann (NSAI) comhlacht náisiúnta caighdeán na hÉireann. Bímid ag obair faoi choimirce an Aire Gnóthaí Fostaíochta agus Gnó Miondíola sa Roinn Fiontar, Trádála agus Fostaíochta, agus is páirtí feabhsaithe gnó muid d'fhiontair na hÉireann.

Téann ár gcuid oibre i bhfeidhm ar bheagnach gach duine in Éirinn. Tá gnóthais bheaga agus mheánmhéide na hÉireann, gnólachtaí ilnáisiúnta, agus an earnáil phoiblí ag brath orainn le níos mó ná 25 bliain anuas. Sa lá atá inniu ann, tá cliant againn in 30 tír.

Tríd an obair a dhéanaimid, cinntímid go mbeidh saol níos sábháilte, níos fearr, agus níos inbhuanaithe againn amach anseo. Le níos mó ná 25 bliain anuas, tá seirbhísí caighdeánaithe, seirbhísí deimhniúcháin, agus seirbhísí tomhais á soláthar againn thar ceann Stát na hÉireann, agus muid ag feidhmiú faoin Acht fán Údarás um Chaighdeáin Náisiúnta na hÉireann, 1996.

Tá níos mó ná 28,500 caighdeán inár gcatalóg. Baineann siad le gach tionscal, idir an teicneolaíocht agus iompar, idir shábháilteacht bia agus tógáil, agus idir talmhaíocht agus chúram sláinte. Is ar chaighdeáin idirnáisiúnta atá an chuid is mó acu bunaithe. Is iomaí foras caighdeán Eorpach agus idirnáisiúnta a bhfuilimid inár gcomhalta díobh. Sa ról sin, bíonn tionchar againn ar chaighdeáin agus i roinnt cásanna spreagaimid glacadh caighdeán atá ar son leas na tíre.

An fiúntas a bhíonn le caighdeáin do ghnó na hÉireann

Ní hamháin go bhfuil NSAI i bhfeighil caighdeán agus tomhas ar an leibhéal náisiúnta, ach cuirimid seirbhís deimhniúcháin ar fáil le haghaidh measúnú comhréireachta freisin. Is mór an tairbhe é d'aon ghnó nó eagraíocht deimhniúchán a bhaint amach. Is féidir leis a bheith ina spreagadh ollmhór dóibh, fiú. D'fhéadfaí gnólacht dul ag díol ar fud na cruinne de bharr measúnú neamhspleách a bheith déanta ar tháirge nó seirbhís.

Tá roinnt dár scéimeanna deimhniúcháin éigeantach ionas go mbeidh cead ag táirgeoirí díol san Aontas Eorpach. Tá roinnt eile acu á réachtáil ar bhonn deonach, ach i ndeireadh na dála is iondúil gur fearr a éiríonn le heagraíochtaí a bhfuil a gcórais bhainistíochta deimhnithe ná leo siúd nach bhfuil.



Misean, fíis agus luachanna

I gcás NSAI, ba bhliain ríthábhachtach forbartha agus fáis a bhí in 2022, agus ba bhliain ó ina ndearnamar athnuachan ar ár misean, ár bhfíis agus ar na luachanna atá againn.

Chun freagairt dó sin agus d'athruithe agus do dhúshlán níos leithne, sheolamar ár bplean nua, Plean Straitéiseach 2022-2026: Nuálaíocht chun Todhchaí Inbhuanaithe, níos Sábháilte agus níos Fearr a mhúnlú

Tá colúin lárnacha an phlean sin dírithe ar thacú le seirbhísí agus iad a fheabhsú do gach eagraíocht, go háirithe gnóilachtaí beaga, ar fud cheithre phríomhréimse den gheilleagar, lena léirítear tosaíochtaí an rialtais:

- an timpeallacht thógtha
- claochlú digiteach
- gníomhú ar son na haeraíde
- teicneolaíocht an leighis.

An misean atá againn

Baineann NSAI leas as an saineolas agus an oilteacht atá againn, mar aon leis an dea-chleachtas sa tionscal, chun ár bpobal gnó domhanda a nascadh, a éascú agus a fhorbairt, agus réitigh nuálacha a bhforbairt againn chun saol níos sábháilte, níos fearr agus níos inbhuanaithe a chothú.

An fhíis atá againn

A bheith aitheanta mar an comhpháirtí is rogha le gnóilachtaí ar an leibhéal domhanda maidir le seirbhísí teicniúla, saineolacha den scoth a sholáthar, lena n-éascaítear do ghnóilachtaí rath a bheith orthu ar bhealach claochlaitheach, inbhuanaithe.

Ár gcroíluachanna

Beidh croíluachanna athnuaite NSAI ina mbonn agus ina dtaca ag an misean agus ag an bhfíis, cuirfidh siad cruth ar ár gcultúr, agus léireoidh siad cé na tréithe a bhfuil meas ag NSAI orthu agus a gcuireann sé luach ard orthu i ndáiríre. Is iad sin:

SÁRMHAITHEAS

Is cúis mhór bhróid againn é inniúlacht cheannródaíoch agus athléimneacht a chur chun cinn d'fhonn sármhaitheas a bhaint amach inár gcuid oibre, agus muid ag glacadh go fonnmar le hathruithe agus ag tapú deiseanna.

SAINEOLAS

Agus ár n-inniúlachtaí réamhbhreathnaithe á gcothú againn, aithnímid an tábhacht ollmhór a bhaineann le féachaint chuige go mbeidh ár ndaoine seasta ag forbairt agus ag fás.

MEAS

Aithnímid nach féidir rath a bheith orainn ach trí mheas a bheith againn ar éagsúlacht ár bhfoirne, ár gcustaiméirí agus ár gcomhpháirtithe. Cinntítear go mbeidh meas againn orthu trí chur chuige oscailte, rannpháirteach a léiriú inár n-idirghníomhaíocht go léir agus trí thimpeallacht a chothú atá bunaithe ar mhuinín a bheith againn as a chéile.

IONRACAS

Is mór againn an t-ionracas agus bímid ag bainistiú ar bhealach neamhchlaonta. Is iadsan bunchlocha ár ngníomhaíochtaí agus leagtar béim orthu agus muid ag plé lenár bpáirtithe leasmhara go léir.

COMHOIBRIÚ

Bímid ag comhoibriú ar bhealach rannpháirteach ar fud ár n-eagraíochta, lenár bhfoireann, agus le comhpháirtithe seachtracha chun luach inbhuanaithe a chothú d'Éirinn i gcomhthéacs domhanda.

NUÁLAÍOCHT

Tacaímid leis an ngá atá le lúfaireacht agus nuálaíocht ar fud ár bpróiseas, ár gcóras, agus ár seirbhísí, rud a bhaintear amach trí bheith seasta ag ceistiú na mbealaí atá leagtha síos chun rudaí a dhéanamh.

CUNTASACHT

Tugaimid sinn féin agus a chéile chun cuntais chun ár gcroíluachanna a chomhlíonadh go seasta agus muid ag gabháil don mhisean atá againn, ionas go mbeidh ardleibhéal creidiúnachta againn i súile ár bpáirtithe leasmhara go léir.

Is féidir leat cóip dár bPlean Straitéiseach a íoslódáil ó nsai.ie.

Scéal fáis: 2022 in uimhreacha

CAIGHDEÁIN

1,725

CAIGHDEÁN NUA
FOILSITHE

*méadú beagnach 30%
i gcomparáid le 2021*

313,082

LÍON NA GCAIGHDEÁIN AR
FÉACHADH ORTHU NÓ AR
ÍOSLÓDALADH IAD

*méadú beagnach 50%
i gcomparáid le 2021*

196

COMHALTA COISTE NUA

*dhá oiread líon na
gcomhaltaí nua in 2021*

475

INIÚCHADH AR LÁITHREÁN
FEISTÍ LEIGHIS

8,527

TÁIRGE MÓTARFHEITHICLE
CEADAITHE

828

TÁIRGE TÓGÁLA
CEADAITHE

DEIMHNIÚCHÁN [TRÍ NSAI AGUS NSAI INC]

3,298

INIÚCHADH DÉANTA AR
CHÓRAS BAINISTÍOCHTA

382

DEIMHNIÚ NUA EISITHE
I LEITH CÓRAIS
BHAINISTÍOCHTA

308

SUITEÁLAÍ INSLITHE
CLÁRAITHE

EOLAÍOCHT AN TOMHAIS (AN TSAOTHARLANN NÁISIÚNTA MÉADREOLAÍOCHTA)

5,300

DEIMHNIÚ CALABRÚCHÁIN
EISITHE AG AN TSAOTHARLANN
NÁISIÚNTA MÉADREOLAÍOCHTA
(NML) DO BHREIS IS 500
CUIDEACHTA

540

LÁ TAIGHDE CUIRTHA ISTEACH
AG EOLAITHE TOMHAIS
I GCOMHAIR CHLÁIR
EORPACHA THAIGHDE

20

CÚRSA OILIÚNA DE CHUID NML,
AR THÁINIG 60 CUIDEACHTA
ÉIREANNACH CHUCU

MÉADREOLAÍOCHT DLÍ

7,984

LÍON NA NÁITREABH AR
TUGADH CUAIRT ORTHU
AR FUD NA HÉIREANN

*méadú 47%
i gcomparáid le 2021*

22,636

LÍON NA NUIRLISÍ TRÁDÁLA A
NDEARNADH CIGIREACHT ORTHU

*méadú beagnach 45% i gcomparáid
le 2021*

*Airítear sna figiúirí thuas cigireachtaí ar
thacsaithe, mar gheall ar arduithe ar
tháillí tacsai a tugadh isteach in 2022.*



Forléargas ón gCathaoirleach agus ón bPríomhoifigeach Feidhmiúcháin

An fáth a bhfuil tábhacht le caighdeáin

Agus Éire á cheiliúradh go bhfuil sí 50 bliain san Aontas Eorpach agus 30 bliain sa Mhargadh Aonair, ní raibh caighdeáin, deimhniúcháin agus tomhas riamh chomh tábhachtach is atá siad anois i dtaobh na trádála a dhéanaimid sa tír seo agus thar lear.

Toisc gur geilleagar beag oscailte í, braitheann Éire ar éileamh eachtrach agus ar mhargaí idirnáisiúnta le haghaidh fás inbhuanaithe, leanúnach. Tá sé sin rithábachtach chun poist a choinneáil agus a chothú ar fud na tíre.

De bharr na gcaighdeán, is féidir le hearraí agus seirbhísí gluaiseacht thart ar an Aontas Eorpach. Fágann sé sin an saol níos éasca do gach duine. Spreagann sé muinín i measc na dtomhaltóirí, éascaíonn sé don trádáil trasteorann agus cothaíonn sé deiseanna nua do ghnólachtaí.

Tacú le trádáil agus fiontraíocht dhomhanda

In NSAI, tacaíonn ár bhfoireann thiomanta le gnó an Aontais Eorpaigh agus leis an ngnó domhanda trí bheith i mbun nuálaíochta chun saol níos sábháilte, níos fearr agus níos inbhuanaithe a chothú.

In 2022, rinneamar a chomóradh go bhfuil sé 25 bliain ó bunaíodh muid trínár bPlean Straitéiseach 2022–2026 a sheoladh, plan atá i gcroílár phríomhthosaíochtaí an rialtais agus an Aontais Eorpaigh.

Chomh maith leis an ionchur uainn sa Phlean Gníomhaithe ar son na hAeráide, sa bheartas ‘Tithíocht do Chách’ agus sa Straitéis Dhigiteach Náisiúnta, tá borradh faoi thorthaí ár rannpháirtíochta ar fud an rialtais maidir le luach agus tionchar na hoibre chun caighdeáin a fhorbairt. I straitéisí rialtais a foilsíodh le déanaí*, luaitear an méid a chuireann forbairt caighdeán agus na caighdeáin féin leis an tacaíocht d’fhiontair agus taighde na hÉireann.

Sármhaitheas a chumasú ar fud earnálacha

Soláthraíonn NSAI seirbhísí riachtanacha rialála a theastaíonn ó ghnólachtaí teicneolaíochta leighis Éireannacha agus earraí á n-onnmhairiú acu chuig an Eoraip agus chuig dlísiní eile a ghlacann leis an gcomhartha CE, mar shampla. In 2022, cheadaigh Rannóg Feistí Leighis NSAI roinnt feistí leighis ardriosca atá rithábachtach maidir le sábháilteacht othar. Moladh freisin go n-ainmneofaí NSAI mar chomhlacht dá dtugtar fógra faoin Rialachán (AE) 2017/746 maidir le feistí leighis diagnóiseacha in vitro. Tharla sé sin go luath in 2023, rud a fhágann go bhfuil muid ar cheann de 10 gcomhlacht dá dtugtar fógra san Eoraip.

Bhí ár gcuid oibre maidir le Sármhaitheas Gnó fós ag tacú le FBManna na hÉireann, go háirithe i réimsí rithábachtacha amhail an chibearshlándáil. Rinneamar ár n-acmhainní a fhorbairt tuilleadh le bheith inár gComhlacht Deimhnithe ainmnithe faoin Acht um Chibearshlándáil, chun cabhrú le hÉirinn a cuid oibleagáidí faoi na rialacháin nua sin a chomhlíonadh.

Chun tacú leis an mbeartas ‘Tithíocht do Chách’, leanann ár bhFoireann Inbhuanaitheachta agus Timpeallachta Tógtha ag deimhniú cineálacha nua modheolaíochtaí agus teicnící tógála. Tá ár bhFoireann um Chaighdeáin ag bunú caighdeán chun tacú le tionscal foirgníochta na hÉireann, i réimsí mar an t-iarfheistiú agus an dearadh uilíoch. Cabhróidh an dá rud sin lena chinntiú gur féidir le cuideachtaí tógáil ar bhealach níos sábháilte, níos fearr agus níos inbhuanaithe.

Anuraidh, lean ár bhFoireann um Chaighdeáin ag cabhrú le bonneagar caighdeán a fhorbairt chun tacú leis an ngníomhú ar son na haeráide ar an leibhéal náisiúnta agus idirnáisiúnta. Tháinig a struchtúir chomhairliúcháin don chaighdeánú chun cinn i gcomhair réimsí amhail:

- úsáid a bhaint as hidrigin ghlas
- an geilleagar ciorclach i dtionscal na tógála
- oiriúnú don athrú aeráide
- tacú le húsáid breoslaí malartacha.

Caighdeáin idirnáisiúnta a fheabhsú

D’éirigh go geal in 2022 le NSAI Inc, a fhreastalaíonn ar chliaint dhomhanda óna bhunáit i SAM. Tháinig méadú nach beag ar líon na láithreán feistí leighis agus na láithreán um dheimhniú córas bainistíochta a cláraíodh ar fud na gclár go léir.

Sa Ríocht Aontaithe, d’éirigh le NSAI Certification UK ina chuid iniúchtaí measúnaithe in 2022 dá chuid oibre faoin gcomhartha UKCA le haghaidh Foirgníochta, Uirlisí Tomhais agus Uirlisí Neamh-Uathoibríocha Meáite. Bhronn Seirbhís Creidiúnaithe na Ríochta Aontaithe (UKAS) creidiúnú air go luath in 2023.

Is féidir le honnmhaireoirí Éireannacha comharthaí UKCA a bhaint amach anois trí NSAI le haghaidh táirgí foirgníochta agus iad a chur ar an margadh i Sasana, in Albain agus sa Bhreatain Bheag.

Borradh faoin éileamh ar sheirbhísí méadreolaíochta

Bhí éileamh mór ar sheirbhísí calabrúcháin na Saotharlainne Náisiúnta Méadreolaíochta (NML) in 2022. I rith na bliana, rinne foireann NML os cionn 5,000 babhta calabrúcháin, agus cuid acu níos casta ná a chéile, do níos mó ná 500 gnólacht ar fud tionscadail éagsúla. Chuir an obair sin inrianaitheacht riachtanach ar fáil do lucht tionsclaíochta na hÉireann.

Maidir leis an méadreolaíocht dlí, rinne an rannóg níos mó ná 22,000 cigireacht ar uirlisí agus tugadh beagnach 8,000 cuairt ar thrádálaithe in 2022. Thástáil an fhoireann na cláir tacsaiméadair ar fad in achar ama beag, chun tacú le tabhairt isteach an táille tacsáí nua in 2022.

Feidhmíocht agus clár forásach a spreagadh

Bhí fós ag éirí go geal le NSAI i dtaobh feidhmíocht airgeadais in 2022. Tháinig méadú níos tapa ar chostais ná ar ioncam, de réir mar a d'infheistíomar acmhainní i bpríomhréimsí tosaíochta amhail:

- Tithíocht do Chách
- feistí leighis
- gníomhú ar son na haeráide
- ár n-oifig nua sa Ríocht Aontaithe.

In ainneoin infheistíocht níos mó a dhéanamh, d'éirigh níos fearr linn ná mar a tuaradh sna réamh-mheastacháin airgeadais tosaigh, rud a laghdaigh an deontas rialtais réamh-mheasta de €1.25m.

Tá ár gcuid oibre ábhartha ar fud an domhain. Tá sé ríthábhachtach go leanfaimid orainn ag cur chun cinn clár oibre forásach ar shaincheisteanna mar thithíocht, cúrsaí aeráide, claochlú digiteach, inbhuanaitheacht agus caighdeán don todhchaí.

Ár mbuíochas ó chroí leo siúd a mbímid ag obair leo

Gabhaimid ár mbuíochas le baill foirne NSAI in Éirinn agus sna Stáit Aontaithe, a raibh teacht aniar á léiriú acu fós le linn 2022. Gabhaimid buíochas freisin leis na comhaltaí boird (agus na comhaltaí boird atá imithe as oifig), as a gcuid ama agus a ndúthracht.

Ba mhaith linn ár mbuíochas a ghabháil freisin lenár gcomhaltaí coiste agus leis na saineolaithe tionsclaíochta – 2,000 duine san iomlán – as a dtiomantas leanúnach d'obair an chaighdeánaithe, rud a chuir le cáil na hÉireann i súile an domhain.

Is mór againn freisin an tacaíocht ó na hAirí sa Roinn a bhfuilimid faoina coimirce – an Roinn Fiontar, Trádála agus Fostaíochta – agus an tacaíocht ón iarArd-Rúnaí, an Dr Orlaigh Quinn, ó Declan Hughes, a tháinig ina diaidh, agus óna gcomhghleacaithe ar fud na rannán go léir. Táimid an-bhuíoch as a dtacaíocht leanúnach maidir le plean straitéiseach NSAI a chur i bhfeidhm agus as an obair a dhéanann siad chun trádáil agus fiontraíocht na hÉireann a chumasú.

Anois, i gcomhréir le forálacha an Achta fán Údarás um Chaighdeán Náisiúnta na hÉireann (NSAI), 1996, thar ceann an bhoird agus NSAI, cuirim faoi bhur mbráid an Tuarascáil Bhliantúil don bhliain dar chríoch an 31 Nollaig 2022.

** Beartas Fiontraíochta nua na Roinne Fiontar, Trádála agus Fostaíochta agus Impact 2030 – Straitéis Taighde agus Nuálaíochta ón Roinn Breisoideachais agus Ardoideachais, Taighde, Nuálaíochta agus Eolaíochta.*



James Kennedy
Cathaoirleach



Geraldine Larkin
Príomhoifigeach Feidhmiúcháin

Cuireann na caighdeáin bonn faoin saol

Is é NSAI an comhlacht náisiúnta caighdeán d'Éirinn agus is é comhalta na hÉireann é sna heagraíochtaí seo a leanas:

- CEN (An Coiste Eorpach um Chaighdeánú)
- CENELEC (An Coiste Eorpach um Chaighdeánú Leictreicniúil)
- ISO (Eagraíocht Idirnáisiúnta na gCaighdeán)
- IEC (An Coimisiún Idirnáisiúnta Leictreicniúil)

Tá NSAI ina chomhalta freisin de ETSI, Institiúid Eorpach na gCaighdeán Teileachumarsáide.

Trína struchtúr náisiúnta coistí, ina bhfuil breis is 2,000 comhalta coiste páirteach, cuidíonn NSAI le saineolaithe agus páirtithe leasmhara atá bunaithe in Éirinn páirt a ghlacadh sa chaighdeánú ar gach leibhéal.

Bíonn saineolaithe NSAI i mbun obair chaighdeánaithe ar an leibhéal Eorpach agus ar an leibhéal idirnáisiúnta, agus iad ag déanamh ionadaíocht do leasanna ghnólachtaí agus shochaí na hÉireann. Bímid ag obair freisin le heagraíochtaí, gnólachtaí agus saineolaithe Éireannacha agus spreagaimid iad chun bheith páirteach san fhorbairt caighdeán. Trí bheith ar thús cadhnaíochta i bhforbairt taighde agus caighdeán, is féidir leo tairbhe a bhaint as aistriú eolais agus as an nuálaíocht.

Bímid ag obair ar fud earnálacha tionscail agus taighde agus leis an lucht acadúil chun feasacht a chothú maidir le luach na gcaighdeán agus an luach a bhaineann lena nglacadh. Cuirimid leabharlann mór náisiúnta caighdeán ar fáil freisin, ina bhfuil caighdeáin Eorpacha agus cinn idirnáisiúnta chomhchuibhithe chomh maith le caighdeáin náisiúnta.



Ina bhfocail féin...

"Trí ionchur a bheith againn, i gcáil saineolaí tionscail, i gcaighdeáin chomhchuibhithe na hÉireann agus na hEorpa, bímid in ann a bheith páirteach sa phróiseas chun ullmhú don athrú, rud atá fíorluachmhar."

*Caroline Ashe Brady,
Kore Systems
[cliant de chuid NSAI]*

Soláthraíonn Kore réitigh inslithe shaincheaptha, agus rannchuidigh sé le forbairt roinnt caighdeán tógála Eorpach trína bhallraíocht i gComhlachas Náisiúnta Inslithe na hÉireann.



Caighdeáin **Sracfhéachaint** ar 2022

Achoimre ar 2022

Caighdeáin ar fáil ó chatalóg
NSAI méadaithe go

28,000+

313,082

Líon na n-úsáideoirí Éireannacha
a d'aimsigh caighdeáin trí
chatalóg ar líne NSAI

361

Líon na n-úsáideoirí nua atá cláraithe ar
an Tairseach 'Your Standards Your Say'
(ardán poiblí ar líne ar ar féidir le lucht
tionsclaíochta na hÉireann agus leis an
bpobal teacht ar dhréachtchaighdeáin,
trácht a dhéanamh orthu agus
ionchur a bheith acu iontu)

1,725

caighdeán foilsithe
ag NSAI

454

Líon na gcrúinnithe de choistí
caighdeán a tionóladh

2,046

Líon na gcomhaltaí
coiste náisiúnta



Caighdeán Léargas ar ghníomhaíochtaí 2022

Tosaíocht straitéiseach in Éirinn agus san Eoraip

Ba bhliain ríthábhachtach í 2022 maidir leis an tábhacht straitéiseach a bhaineann le caighdeán agus forbairt caighdeán. Foilsíodh iad seo a leanas:

- Plean Straitéiseach NSAI 2022-2026
- an doiciméad straitéise Eorpach uileghabhálach: Straitéis AE um Chaighdeánú – Caighdeán dhomhanda a leagan síos chun tacú le margadh aonair AE atá athléimneach, glas agus digiteach.

Ó foilsíodh an straitéis sin i mí Feabhra 2022, táthar ag díriú go tréan arís ar an gcaighdeánú san Eoraip, agus tá an t-ábhar sin ar chlár oibre daoine sinsearach i measc an lucht déanta beartas. Tá ceannairí in Éirinn agus san Aontas Eorpach ag tabhairt aitheantas níos mó don tábhacht straitéiseach a bhaineann le caighdeánú chun dul chun cinn teicneolaíochta a chumasú agus chun iomaíochas a chothú.

Fóram Eorpach nua um chaighdeánú

Bhí sé ar cheann de phríomhchuspóirí na straitéise Eorpaí um chaighdeánú go mbunódh an Coimisiún Eorpach fóram ardleibhéil ar chaighdeánú san Eoraip, agus cuireadh é sin ar bun in 2022. Cuireadh tús lena chuid oibre go hoifigiúil i mí Eanáir 2023. Tá sé ina aidhm aige aillíniú straitéiseach agus tionchar an phobail Eorpaigh um chaighdeánú a fheabhsú ar mhaithe le hÉirinn agus leis an Eoraip. Áirítear ar a chomhaltáí ionadaithe ardleibhéil uathu seo a leanas:

- ballstáit
- eagraíochtaí Eorpacha um chaighdeánú
- earnáil na tionsclaíochta
- an tsochaí shibhialta
- an lucht acadúil.

Ceapadh ardoifigeach ón Roinn Fiontar, Trádála agus Fostaíochta agus Príomhfheidhmeannach NSAI ina dtoscairí de chuid na hÉireann ar an bhfóram. Ceapadh baill foirne ó Rannóg na gCaighdeán chun bheith páirteacha sna meithleacha tacaíochta.

Glacadh leasú ar an Rialachán Eorpach um Chaighdeánú 1025/2012 in 2022 freisin. Féachtar leis sin le cur le ról na gcomhlachtaí náisiúnta um chaighdeánú, amhail NSAI, sa chinnteoireacht Eorpach. Chuir NSAI go gníomhach leis an mbreithniú Eorpach ar an leasú sin agus ar an tionchar a bheadh aige ar nósanna imeachta um chaighdeánú.

Rannchuidiú le Plean Straitéiseach NSAI

Is é Plean Straitéiseach NSAI 2022–2026 is bonn leis an obair straitéiseach go léir a dhéanaimid chun luach níos fearr a sholáthar d'fhiontair Éireannacha.

Treoraíonn baill de Rannóg na gCaighdeán tionscadail straitéiseacha ar fud na réimsí seo a leanas:

- gníomhú ar son na haeráide
- tionscadail dhigiteacha
- aistriú eolais
- rannpháirtíocht le páirtithe leasmhara.

Caighdeán nua agus cinn ar díoladh a lán díobh in 2022

In 2022, ag teacht lenár bplean straitéiseach, d'fhorbair agus d'fhoilsigh Coistí Caighdeán NSAI ceithre chaighdeán dhúchasacha chun freastal ar riachtanais lucht tionsclaíochta agus shochaí na hÉireann:

- IS 291:2015+A1:2022 – *Selection, commissioning, installation, inspection and maintenance of portable fire extinguishers*
- IS 342:2022 – *Guide to good hygiene practice for the food processing industry in accordance with the Council Directive 93/43/EEC on the hygiene of foodstuffs*
- SR 54:2014/A2:2022 – *Code of Practice for the Energy Efficient Retrofit of Dwellings*
- IS 311:2022 – *Verification of certain environmental parameters of solid fuels for space or water heating in individual domestic or licensed premises.*

Ba iad na caighdeán Éireannacha ba mhó a raibh díol orthu in 2022 ná:



Caighdeáin Léargas ar ghníomhaíochtaí 2022

Gníomhú ar son na haeráide agus inbhuanaitheacht: ár ngníomhaíochtaí i ndáil le caighdeáin

Tá Rannóg na gCaighdeán in NSAI ag obair go leanúnach chun aghaidh a thabhairt ar na rioscaí a bhaineann leis an athrú aeráide d'Éirinn, anois agus amach anseo. In 2022, leanamar ag forbairt bonneagar caighdeán chun tacú leis an ngníomhú ar son na haeráide ar an leibhéal náisiúnta agus an leibhéal idirnáisiúnta. Áiríodh leis sin ár struchtúir chomhairliúcháin a fhorbairt i dtaobh na nithe seo a leanas a chaighdeánú:

- an úsáid a bhaintear as hidrigin ghlas
- an geilleagar ciorclach i dtionscal na tógála
- oiriúnú don athrú aeráide
- tacú le húsáid breoslaí malartacha.

Bhunaíomar coistí nua i réimsí gaolmhara, lena n-áirítear:

- gabháil, iompar, agus stóráil gheolaíoch dé-ocsaíde carbóin
- caighdeánú i réimse an bhithgháis a tháirgtear trí dhíleá anaeróbach, gásúchán ó bhithmhais agus cumhacht go gás ó fhoinsí bithmhaise.

Áirítear obair chun dul i ngleic leis an athrú aeráide freisin le raon feidhme na gcoistí i réimsí réasúnta seanbhunaithe, amhail an leictreicneolaíocht, an fuinneamh mara agus athchúrsáil dramhthrealaimh leictirigh agus leictreonaigh (WEEE). Ina theannta sin, gheall NSAI faireachán a dhéanamh ar obair an choiste nua Eorpaigh, CEN TC 467 Athrú Aeráide.


I mí na Bealtaine 2022, ghlac Éire sonraíocht theicniúil idirnáisiúnta (TS), ISO TS 14092 *Adaptation to climate change — Requirements and guidance on adaptation planning for local governments and communities as a national technical specification (TS)*. Tá an TS ina chuid de phacáiste foriomlán de chaighdeáin Éireannacha is féidir le húdaráis áitiúla a úsáid chun cloí leis an dea-chleachtas maidir le rioscaí athraithe aeráide a mheasúnú. Chun feachtas a mhúscailt, chuireamar feachtas margaíochta díri ar bun, a bhí dírithe ar údaráis áitiúla in 2022.

A bhuí le hobair ár gCoiste Aisfheistithe, foilsíodh leasú ar an treoir seanbhunaithe maidir le hiarfheistiú a dhéanamh ar theaghais, SR 54, in 2022. Tá obair ghaolmhar beartaithe i gcomhair 2023.

I mí na Nollag a foilsíodh IS 311 *Verification of certain environmental parameters of solid fuels intended for use in space or water heating in individual domestic or licenced premises*. Forbraíodh an caighdeán sin ar bhonn iarraidh ón Roinn Comhshaoil, Pobail agus Rialtais Áitiúil chun tacú le ceanglais nua a leagtar amach san Acht um Thruailliú Aeir, 1987. Leis an gcaighdeán, leathnaítear raon na riachtanas teicniúil agus an raon breosla a bhfuil feidhm ag an reachtaíocht ina leith.

Chuidigh NSAI freisin le tionscadal de chuid Met Éireann chun léarscáileanna aeráide agus sonraí sonracha a fhorbairt le húsáid i ndearadh foirgneamh chun cur le hathléimneacht na hÉireann i dtaobh tacú leis an oiriúnú don athrú aeráide agus leis an gCreat Náisiúnta Oiriúnaithe. Beidh toradh an taighde ina threoir d'obair a dhéanfar amach anseo maidir le caighdeáin ghaolmhara in earnáil na tógála.

Na daoine a mbíonn caighdeáin á bhforbairt acu, bhaineadar tairbhe as aistriú eolais agus as an nuálaíocht trí eolas a chur ar chaighdeáin a bheidh ag teacht chun cinn amach anseo.



Caighdeán Léargas ar ghníomhaíochtaí 2022

An Réimse Digiteach: ár ngníomhaíochtaí i dtaobh caighdeán

Leanamar de ról gníomhach a bheith againn i réimse gasta na teicneolaíochta faisnéise agus cumarsáide, go háirithe maidir le caighdeán a fhorbairt a bhaineann leo seo a leanas:

- an intleacht shaorga
- blocshlabhra
- idirlíon na n-earraí (IOT)
- an chibearshlándáil
- ríomhshonrascú
- réimsí eile.

Tá an intleacht shaorga go mór faoi chaibidil anois, agus is cinnte go bhfuil an-chuid deiseanna sa réimse sin chun cabhrú leis an tsochaí ach í a úsáid i gceart agus cosaintí leordhóthanacha a bheith i bhfeidhm. Tá ról comhoibríoch ríthábhachtach ag NSAI maidir le caighdeán nua chomhchuíbhithe Eorpacha i dtaobh na hintleachta saorga a fhorbairt chun tacú leis an úsáid a bhaineann gnólaíochtaí aisti. Leanadh ar aghaidh le hobair na nArdfoirne maidir le Caighdeán i Réimse na hIntleachta Saorga in 2022. Rannchuidigh siad leis an tuairisciú don Roinn Fiontar, Trádála agus Fostaíochta (RFTF) maidir leis na caighdeán náisiúnta agus na gníomhaíochtaí deimhniúcháin is gá chun tacú le hoibleagáidí dlíthiúla agus eiticíúla i ndáil leis an intleacht shaorga.

Lean NSAI ar aghaidh ag cur seirbhísí tionóil agus seirbhísí rúnaíochta ar fáil don choiste caighdeán ISO maidir le hlontaofacht i réimse na hIntleachta Saorga. Tar éis fhoilsiú an togra i ndáil le Gníomh an Aontais Eorpaigh maidir leis an Intleacht Shaorga in 2022, bhí NSAI ag obair i ndlúthchomhar le RFTF chun tacú léi sa chaibidlíocht a bhí ar bun leis an Aontas sa réimse sin. Ghlacamar páirt ghníomhach freisin i bhforbairt agus i gcur i gcrích na hlarrata um Chaighdeánú na hIntleachta Saorga san Aontas Eorpach, ar iarraidh í a rinne an Coimisiún.



Tacaíocht do bheartas náisiúnta agus do chuspóirí straitéiseacha NSAI

Tacaíocht do bheartas agus reachtaíocht náisiúnta agus do bheartas agus reachtaíocht Eorpach

In 2022, bhí torthaí rannpháirtíochta NSAI ar fud an Rialtais le sonrú i dtaobh luach agus tionchar na forbartha caighdeán. I straitéisí rialtais a foilsíodh in 2022*, luaitear an méid a chuireann forbairt caighdeán agus na caighdeán féin leis an tacaíocht d'fhiontair agus taighde na hÉireann.

Lean NSAI ar aghaidh freisin ag gabháil do ghealltanais i leith beartas agus reachtaíocht náisiúnta agus beartas agus reachtaíocht de chuid an Aontais Eorpaigh ar fud raon réimsí straitéiseacha a bhaineann le caighdeán, lena n-áirítear:

An Plean Gníomhaithe ar son na hAeráide

Forbairt an Treochláir Hidrigine d'Éirinn

Rialachán ón Aontas Eorpach maidir le Táirgí Foirgníochta

An Straitéis Náisiúnta 'Tithíocht do Chách'

Togra AE maidir le Ceanglais Éicidhearthóireachta

Tionscnaimh maidir le Bloic Choincréite lochtacha

Inrochtaineacht agus an Straitéis Náisiúnta Míchumais

Straitéis Náisiúnta um an Intleacht Shaorga agus Dréacht-Ghníomh AE maidir leis an Intleacht Shaorga

Straitéis Náisiúnta Tionscal 4.0 agus an Rialachán AE maidir le hInnealra

An Plean Náisiúnta Fáis i gcomhair FBManna agus Fiontraíochta

IMPACT 2030 – An Straitéis Náisiúnta Taighde agus Nuálaíochta

Beartais Fiontair Náisiúnta agus cinn AE

Plean Rollach TFC an Aontais agus reachtaíocht atá le teacht ó AE maidir leis an réimse digiteach


Caighdeáin Léargas ar ghníomhaíochtaí 2022



Aitheantas don nuálaíocht sa chaighdeánú

Bhronnamar Gradam Nuálaíochta NSAI ar dhá eagraíocht in 2022 chun aitheantas a thabhairt dá gcuid iarrachtaí caighdeáin a úsáid agus tionchar a imirt ar fhorbairt caighdeán chun cabhrú le spriocanna nuálacha a bhaint amach.

1. An tionscadal GEOFIT in Ollscoil na Gaillimhe, tionscadal gníomhaíochta nuálaíochta ceithre bliana arna mhaoiniú faoi chlár *Fís 2020* an Aontais Eorpaigh, a bhfuil sé ina aidhm leis straitéis iarfheistithe atá tíosach ar fhuinneamh a chur i bhfeidhm i leith na bhfoirgneamh san Eoraip.
2. Fiontraíocht Éireann, as ucht scórchárta nuálaíochta ar líne a fhorbairt, bunaithe ar an gcaighdeán treorach nua ISO 56002 maidir le córais bainistíochta nuálaíochta, i gcomhair FBManna, corparáidí ilnáisiúnta agus eagraíochtaí san earnáil phoiblí.



Rannpháirtíocht le páirtithe leasmhara

Thionóil NSAI imeachtaí éagsúla in 2022 chun dul i dteagmháil le páirtithe leasmhara ionas go bhféadfaí pobal na gcaighdeán a atreisiú i ndiaidh na paindéime. Áiríodh leo sin:

- Seimineáir ghréasáin, ar réachtáladh cuid acu le príomhpháirtithe straitéiseacha:
 - caighdeáin inrochtaineachta leis an Údarás Náisiúnta Míchumais
 - eisiúint sonrasc leictreonach leis an Oifig um Sholáthar Rialtais
 - caighdeáin bhithbhaincéireachta leis an mBord Taighde Sláinte
- For-rochtain don phobal oideachais agus taighde, lena n-áirítear:
 - cuir i láthair pearsanta do mhic léinn in institiúidí tríú leibhéal
 - rannpháirtíocht ghníomhach le Lárionaid Taighde, Forbartha agus Nuálaíochta SFI
 - bualadh le Clár Comhaltachta Elite-S Ollscoil Chathair Bhaile Átha Cliath, a chothaíonn saineolas taighde um chaighdeánú sa teicneolaíocht
- Filleadh ar Fhóram Caighdeán a réachtáil san fhíorshaol, ag teacht le Lá Domhanda na gCaighdeán.

In 2022, lean NSAI ar aghaidh ag cothú dlúthchaidreamh le ranna Rialtais ina ról mar phointe teagmhála don Chóras Faisnéise um Rialáil Theicniúil (TRIS) faoi Threoir 2015/1535 ón Aontas Eorpach. Is córas fógra é sin faoi reachtaíocht náisiúnta atá beartaithe chun bacainní teicniúla ar thrádáil a sheachaint.

Le linn 2022, chuaigh NSAI i gcomhairle le cúig roinn maidir le 15 thogra chasta le haghaidh reachtaíocht náisiúnta.

* Beartas Fiontraíochta nua na Roinne Fiontar, Trádála agus Fostaíochta agus Impact 2030 – Straitéis Taighde agus Nuálaíochta na Roinne Breisoidreachais agus Ardoideachais, Taighde, Nuálaíochta agus Eolaíochta.

Deimhniúchán: Tacaíocht do riachtanais ghnó

Bunaíonn agus feidhmíonn NSAI, NSAI Inc and NSAI Certification UK scéimeanna deimhniúcháin i leith táirgí, seirbhísí agus próiseas agus cuireann sí na scéimeanna sin chun cinn. Is ar lucht tionsclaíochta na hÉireann is mó atá siad dírithe.



Ina bhfocail féin...

“Tuigeann NSAI an comhthéacs gnó anseo. Ní cinneadh ar bhonn costais a bhí i gceist dúinne, ach cinneadh faoin rud ba cheart dúinn a dhéanamh ar son an ghnó.”

*Conor Dowling, ProCloud
[cliant de chuid NSAI].*

Trí dheimhniú i leith caighdeáin ISO a fháil trí NSAI, bhí ProCloud in ann a phróisis a athrú ó bhonn, cinnteoireacht níos fearr a éascú agus a chur chuige straitéiseach a leagan amach as an nua.

Chun tacú le riachtanais ghnó na hÉireann, cuireann NSAI ar fáil idir scéimeanna creidiúnaithe [arna gceadú ag Bord Náisiúnta na hÉireann um Chreidiúnú (INAB) agus ag Seirbhísí Creidiúniúcháin na Ríochta Aontaithe (UKAS)] agus scéimeanna deimhniúcháin neamhchreidiúnaithe.

Sna Stáit Aontaithe, déanann Bord Náisiúnta Creidiúnaithe ANSI (ANAB) creidiúnú ar NSAI Inc chun cláir dheimhniúcháin éagsúla a chur ar fáil.

Trí dheimhniú NSAI a lorg, is féidir le gnólaigh a thaispeáint go bhfuil siad á reáchtáil go héifeachtach agus go gcloíonn siad le caighdeáin aitheanta idirnáisiúnta. Ina theannta sin, is cúnamh é an próiseas chun an deimhniú a bhaint amach agus a choinneáil ó thaobh a chinntiú go mbeidh feabhas leanúnach ag teacht ar ghnólaigh.

Deimhniú táirgí (an comhartha CE)

Is ionann an comhartha CE ar tháirge agus dearbhú ón monaróir go gcomhlíonann an táirge na ceanglais fhíor-riachtanacha a leagtar síos sna treoracha agus na rialacháin ar fad ón Aontas Eorpach a bhfuil feidhm acu ina leith. Is ceanglas dlíthiúil é an comhartha CE a bheith faighte chun táirgí áirithe, amhail feistí leighis agus roinnt táirgí foirgníochta, a chur ar an margadh san Aontas Eorpach agus i mballstáit de chuid LEE. Is é an monaróir atá freagrach as an measúnú comhréireachta a dhéanamh, an comhad teicniúil a shocrú, dearbhú comhréireachta an Aontais a eisiúint agus an comhartha CE a chur ar tháirge.

Ní gá measúnú comhréireachta tríú páirtí a bheith ag gach táirge, áfach. Má cheadaítear é faoin dlí, féadfaidh an monaróir féin a dhearbhu go bhfuil na ceanglais fhíor-riachtanacha nó na caighdeáin Eorpacha chomhchuibhithe ábhartha á gcomhlíonadh aige.

Tairgeann NSAI agus NSAI Inc an comhartha CE do chuideachtaí Éireannacha agus cinn idirnáisiúnta a chuireann táirgí ar an margadh i mballstáit an Aontais agus LEE.

Ina theannta sin, is suíomh ríthábhachtach idirnáisiúnta é NSAI Inc do Chlár Iniúchóireachta Aonair NSAI um Fheistí Leighis (MDSAP). Leis sin, clúdaítear ceanglais rialála maidir le feistí leighis don Astráil, don Bhrasail, do Cheanada, don tSeapáin agus do SAM.

Deimhniúchán Sracfhéachaint ar 2022

Achoimre ar 2022

3,298

iniúchadh déanta ar chórais bhainistíochta (trí NSAI agus NSAI inc)

382

deimhniú nua eisithe i leith córais bhainistíochta

Leis na scéimeanna seo, cuirtear ar an gcumas do ghnólaigh a gcáilíocht, a n-éifeachtúlacht agus a n-athléimneacht a fheabhsú, mar aon lena gcumas i dtaobh dul chuig an margadh, trí chaighdeán cháilíochta, chomhshaoil, bainistíochta sláinte agus sábháilteachta agus Sármhaitheasa Trí Dhaoine a chur i bhfeidhm.

1,000+

uair an chloig oiliúna curtha ar fáil do FBManna Éireannacha a sholáthraíonn néalseirbhísí, trí thionscadal Cibearshlándála A4CEF an Aontais.

475

iniúchadh déanta ar láithreáin ina dtáirgtear feistí leighis (trí NSAI agus NSAI inc)

828

táirge foirgníochta ceadaithe agus 308 suiteálaí inslithe cláraithe (ag tacú le straitéis 'Tithíocht do Chách' an Rialtais).

Forbraíodh agus seoladh dhá uirlis féinmheasúnaithe ar líne, rud a chuidigh le FBManna féachaint an raibh siad réidh i gcomhair deimhniúcháin.

8,527

táirge mótarfheithicle ceadaithe

Deimhniú táirge (comhartha de chun UKCA)

Is é atá sa chomhartha UKCA (Measúnú Comhréireachta na Ríochta Aontaithe) an comhartha a úsáidtear le haghaidh táirgí a chuirtear ar an margadh sa Bhreatain Mhór (Sasana, Albain agus an Bhreatain Bheag). Tá feidhm aige maidir le formhór na dtáirgí a bhféadfaí an comhartha CE a úsáid ina leith. Ní aithnítear an comhartha UKCA ar mhargadh an Aontais Eorpaigh, áfach, áit a bhfuil gá le comhartha CE.

In 2023, dheonaigh UKAS creidiúnú do NSAI Certification UK as ucht a chuid oibre faoin gcomhartha UKCA le haghaidh Foirgníochta, Uirlisí Tomhais agus Uirlisí Neamh-Uathoibríocha Meáite.



Deimhniúchán Léargas ar ghníomhaíochtaí 2022

Deimhniúchán Léargas ar ghníomhaíochtaí 2022

Buntáiste iomaíoch a thabhairt do ghnó na hÉireann Cuireann NSAI seirbhísí deimhniúcháin ar fáil nuair is gá táirgí nó córais táirgthe a thástáil, a dheimhniú nó a iniúchadh ar bhonn neamhspleách, mar gheall ar threoracha agus rialacháin ábhartha.

Is é NSAI an Comhlacht dá dtugtar Fógra faoi reachtaíocht an Aontais i leith na gcatagóirí táirgí seo a leanas:

- feistí leighis
- táirgí foirgníochta
- uirlisí tomhais.

I gcás gnólachtaí atá ag lorg measúnú comhréireachta, ní mór dóibh a léiriú go bhfuil sásraí oiriúnacha rialaithe táirgí agus déantúsaíochta acu lena áirithiú go gcomhlíonfaidh na táirgí na caighdeáin chuif, agus go gcoinnítear na sásraí sin i bhfeidhm.

Tacaíonn an deimhniúchán ar chóras bainistíochta arna thairiscint ag NSAI le bainistíocht eolais eagraíochta ar fud an phróisis bainistíochta, cuireann sé le héifeachtúlacht agus laghdaíonn sé rioscaí.

Is féidir le cuideachta nó eagraíocht próisis cháilíochta inmheánacha agus próisis eile a bhunú, a choinneáil ar bun agus a cheadú agus iad ag baint úsáid as creat cruthaithe maidir le córais bhainistíochta a dheimhniú. Go deimhin, tá deimhniúchán córais bainistíochta ina thagarmharc domhanda ó thaobh rochtain ar an margadh.

Ach deimhniú ó NSAI a bheith acu, bíonn buntáiste iomaíoch ag cuideachtaí maidir le gnó nua a aimsiú sa bhaile agus thar lear.

Deimhniúchán: Sármhaitheas Ghnó

I gcomhréir le Plean Straitéiseach NSAI 2022-2026, d'fhorbair ár bhfoireann Sármhaitheasa Gnó tacaí ar líne chun cabhrú le FBManna aghaidh a thabhairt ar chaighdeáin agus ar dheimhniú. I measc na n-uirlisí sin tá uirlisí féinmheasúnaithe agus ábhar modúlach oideachais.

I gcás eagraíochtaí atá ag iarraidh a mheas an bhfuil siad réidh i gcomhair deimhniúcháin, gheobhaidh siad uirlisí féinmheasúnaithe le haghaidh ISO 9001 (Córais Bainistíochta Cáilíochta) agus ISO 27001 (Córais Bainistíochta Slándála Faisnéise), mar shampla, ar shuíomh gréasáin NSAI.

Ghlac an fhoireann Sármhaitheasa Gnó páirt freisin in imeachtaí poiblíochta a bhain le slándáil faisnéise agus leis an gcibearshlándáil, chun feasacht a mhúscaill i measc FBManna, lucht tionsclaíochta agus eagraíochtaí rialtais i ndáil le forbairt nua sna réimsí sin.

Áiríodh leo sin:

- Security BSides Dublin 2022
- Cyber Expo and Con Ireland 2022
- IT-SA Expo and Congress Exhibition (Nuremberg na Gearmáine).

Priomhthosaíocht don rialtas is ea an claochlú digiteach a chur i gcroílár an bheartais fiontair, mar a shonraítear sa Pháipéar Bán ar Fhiontraíocht 2022-2030. Tá athléimneacht eagraíochtaí i leith cibearionsaithe rithabhachtach ionas go seasfaidh siad féin an fód agus ionas go mbeidh muinín ag an bpobal astu.

Tá NSAI ar thús cadhnaíochta maidir le caighdeáin cibearshlándála agus deimhniúchán sa réimse sin a fhorbairt, agus é ag comhoibriú le comhpháirtithe idirnáisiúnta agus náisiúnta. Samplaí de sin is ea ISO 27001 agus deimhniúchán cibearshlándála A4CEF.

Deimhniú Cibearshlándála A4CEF – Deimhniú an Aontais um Cibearshlándáil i gcás Néalseirbhísí

Is tionscadal de chuid an Aontais Eorpaigh é Acmhainneacht Deimhnithe Cibearshlándála a Chur Chun Cinn le Malartú Trasteorann agus Sreafaí (gnó) a Fheabhsú (A4CEF) [*Advancing Cybersecurity Certification Capabilities with Cross-border exchange and Enhancing (business) Flows*].

Faoin tionscadal sin, cuireadh níos mó ná 1,000 uair an chloig oiliúna ar fáil do FBManna Éireannacha a sholáthraíonn néalseirbhísí, in éineacht le páirtithe leasmhara ar an leibhéal náisiúnta agus leibhéal an Aontais. San oiliúint sin, clúdaíodh na forbairtí is déanaí i Scéim Néalseirbhísí an Aontais (EUCS), deimhniúchán ar an gcibearshlándáil agus ábhair ghaolmhara.

Reachtáladh ceardlanna ar mhaithe le malartú trasteorann idir Éire, an Fhrainc agus an Chipir chun an dea-chleachtas a chomhroinnt maidir le deimhniúchán a dhéanamh ar an gcibearshlándáil i réimse na néalríomhaireachta. Mar thoradh air sin, sainíodh agus forbraíodh sreafaí próisis a d'fhéadfadh a bheith ina mbonn agus ina dtaca ag córas TF. Leis sin, tacófar le próisis deimhniúcháin níos éifeachtúla i réimse na cibearshlándála san Aontas.

Maidir le deimhniúcháin phíolótacha faoi EUCS (Scéim Deimhnithe Cibearshlándála na hEorpa i leith Néalseirbhísí), tá measúnuithe déanta ar cheithre FBM Éireannacha. Táthar ag súil go mbeidh na deimhniúcháin phíolótacha sin déanta faoi lár 2023.

Deimhniúchán Léargas ar ghníomhaíochtaí 2022

Achoimre ar 2022

Deimhniúchán i réimse na hinbhuanaitheachta agus na timpeallachta tógtha

Tacaíocht do straitéis 'Tithíocht do Chách' an Rialtais:

- táimid ag leanúint ag feidhmiú na scéime deimhniúcháin maidir le modhanna nua-aimseartha foirgníochta (MMC), chun próisis mheasúnaithe a fheabhsú i réimse na bhfoirgneamh cónaithe.
- d'fhoilsíomar an treoir maidir le Deimhniú Agrément i leith modhanna nua-aimseartha foirgníochta

rinneamar

828

táirge foirgníochta a cheadú

rinneamar

308

suiteálaí inslithe a chlárú

Deimhniúchán: Inbhuanaitheacht agus an Timpeallacht Thógtha

Gealltar sa phlean 'Tithíocht do Chách' cur leis an táirgiúlacht i réimse na foirgníochta, rud is féidir a bhaint amach trí úsáid a bhaint as modhanna nua-aimseartha foirgníochta (MMC). Cuimsítear le MMC teicneolaíocht agus modheolaíochtaí foirgníochta nua-aimseartha lena bhfeabhsaítear an táirgiúlacht, gnn sé freisin le modhanna cosúil le painéil mhodúlacha foirgníochta nó frámaí cruacha éadroma.

Trínár bhfoireann Inbhuanaitheachta agus Timpeallachta Tógtha, tá NSAI ag tacú le gealltanais an Rialtais a chinntiú go bhfuil siad seo a leanas á gcomhlíonadh ag ábhair agus caighdeáin foirgníochta:

- Spriocanna Forbartha Inbhuanaithe na Náisiún Aontaithe
- Cuspóirí Chomhaontú Glas an Aontais Eorpaigh
- spriocanna an Rialtais i ndáil le hastaíochtaí.

Tacaíonn NSAI leis an earnáil foirgníochta agus inbhuanaitheachta trí dheimhniú a sholáthar faoin Rialachán um Tháirgí Foirgníochta, faoina leagtar síos rialacha comhchuibhithe maidir le táirgí foirgníochta a chur ar an margadh san Aontas Eorpach.

In 2022, d'éirigh le NSAI Certification UK ina chuid iniúchtaí measúnaithe dá chuid oibre faoin gcomhartha UKCA le haghaidh Foirgníochta, Uirlisí Tomhais agus Uirlisí Neamh-Uathoibríocha Meáite. Beidh an comhartha UKCA éigeantach do chuideachtaí Éireannacha atá ag iarraidh rochtain a bheith acu ar mhargadh na Ríochta Aontaithe.

Ina dhiaidh sin, in 2023, bhain NSAI Certification UK Ltd amach creidiúnú ó UKAS (UK Accreditation Service) as a chuid oibre faoi Rialachán Táirgí Foirgníochta na Ríochta Aontaithe. Is féidir le honnmhaiseoirí Éireannacha comhartha UKCA a bhaint amach anois trí NSAI i leith táirgí foirgníochta agus iad a chur ar an margadh i Sasana, in Albain agus sa Bhreatain Bheag.



Ina bhfocail féin...

"Beidh deimhniú Agrément ríthábhachtach dúinne ionas go mbeidh ár dtáirge féin chun tosaigh nuair a thiocfaidh an t-aistriú go dtí MMC, ós rud é go mbeidh deimhniú aitheanta ó NSAI ag an táirge sin."

Gerry McCarthy, Frameform Steel Systems [cliant de chuid NSAI]

Is mór an tairbhe a bhaineann Frameform, cuideachta foirgníochta frámaí cruacha, as an bpróiseas deimhniúcháin toisc go mbíonn an deis aici a cuid oibríochtaí go léir a mheas agus féachaint conas is féidir iad a fheabhsú.

Deimhniúchán Léargas ar ghníomhaíochtaí 2022

Deimhniúchán i leith modhanna nua-aimseartha foirgníochta

Faoi mbeartas 'Tithíocht do Chách', chuir NSAI deimhniúcháin ar fáil i leith chéim na foirgníochta agus an chomhaontaithe i dtaobh táirge a bheith ag cloí le modhanna nua-aimseartha foirgníochta (MMC) agus i leith chomhlíonadh na rialachán foirgníochta i ndáil le suiteáil.

In 2022 freisin, d'fhoilsigh NSAI an treoir maidir le Deimhniú Agrement i leith modhanna nua-aimseartha foirgníochta, faoi 'Tithíocht do Chách'.

Leis an deimhniúchán a dhéanann NSAI, áirithítear gur 'ábhair chuí' iad táirgí deimhnithe a oireann don úsáid atá beartaithe dóibh sna cúinsí a bhaineann le láithreáin in Éirinn, agus de réir na Rialachán Foirgníochta, 1997 go 2019.

Leis an mbéim ar rialú cáilíochta, féachtar chuige go gcomhlíonann cuideachtaí caighdeáin sheanbhunaithe agus go soláthraítear ábhar foirgníochta atá iontaofa, cruinn don tionscal foirgníochta. Bhí NSAI ag obair le príomh-mhonoróirí na hÉireann i dtaobh foirgníocht lasmuigh den láithreán ionas gur féidir a dheimhniú go gcomhlíonann a chuid táirgí rialachán foirgníochta na hÉireann.

Deimhniúchán: Feistí leighis

Is cinnte go bhfuil ag éirí go geal le hÉirinn i réimse na teicneolaíochta leighis. Is láirionad domhanda í an tír seo don earnáil, agus tá Éire ar an dara honnmhaireoir is mó san Eoraip anois i dtaobh táirgí teicneolaíochta leighis de.

Go deimhin, tá thart ar 450 cuideachta teicneolaíochta leighis in Éirinn, ar cuideachtaí ilnáisiúnta iad 250 acu, lena n-áirítear 14 as na 15 cuideachta teicneolaíochta leighis is mó ar domhan. Tá thart ar 200 eile de na cuideachtaí sin faoi úinéireacht Éireannach, agus fostaíonn na cuideachtaí sin duine as gach cúigear atá ag obair san earnáil.

Tá feistí leighis faoi réir dianrialachán agus dianchaighdeán san Eoraip lena áirithiú go bhfuil siad sábháilte, éifeachtach. Is iad na Comhlachtaí dá dtugtar Fógra na heagraíochtaí tríú páirtí saineolacha a dhéanann measúnú ar fheistí leighis.



Is Comhlacht dá dtugtar Fógra é NSAI agus tá ról rithábachtach aige maidir le feistí leighis a rialú san Eoraip agus an rochtain atá acu ar an margadh a rialú freisin. Cuirimid raon leathan seirbhísí ar fáil do mhonoróirí feistí leighis maidir le deimhniúchán a dhéanamh ar chórais bainistíochta cáilíochta agus ar tháirgí.

Tá athrú ó bhonn ag teacht ar earnáil na bhfeistí leighis san Aontas Eorpach – ó na teoracha a bhíodh i bhfeidhm go dtí na rialacháin nua – MDR 2017/745 agus IVDR 2017/746.

Dúshlán a bhí ansin do mhonoróirí agus do Chomhlachtaí dá dtugtar Fógra araon. Trí ainmniú a bhaint amach faoi na rialacháin nua, tá NSAI i measc roinnt bheag eagraíochtaí tríú páirtí atá rithábachtach don chreat Eorpach chun feistí leighis comhlíontacha a sholáthar d'othair in Éirinn agus san Eoraip.

Ceadú réimse mór feistí leighis

Ó fuair sé ainmniúchán MDR i mí Feabhra 2020, tá feistí ceadaithe ag NSAI ar fud na n-aicmí riosca go léir, ó aicme I (steiriúil agus tomhais) go feistí ardchasta in aicme III, lena gcuimsítear substaintí íocshláinte.

Murab ionann agus deimhnithe i dtionscail eile, is féidir gach deimhniú i leith feiste leighis a eisiúint i ndáil le feiste amháin nó roinnt feistí. Leis na 14 dheimhniú i leith feiste leighis a d'eisíomar in 2022, clúdaítear cineálacha éagsúla feistí agus ceadaítear na milliúin feistí a úsáid ar fud na hÉireann agus an Aontais Eorpaigh. Cuimsítear leis an gceadú sin:

- feidhmeanna clínicíúla
- bith-chomhoiriúnacht
- innealtóireacht
- bogearraí
- fíocháin de bhunús ainmhióch
- próisis éagsúla steirilithe.

Tá an próiseas um thuairimí ó Chomhlacht dá dtugtar Fógra (NBOp) ina idirmhír idir na feistí leighis agus réimse na cógaisíochta. Rud nua atá ansin do chomhlachtaí dá dtugtar fógra, agus chun an próiseas casta sin a chur i bhfeidhm ní mór a bheith do dhisciplíní éagsúla a bheith ag obair le chéile – bíonn comhoibriú i gceist in NSAI féin, leis an gcuideachta cógaisíochta agus leis an nGníomhaireacht Leigheasra Eorpach (EMA).

An Rialachán maidir le Feistí Leighis (MDR)

Le foilsiú Rialachán 2017/745/AE maidir le Feistí Leighis (MDR), d'eisigh an tAontas Eorpach an chéad treoir nua le breis agus 20 bliain anuas lena rialaítear feistí leighis.

Ó fuair sé ainmniúchán MDR i mí Feabhra 2020, is é NSAI an t-aon chomhlacht dá dtugtar fógra a bhfuil ceanncheathrú in Éirinn aige. I bhfianaise chastacht an rialachán nua agus líon réasúnta íseal na gcomhlachtaí ainmnithe dá dtugtar fógra, is rithábachtach an rud é an rochtain ar an margadh a thugann NSAI dá chliant.

Deimhniúchán Léargas ar ghníomhaíochtaí 2022

Achoimre ar 2022

Deimhniúchán ar Fheistí Leighis

14

dheimhniú eisithe faoin Rialachán maidir le Feistí Leighis (MDR)

21

athrú mór ceadaithe

Comhlíonadh gach ceanglas i dtaobh comhlacht dá dtugtar fógra i leith Feistí In Vitro (IVDR) agus fuarthas moladh ón Údarás Rialála Táirgí Sláinte ina leith sin i leith ainmniú IVDR.

3

thuairim de chuid comhlachta dá dtugtar fógra (NBOP) eisithe

475

iniúchadh déanta ar láithreáin ina dtáirgtear feistí leighis (trí NSAI agus NSAI inc)

Tá ról sainiúil ag NSAI maidir lena chinntiú go bhfuil feistí leighis ríthábhachtacha ar fáil d'othair in Éirinn agus ar fud an Aontais Eorpaigh.

Diól suntais arbh ea é in 2022 gur eisigh NSAI iad seo a leanas:

- Deimhniú i leith EN ISO 13485 agus MDSAP do Hollister, atá lonnaithe i mBéal an Átha, Co. Mhaigh Eo, a bhfuil a cheanncheathrú sna Stáit Aontaithe, a fhostaíonn os cionn 900 duine agus a tháirgeann breis agus 90 milliún cataítear in aghaidh na bliana
 - Bhain cúig tháirge comhartha CE amach i leith MDR
- Deimhniú i leith EN ISO 13485 do BD atá lonnaithe i nDroichead Átha, Co. Lú, a bhfuil a cheanncheathrú sna Stáit Aontaithe agus a fhostaíonn os cionn 240 duine.
 - Feiste PosiFlush in aicme III deimhnithe ag NSAI faoi MDR an Aontais Eorpaigh, lena dtacaítear le soláthar na milliún feistí don Aontas gach uile bhliain
- Dhá thuairim ó chomhlacht dá dtugtar fógra (NBOP) maidir le Teva Pharmaceuticals, atá lonnaithe i bPort Láirge, Éire
 - Leis na doiciméid fhíor-riachtanacha sin, tacaítear leis an bhforbairt a dhéanann Teva ar fheistí leighis teaghlaim
 - Ag an am céanna, tá dhá tháirge sláinte dhigiteacha á n-athbhreithniú le haghaidh an chomhartha CE agus tá an suíomh in Cambridge, SAM deimhnithe i leith EN ISO 13485.

- Tuairim ó chomhlacht dá dtugtar fógra (NBOP) maidir le Tolmar International, mar aon lena chuideachtaí cleamhnaithe sna Stáit Aontaithe. Is cuideachta chógaisíochta lán-chomhtháite é Tolmar International, atá dírithe ar fhorbairt nuálach a dhéanamh ar shaintáirgí chógaisíochta, iad a mhonarú agus iad a chur ar an margadh.
 - Baineadh úsáid as an tuairim sin (NBOP) chun tacú leis an iarraidh go gceadódh údarás sláinte na hEorpa feiste nua i gcomhair teaghlaim drugaí – feiste atá le seoladh ar fud an domhain i mí Iúil 2023 agus a mbainfidh na milliúin othar tairbhe as.

An Rialachán maidir le feistí leighis diagnóiseacha in vitro – IVDR

Is é Rialachán 2017/746 maidir le feistí leighis diagnóiseacha in vitro (IVDR) an dara heilimint bhunathraithe de thriúdhreach feistí leighis na hEorpa. Rialaítear leis brainse iomlán feistí leighis amhail tástálacha fola agus ailse agus tástáil ghéiniteach. I gcomparáid leis an Rialachán maidir le Feistí Leighis (MDR), tá i bhfad níos lú comhlachtaí dá dtugtar fógra ainmnithe ina leith.

Tá sé ríthábhachtach a chinntiú go n-aistreoidh lucht déanta feistí leighis diagnóiseacha chuig IVDR lena chinntiú go mbeidh tírdhreach seasmhach san Eoraip i leith cúram sláinte.

Tógann an t-ainmniú blianta fada le baint amach. In 2022, chomhlíon NSAI gach ceanglas iarratais i leith IVDR do chomhlachtaí dá dtugtar fógra agus fuair sé moladh dearfach ón Údarás Rialála Táirgí Sláinte (HPRA) maidir le hainmniú i leith IVDR.

Deimhniúchán Léargas ar ghníomhaíochtaí 2022

Deimhníodh stádas ainmnithe NSAI go luath in 2023, rud a fhágann go bhfuil NSAI ar cheann de 10 gcomhlacht dá dtugtar fógra san Eoraip faoi IVDR. A bhuí leis an infheistíocht a rinneamar agus lenár dtiomantas leanúnach, tá NSAI i measc grúpa beag comhlachtaí dá dtugtar fógra, rud a fhágann gur féidir linn leanúint ar aghaidh ag tacú leis an earnáil teicneolaíochta leighis in Éirinn agus san Aontas Eorpach

I gcás tíortha cosúil leis na Stáit Aontaithe, Ceanada, an tSeapáin, an Astráil agus an Bhrasail, tá NSAI ina shuíomh ríthábhachtach idirnáisiúnta do Chlár Iniúcháireachta Aonair NSAI um Fheistí Leighis (MDSAP) Clúdaíonn sé sin na ceanglais rialála maidir le feistí leighis do na tíortha sin.



Ina bhfocail féin...

“Is mór an méid a gcaithfear dul i ngleic leis sa Rialachán maidir le Feistí Leighis, ach is treoir réasúnta maith iad na foirmeacha atá ullmhaithe ag NSAI ó thaobh an phróisis chun comhartha CE a fháil.”

*John O’Dea, Palliare
[cliainn de chuid NSAI]*

Ba mhór ag an ngnólacht teicneolaíochta leighis Palliare na foirmeacha agus na teimpléid a chuir NSAI ar fáil agus iad ag tabhairt faoin bpróiseas deimhniúcháin chun comhartha CE a fháil faoin Rialachán maidir le Feistí Leighis.

Deimhniúchán: Tacaíocht mhargaidh agus tacaíocht rialála don earnáil mótarfheithiclí

Sábháilteacht ar bhóithre

Nuair a chláraítear feithiclí amhail otharchairr, trucaillí cuisnithe, leoraithe stroighne, tarracóirí agus leantóirí den chéad uair, ní mór dóibh ceanglais sábháilteachta agus ceanglais chomhshaoil uile an Aontais Eorpaigh a chomhlíonadh sular féidir leo dul ar na bóithre náisiúnta.

Ní mór comhpháirteanna feithicle, amhail criosanna sábhála, gléasanna loingseoireachta satailíte agus ceamaraí cúlaithé i gcarranna, a cheadú freisin sula bhféadfaidh monaróirí iad a dhíol san Aontas Eorpach.

Is é NSAI an tÚdarás Ceadúnúcháin ainmnithe i gcomhair scéimeanna cineálcheadaithe mótarfheithiclí CE agus UN-ECE in Éirinn. Leis na scéimeanna sin, déantar a áirithiú go gcomhlíonfaidh feithiclí ceanglais sábháilteachta, ceanglais chomhshaoil agus ceanglais chomhréireachta uile an Aontais maidir le táirgeadh.

Sábháilteacht bia

Is é NSAI an t-aon chomhlacht deimhniúcháin a bhfuil ceanncheathrú aige in Éirinn i leith SSC 22000, scéim deimhniúcháin atá bunaithe ar ISO do chórais bhainistíochta sábháilteachta bia. Tacaíonn sé le gnólachtaí bia Éireannacha ar fud an tslabhra soláthair ar fad agus iad ag obair chun deimhniúchán a bhaint amach, lena n-áirítear:

- cuideachtaí a dhéanann pacáistíocht
- cuideachtaí stórála agus dáileacháin
- monaróirí.

Tacaíocht mhargaidh agus tacaíocht rialála

Soláthraíodh scéimeanna deimhniúcháin chun tacú le feidhmiú rialachán náisiúnta agus rialachán de chuid an Aontais Eorpaigh.

Cineálcheadú Eorpach (CE)

Tá an comhchuíbhiú teicniúil san Aontas Eorpach bunaithe ar Chórais Cineálcheadaithe na Feithicle Uile (WVTA). Faoi WVTA, is féidir le monaróir deimhniú a fháil i leith cineál feithicle i dtír amháin san Aontas (ó NSAI in Éirinn, mar shampla) agus ansin an fheithicil a chur ar an margadh ar fud an Aontais gan aon ghá a bheith le tuilleadh tástálacha. Is mór an cúnamh é sin i dtaobh margadh aonair a bheith ann i dtáirgí mótarfheithiclí.

Deimhniúchán Léargas ar ghníomhaíochtaí 2022

Achoimre ar 2022

Tacaíocht mhargaidh agus tacaíocht rialála don earnáil mótarfeithiclí

Mótarfeithiclí

8,527

ceadú mótarfeithicil eisihe

3,944

ceadú AE/NA i leith feithiclí, córas agus comhphárteanna

4,583

ceadú náisiúnta, lena cumhdaíodh ceadanna i leith feithiclí aonair (IVAnna) agus cineálcheaduithe náisiúnta do shraitheanna beaga

Sábháilteacht bia

13

chuideachta deimhnithe i leith FSSC22000/ISO22000, scéim deimhniúcháin bunaithe ar ISO do chórais bhainistíochta sábháilteachta bia

I measc na gcuideachtaí a deimhníodh bhí FBManna Éireannacha agus cuideachtaí ilnáisiúnta, amhail monaróirí comhábhar, soláthraithe lóistíochta agus oibreoirí trádstórais.

Tuarascáil bhliantúil ar chomhréireacht inseirbhíse i gcás mótarfeithiclí

Is éard atá i gcineálcheadú feithiclí an próiseas a chuireann údarás náisiúnta i bhfeidhm lena dheimhniú go gcomhlíonann cineál feithicil ceanglais sábháilteachta, chomhshaoil agus comhréireachta táirgeachta uile an Aontais Eorpaigh sula gceadaítear an feithicil a chur ar an margadh san Aontas Eorpach. Cuidíonn cineálcheadú le fáil réidh le bacainní trádála a bhíonn ar mhonaróirí agus cinntítear leis go ndéantar feithiclí nua a mhonarú de réir na gcaighdeán sábháilteachta agus comhshaoil a fhorordaítear.

Is é NSAI an t-údarás deonaithe cineálcheadaithe (GTAA) agus in 2022 d'fhoilsigh sé a chéad tuarascáil bhliantúil ar thorthaí na seiceálacha comhréireachta in-seirbhíse.

Deimhniúchán i leith Córais Sábháilteachta Bia 22000 (FSSC 22000)

Chun deimhniú FSSC 22000 a fháil, ní mór do chuideachta a cleachtais sábháilteachta bia a dhearadh, a dhoiciméadú, a chur i bhfeidhm agus a bhainistiú chun próisis agus coinníollacha iontaofa a choinneáil ar bun i ndáil le bia sábháilte a tháirgeadh. Ansin déanann foireann d'iniúcháirí oile de chuid NSAI, atá lonnaithe in Éirinn, iniúchadh ar an gcóras agus ar na saoráidí, agus eisítear deimhniú trí bliana.



Deimhniúchán Léargas ar ghníomhaíochtaí 2022

Deimhniúchán: NSAI sa Ríocht Aontaithe

Ba in 2021 a bunaíodh NSAI Certification UK Ltd toisc gur chinn an Ríocht Aontaithe imeacht as an Aontas Eorpach, agus is é a chumasaíonn an trádáil idir cuideachtaí Éireannacha agus cuideachtaí de chuid na Ríochta Aontaithe. Fochuideachta atá faoi lánúinéireacht ag NSAI is ea é, a thacaíonn le hearnáil tógála agus earnáil mhéadreaíochta na hÉireann trí dheimhniú a thabhairt faoi rialacháin éagsúla de chuid na Ríochta Aontaithe chun na táirgí sin a chur ar an margadh ansin. Leis sin, cinntítear gur féidir le cuideachtaí Éireannacha leanúint ar aghaidh ag trádáil sa Ríocht Aontaithe sin tar éis an Bhreitheachta.

In 2022, d'éirigh leis na hiniúchtaí clárúcháin i leith an chomhartha UKCA do scéimeanna de chuid NSAI Certification UK i gcás Táirgí Tógála, Uirlisí Neamh-Uathoibríocha Meáite agus Uirlisí Tomhais.



Ina bhfocail féin...

"Caithfidh sábháilteacht na gcustaiméirí a bheith i gcroílár gach gnólachta bia. I gcás gnólachta bia a fhaigheann deimhniú FSSC 22000, bainfidh sé tairbhe as, beag beann ar an gcuid den slabhra soláthair bia a mbíonn sé ag plé leis."
*Ray Bowe, Musgrave Group
[cliant de chuid NSAI]*

Le deimhniúchán i leith FSSC 22000 trí NSAI, is féidir le Musgrave a mhórsprioc a bhaint amach maidir lena chinntiú go mbeidh muinín ag tomhaltóirí as sábháilteacht agus cáilíocht an bhia a cheannaíonn siad.

Bhronn Seirbhís Creidiúnaithe na Ríochta Aontaithe (UKAS) creidiúnú ar NSAI Certification UK go luath in 2023. Fágann sé sin gur féidir le honnmhaireoirí Éireannacha comhartha UKCA a bhaint amach anois trí NSAI i leith táirgí foirgníochta agus na táirgí sin a chur ar an margadh i Sasana, in Albain agus sa Bhreatain Bheag.

Chuir NSAI Certification UK isteach ar chreidiúnú sa Ríocht Aontaithe freisin chun comhartha UKCA a chur ar fáil do mhonaróirí feistí leighis na hÉireann.

Deimhniúchán: NSAI Inc

Agus leas á bhaint aige as líonra idirnáisiúnta saineolaithe, cuireann NSAI Inc, fochuideachta faoi lánúinéireacht NSAI, seirbhís dhomhanda ar fáil.

Ag obair dó le cliant i mbreis agus 30 tír, cuireann NSAI Inc. raon iomlán seirbhísí ar fáil do chuideachtaí sna Stáit Aontaithe agus do chuideachtaí idirnáisiúnta, ar seirbhísí iad a bhaineann le caighdeán i leith córais bhainistíochta agus clár chun deimhniúchán a dhéanamh ar fheistí leighis.

Tá sé ina phríomhaidhm aige a chur ar a gcumas do chuideachtaí Éireannacha agus cuideachtaí idirnáisiúnta rochtain a bheith acu ar scéimeanna deimhniúcháin i margai na hÉireann, na hEorpa agus na Stát Aontaithe.

Tá NSAI Inc creidiúnaithe ag ANAB (An Bord Náisiúnta um Chreidiúnú ANSI) chun clár éagsúla deimhniúcháin a thairiscint, agus é dírithe ar an leibhéal straitéiseach ar thacú le lucht tionsclaíochta na hÉireann. Áirítear leo sin:

- ISO 9001 – Córais Bainistíochta Cailíochta
- ISO 45001 – Córais Bhainistíochta um Shláinte agus Sábháilteacht Ceirde
- ISO 14001 – Bainistíocht Comhshaoil
- ISO 27001 – Bainistíocht Slándála i leith Faisnéise
- ISO50001 – Bainistíocht Fuinnimh
- R2 – Athchúrsáil Fhreagrach (Leictreonaic)
- AS9100/9120 – Córais Bainistíochta Aerospáis
- TL 9000 – Córais Bainistíochta Teileachumarsáide

Féidhmíonn NSAI Inc freisin mar shuíomh ríthábhachtach le haghaidh:

- Clár NSAI um Iniúchadh Aonair ar Fheistí Leighis (MDSAP)
- Seirbhísí um Chomhartha CE de chuid Comhlachta dá dtugtar Fógra
- creidiúnú seirbhísí i leith ISO 13485 Córais Bhainistíochta.

Faoi MDSAP, féadfar iniúchadh rialála aonair a dhéanamh ar an gcóras bainistíochta cailíochta atá ag monaróir feistí leighis chun na ceanglais atá ag dlíns rialála éagsúla a chomhlíonadh. Tá eagraíochtaí iniúcháireachta, ar nós NSAI Inc, údaraithe ag údarais rialála rannpháirteacha chun iniúchadh a dhéanamh faoi cheanglais MDSAP. Ar an gcaoi sin, is féidir monaróirí feistí leighis a iniúchadh aon uair amháin i leith comhlíontachta san Astráil, sa Bhrasáil, i gCeanada, sa tSeapáin agus sna Stáit Aontaithe.



Ina bhfocail féin...

“Bíonn imní ar a lán cuideachtaí go bhféadfadh a gcuid leictreonaic agus gléasanna úsáidte dul isteach i líonadh talún thar lear, agus is rud é sin a tharlaíonn. Leis an deimhniú R2, mar aon le caighdeáin eile, is féidir lenár gcustaiméirí muinín a bheith acu go ndéanfar an rud ceart.”

*Chris O'Neill, Wisetek
[cliánt de chuid NSAI]*

Tá R2 Athchúrsáil Freagrach agus deimhniú i leith chaighdeáin ISO trí NSAI Inc fíor-luachmhar do Wisetek ó thaobh a chruthú go bhfuil sé tiomanta don athchúrsáil inbhuanaithe.



An tSaotharlann Náisiúnta Méadreolaíochta

Is í an mhéadreolaíocht réimse eolaíochta an tomhais agus, ós rud é gurb í an tSaotharlann Náisiúnta Méadreolaíochta (NML) institiúid méadreolaíochta náisiúnta na hÉireann, is í caomhnóir an tomhais in Éirinn í.

Tá caighdeáin tomhais atá cruinn, iontaofa agus comhsheasmhach ag teastáil i réimse eolaíochta, tráchtála, rialtais, oideachais agus dlí. Ní mór na caighdeáin sin a bheith inrianaithe i leith Chórais Idirnáisiúnta na nAonad (IR), an córas tomhais a nglactar leis ar domhan.



Ina bhfocail féin...

"Tá a fhios againn go bhfuil an NML (an tSaotharlann Náisiúnta Méadreolaíochta) ag obair de réir caighdeáin idirnáisiúnta agus mar sin tá lánmhuinín againn as a gcuid oibre. Bhaineamar tairbhe san iomaí bealach as an saineolas agus an bonn eolais atá aige."

Tom Holmes, Medical Supply Company [cliant de chuid NSAI]

Soláthraíonn Saotharlann Náisiúnta Méadreolaíochta NSAI seirbhísí rithábhachtacha calabrúcháin agus saineolas teicniúil do Medical Supply Co, rud a chabhraíonn le sábháilteacht othar a áirithiú dá chliant.

Sa mhéadreolaíocht, is éard is caighdeán tomhais ann ná réad, córas, uirlis nó déantúsán a bhfuil gaol sainithe aige le haonad tomhais cainníochta fisicí.

Úsáidtear an caighdeán tomhais chun aonad a shainiú, amhail:

- cad is cileagram ann?
- cé chomh fada atá méadar?
- cén fad ama atá i soicind?

Tá caighdeán comhaontaithe tomhais i ndáil le haonad ar leith riachtanach chun:

- tacú le tomhais bheachta sa tionscal
- idirbhearta córa a chinntiú don phobal
- bonn a chur faoi dhiagnóis agus cóireáil atá comhsheasmhach, cruinn i réimse na sláinte.

Is cuid den phríomhfhreagracht atá ar NML é caighdeáin náisiúnta a bhunú, a choinneáil cothrom le dáta agus a fhorbairt i leith aonaid fhisiceacha, chomh maith leis na caighdeáin sin a scaipeadh ar úsáideoirí Éireannacha, go háirithe iad siúd sa tionscal déantúsaíochta agus sa tionscal cógaisíochta.

An fáth a dteastaíonn eolaíocht an tomhais uainn

Tá eolaíocht an tomhais riachtanach chun tráchtáil a éascú, chun nuálaíocht a chothú, agus chun féachaint chuige go gcosnófar saoránaigh. Tá ról rithábhachtach aici maidir lena chinntiú go bhfuil an geilleagar faoi bhláth i dtimpeallacht atá slán sábháilte, agus í ag tacú an tráth céanna le riachtanais theicniúla tomhais i ndáil le nithe is cúis imní ar an leibhéal domhanda, amhail an t-athrú aeráide.

NML Sracfhéachaint ar 2022

Achoimre

NML

14

chaighdeán náisiúnta tomhais coinnithe ar bun

5,300

deimhniú calabrúcháin eisithe do 500+ cuideachta

540

lá taighde cuirthe isteach ag eolaithe tomhais i gcomhair chlár eorpacha taighde

2

pháipéar taighde eolaíochta scríofa i gcomhar le húdair eile faoi thoisí maighnéadacha agus coisceas leictreach a thomhas

20

cúrsa oiliúna do 70+ rannpháirtí ó 60 eagraíocht éagsúil (cuireadh cúrsaí san fhíorshaol ar bun arís i mí Lúnasa 2022)

Rannpháirteach in

4

thionscadal taighde faoi na Cláir Mhéadreolaíochta Eorpacha um Nuálaíocht agus Taighde (EMPIR)

Is iad caighdeán tomhais NML na léirithe is cruinne ar aonaid SI atá ar fáil in Éirinn. Feidhmíonn siad mar dhroichead idir torthaí tomhais agus aonaid IR i ndáil le cainníochtaí fisiceacha amhail:

- mais
- fad
- teocht
- taise
- brú
- voltas
- friotaíocht
- toilleas
- brú
- fórsa
- casmhóimint
- minicíocht
- eatraimh ama
- leibhéil fuaime.

De réir ISO 17025, scaipeann NML na caighdeán tomhais sin trí raon cuimsitheach seirbhísí calabrúcháin. Ina theannta sin, soláthraíonn NML seirbhísí amhail oiliúint, tástáil oilteachta, agus sainchomhairleoireacht. Déanann sé taighde comhoibríoch freisin i réimse na méadreolaíochta.

An scála ama náisiúnta [UTC (NSAI)] a bhainistiú

Is é Am Uilíoch Comhordaithe (nó UTC) córas ama caighdeánach an domhain. Is é an caighdeán lena rialaíonn an domhan cloig agus am, agus tagann sé in ionad an chaighdeáin a bhí ann roimhe seo – Meán-Am Greenwich (GMT).

Cinntear UTC de réir sraith chaighdeán an-chruinn ama caeisiam arna gcoinneáil ar bun ag institiúidí méadreolaíochta ar fud an domhain, lena n-áirítear Institiúid Méadreolaíochta na hÉireann ag NML.

Rannchuidíonn an tSaotharlann Ama agus Minicíochta in NML leis an scála ama domhanda sin agus, chuige sin, bhí sí ag obair i gcomhpháirt le dhá chuideachta Éireannacha in 2022, Timing Solutions agus Data Edge. Rinneadh é sin chun éascú don scála ama UTC (NSAI) a aithnítear go hidirnáisiúnta a dháileadh ar an idirlíon chuig gnólachtaí agus eagraíochtaí in Éirinn a bhíonn ag brath ar thomhas cruinn ama. Mar gheall air sin, bhain na heagraíochtaí sin leas as am atá inrianaithe go díreach i leith UTC a úsáid.

Le linn 2022, rinneadh tástáil chobhsaíochta agus chruinneas ar scála ama dáilte NML ag láithreáin éagsúla, as ar eascair bunú Ghreille Uainiúcháin Náisiúnta na hÉireann (NTG).

Chláraigh cúig chuideachta mhóra chun a gcuid sonraí cloig caisiam a chomhroinnt le NTG. Bhí na huirlisí is gá le haghaidh rannchuidiú le NTG i bhfeidhm ina gcuid saoráidí le linn 2023.

NML Léargas ar ghníomhaíochtaí 2022

Rannpháirtíocht NML sa taighde

Tá an taighde fós ina chuid lárnach den obair a dhéanann NML. Ghlacamar páirt i roinnt tionscadal taighde EMPIR de chuid an Aontais Eorpaigh le linn 2022, lena n-áirítear:

- Tionscadal taighde adOSSIG chun bonneagar a fhorbairt le haghaidh seiceálacha méadreolaíochta feabhsaithe, comhchuiibhithe ar thoisi brú fola san Eoraip. Is é is aidhm leis deireadh a chur leis an mbaol go mbeadh neamhchruinneas i gceist sna feistí a úsáidtear chun brú fola a thomhas trí ard-ghineadóir comhartha ascalmhéadrach (aOSG) a fhorbairt
- RealMass, a bhfuil sé ina aidhm leis réadú an ollscála a fheabhsú agus bogearraí a fhorbairt chun an cileagram náisiúnta a scaipeadh
- TRaMM, tionscadal chun cur leis an gcumas i dtaobh toisí maighnéadacha inrianaithe a dhéanamh, i gcomhar le Coláiste na Tríonóide, Baile Átha Cliath.



Choinnigh NML lena chuid oibre agus é ina chomhpháirtí sna tionscadail taighde idirnáisiúnta seo:

- LegalEVcharge, arb é is aidhm leis creat praiticiúil méadreolaíochta dlí a fhorbairt maidir le stáisiúin chun feithiclí leictreacha a luchtú
- Mathmet, arb é is aidhm leis feabhas a chur ar cháilíocht, éifeachtúlacht agus scaipeadh na hoiliúna um éiginnteacht maidir le tomhas (tionscadal comhoibríoch le 15 chomhpháirtí eile ó institiúidí méadreolaíochta náisiúnta Eorpacha)..



MATHMET

Is é 'éiginnteacht tomhais' an paraiméadar a úsáidtear go huilíoch chun cáilíocht toraidh tomhais a léiriú, agus is air a bhíonn gach gníomhaíocht tomhais bunaithe. Is comhpháirtí gníomhach é NML sa tionscadal Oiliúna um Éiginnteacht Tomhais atá á reáchtáil ag Mathmet, Líonra Méadreolaíochta na hEorpa don Mhatamaitic agus don Staidreamh.

Leis an ngníomhaíocht sin, féachtar le feabhas a chur ar cháilíocht, éifeachtúlacht agus scaipeadh na hoiliúna maidir le héiginnteacht tomhais, agus tá cuibhreannas leathan ina bun.

Forbairt acmhainneachta a éascú i measc saotharlanna Eorpacha

Is comhalta gníomhach é NSAI den líonra méadreolaíochta Eorpach, EURAMET. Ceann de phríomhchuspóirí an líonra is ea tacú le forbairt na n-institiúidí náisiúnta méadreolaíochta (NMIanna) atá ina gcomhaltaí de. Is é NSAI tionólaí na Meithle um Fhorbairt Acmhainneachta, a bhfuil breis is 20 NMI de chuid na hEorpa páirteach inti.



NML Léargas ar ghníomhaíochtaí 2022

For-rochtain agus oideachas

Tá ról ríthábhachtach ag an NML maidir le tacú leis an tomhas agus le dea-chleachtais tomhais. Trína ghníomhaíochtaí for-rochtana agus oideachais, bíonn NML i gcomhairle go gníomhach le go leor grúpaí páirtithe leasmhara. Áiríodh ar ár ngníomhaíocht for-rochtana agus oideachais in 2022:

- **Cúrsaí oiliúna**

In 2022, reáchtáil NML 20 cúrsa oiliúna, rud a chuaigh chun sochair breis agus 70 rannpháirtí ó 60 eagraíocht éagsúil. Leis na cúrsaí sin, múineadh eolas agus scileanna luachmhara i réimse na méadreolaíochta, rud a rannchuidigh le cleachtais chruinne tomhais a chur chun cinn.

- **Mic léinn INTRA ó DCU a óstáil**

D'óstáil NML bheirt mhac léinn INTRA ó DCU le linn a socrúcháin samhraidh. Fuair na mic léinn sin an deis tabhairt faoi obair chalabhrúcháin agus tionscadail eolaíochta sa tsaotharlann, obair a bhí ina taithí phraiticiúil luachmhar dóibh.

- **Mac léinn socrúcháin iarchéime a óstáil**

Tháinig mac léinn socrúcháin iarchéime ag obair linn in 2022 chun tabhairt faoi thaighde agus obair chalabhrúcháin, agus chun páirt a ghlacadh in oiliúint a bhaineann le méadreolaíocht. Fuair an té sin léargas agus taithí luachmhar ar an obair a bhaineann le forbairt leanúnach a dhéanamh ar theicnící tomhais.

- **Daltaí idirbhliana a óstáil**

Chuireamar socrúcháin ar fáil do dhaltaí idirbhliana, rud a thug taithí phraiticiúil dóibh ar an obair agus ar thionscadail eolaíochta. Bhí sé ina aidhm leis an tionscnamh sin daoine óga a spreagadh agus tuiscint a chothú ar an tábhacht a bhaineann le toisí cruinne.

- **Cabhrú le saotharlanna tástála agus calabhrúcháin**

Thacaíomar le saotharlanna tástála agus calabhrúcháin trína n-inniúlachtaí agus a gcumas calabhrúcháin/tástála a bhailíochtú trí mheán scéim tástála inniúlachta. In 2022, sholáthair an tsaotharlann 18 dtástáil inniúlachta do 14 chuideachta, rud a chinntigh beachtas agus iontaofacht a gcleachtais tomhais.

- **Comhoibriú le hollscoileanna**

Chomhoibrigh NML go gníomhach le hollscoil Theicneolaíoch na Mumhan agus le hollscoil Teicneolaíochta Bhaile Átha Cliath. Is éard a bhí i gceist leis sin ná léachtaí a thabhairt do mhic léinn na fisice, agus topaicí agus maoirseacht a chur ar fáil do thionscadail na mac léinn ceathrú bliana. Trí dhul i gcomhairle leis an bpobal acadúil, cabhraíonn an tsaotharlann le hoideachas méadreolaíochta a chur chun cinn agus cothaítear cultúr de chleachtais chruinne tomhais.



Méadreolaíocht Dlí

Is ionann an mhéadreolaíocht dlí agus cur i bhfeidhm na gceanglas dlí maidir le tomhais agus uirlisí tomhais.

Méadreolaíocht Dlí Sracfhéachaint ar 2022

Achoimre

An tSeirbhís Méadreolaíochta Dlí

22,636

líon na n-uirlisí a ndearna cigirí na seirbhíse cigireacht orthu in 2022, ag 7,984 láithreán

Chuir na cigirí feachtas cigireachta ar scálaí sreafa ar bun san earnáil iascaigh le haghaidh éisc pheiligeacha in R1 2022

35,423

líon na n-uirlisí arna bhfíorú ag fíoraitheoirí údaráithe NSAI, chun tacú leis an úsáid a bhaineann cuideachtaí as uirlisí comhlíontacha

Rinne an tseirbhís cigireachtaí lasmuigh de ghnáthuaireanta oibre i rith na bliana, agus díriodh ar áitribh cheadúnaithe agus ar thacsaiméadair

14,957

líon na dtacsaiméadar a d'fhíoraigh ár bhfíoraitheoirí údaráithe, Applus, in R4 2022, lena chinntiú go gcomhlíonfar an t-ordú nua um tháillí uasta do thacsaithe, a tháinig i bhfeidhm ar an 1 Meán Fómhair 2022

172

líon na bhfógraí rabhaidh a eisíodh in aghaidh gach 1,000 cigireacht

ar cinn iad nach mór a thomhas go cruinn ionas go mbeidh a fhios againn go bhfaighimid an rud a íocaimid as. Mar shampla, ní mór dúinn a thomhas:

- cé mhéad peitрил nó díosal a chuirimid isteach inár gcarranna
- an fad achair a clúdaíodh agus an t-am a thóg sé sin chun ár dtáillí tacsáí a ríomh
- meáchan earraí réamhphacáistithe in ollmhargaí.

Lean foireann na Seirbhíse Méadreolaíochta Dlí in NSAI ar aghaidh ag comhlíonadh feidhmeanna rialála i rith 2022, faoi reachtaíocht mhéadreolaíochta, lena n-áirítear na hAchtanna Méadreolaíochta, 1980 go 2017.

Táimidne freagrach as seasamh le cruinneas agus trédhearcacht i mbearta trádála agus as an gcruinneas agus an trédhearcacht sin a fhorfheidhmiú. Bainimid an méid sin amach trí chigireacht agus deimhniúchán a dhéanamh ar thoisí agus trealamh tomhais a úsáidtear le haghaidh trádála.

Shínigh an tSeirbhís Méadreolaíochta Dlí agus Trading Standards Northern Ireland Comh-Mheabhrán Tuisceana i Meán Fómhair 2022, chun tacú le faireachas ar an margadh agus le cigireachtaí ar earraí pacáistithe, tar éis an Bhreathimeachta.

Is é WELMEC an eagraíocht ionadaíoch d'údaráis náisiúnta méadreolaíochta dlí san Eoraip. Déanann sé cleachtais na méadreolaíochta dlí a chomhchuihbhiú agus cuireann sé a n-úsáid éifeachtach chun cinn. Is comhalta de chuid WELMEC muid agus d'fhreastalaíomar ar roinnt cruinnithe meithle le linn 2022.

Comhoibriú ar thaighde ríthábhachtach

Mar fhreagairt ar theicneolaíochtaí atá ag teacht chun cinn, treoracha nua agus nósanna atá ag athrú i measc tomhaltóirí, bhí an tSeirbhís páirteach i roinnt príomhthionscadal taighde, agus í ag obair i ndlúthpháirt le comhghleacaithe san Aontas Eorpach chun próisis agus modheolaíochtaí nua a iniúchadh. Áiríodh leo sin:

- tionscadal meáite neamh-uathoibríoch san earnáil chógaisíochta, a raibh ocht dtír Eorpacha páirteach ann, arna bhainistiú ag an tSeirbhís
- tionscadal maidir le dáileoir breosla leachtaigh
- uirlisí tomhais iltoiseacha a úsáideann soláthraithe lóistíochta
- tionscadal iascaigh a bhí dírithe ar na córais meáite a úsáideann próiseálaithe ar fud na hEorpa.

Ghlac an tSeirbhís páirt freisin i dtionscadal anailísithe sonraí de chuid an Aontais Eorpaigh a bhí dírithe ar leas a bhaint as an intleacht shaorga chun faireachán a dhéanamh ar chomhlíonadh i gcás uirlisí a bhíonn ar díol ar ardáin ar líne. Cuirfidh torthaí an tionscadail sin bonn faoi ghníomhaíochtaí comhlíonta amach anseo.

A bhuí le dhá bhunachar sonraí néalbhunaithe a tugadh isteach in 2022, tá feabhas curtha ar sceidealú na gcigireachtaí agus tá cur chuige rioscabhunaithe glactha ina leith ag an tSeirbhís. Leanadh leis an oiliúint foirne in 2022 lena chinntiú go bhfuil na hinniúlachtaí againn a theastaíonn chun tacú lenár bhfreagrachtaí dlíthiúla.



Ina bhfocail féin...

“Feictear go mbímid ag obair ar mhéadreolaíocht dlí don NSAI, agus mar sin go mbíonn ardchaighdeán i bhfeidhm againn. Cuireann sé sin go mór leis an seasamh atá againn sa tionscal.”
Conor Hickey, Hickey Metering

Toisc gur Fíoraitheoir Údaraithe é, tá ról ríthábhachtach ag Hickey Metering i seirbhís fíoraithe agus comhlíonta NSAI.



Inbhuanaitheacht chomhshaoil, freagracht shóisialta agus rialachas

Tá NSAI tiomanta do bheith i mbun gnó ar bhealach freagrach agus cur leis an bhforbairt inbhuanaithe. Toisc gur údarás náisiúnta um chaighdeáin muid, tá ról ríthábhachtach againn maidir le cáilíocht agus sábháilteacht a chur chun cinn sa tionsclaíocht in Éirinn.

Aithnímid go mbíonn tionchar ag ár n-oibríochtaí ar an gcomhshaol, ar an tsochaí agus ar an ngeilleagar. Sa bheartas comhshaoil, sóisialta agus rialachais seo, leagtar amach ár dtiomantais agus ár gcur chuige maidir le dul i ngleic le saincheisteanna sna réimsí sin.

Inbhuanaitheacht comhshaoil

Aithníonn NSAI an raon dúshlán comhshaoil atá le sárú ag an domhan, lena n-áirítear an t-athrú aeráide, truailliú, agus ídiú acmhainní. Chun cuidiú le saol inbhuanaithe a bhaint amach, táimid tiomanta dár dtionchar ar an gcomhshaol a íoslaghdú mar seo a leanas:

- Ár lorg carbóin a laghdú
Bímid ag obair go gníomhach chun ár n-astaíochtaí gás ceaptha teasa a laghdú trí bhearta spárála fuinnimh a chur i bhfeidhm, foinsí fuinnimh in-athnuaite a chur chun cinn, agus infheistíocht a dhéanamh i dteicneolaíochtaí atá tíosach ar fhuinneamh. Táimid ag laghdú an mhéid fuinnimh a ídítear inár saoráidí agus ag spreagadh na bhfostaithe chun leas a bhaint as córacha iompair seachas an carr.
- Dramhaíl a íoslaghdú
Leanaimid na prionsabail a bhaineann le laghdú, athúsáid agus athchúrsáil chun níos lú dramhaíola a ghiniúint. Ina theannta sin, féachaimid chuige go ndéantar dramhaíl ghuaiseach a dhiúscairt ar bhealach sábháilte. Is éard atá i gceist leis na hiarrachtaí sin ídiú páipéir a íoslaghdú, dramhaíl oifige a athchúrsáil, agus diúscairt freagrach ríomhdhramhaíola a chur chun cinn.
- Soláthar inbhuanaithe
Tugaimid tús áite do tháirgí agus seirbhísí atá inbhuanaithe ó thaobh an chomhshaoil de chun ár dtionchar foriomlán ar an gcomhshaol a laghdú. Áirítear leis sin trealamh oifige atá tíosach ar fhuinneamh a cheannach agus táirgí agus seirbhísí atá freagrach ó thaobh an chomhshaoil de a aimsiú.

- Cur chuige comhoibríoch
Is mór ag NSAI an comhar le páirtithe leasmhara, custaiméirí, soláthraithe agus comhpháirtithe. Ag obair dúinn as lámha a chéile, sainaithnímid agus bainistímid rioscaí agus tionchair chomhshaoil. Déanaimid athbhreithniú leanúnach ar ár bhfeidhmíocht chomhshaoil agus coimeádaimid páirtithe leasmhara ar an eolas maidir leis an dul chun cinn a dhéanaimid, ár dtionscnaimh agus ár gcuispóirí.

Freagracht shóisialta

Tá NSAI an-tiomanta don fhreagracht shóisialta a chur chun cinn agus do chearta an duine a chosaint. Aithnímid an tionchar atá ag ár n-oibríochtaí gnó ar an tsochaí agus déanaimid ár ndícheall iad a ailíniú lenár luachanna. I measc ár dtionscnaimh um fhreagracht shóisialta tá:

- Éagsúlacht agus cuimsiú a chur chun cinn
Cothaimid cultúr san ionad oibre ina gcuirtear éagsúlacht, cothromas agus cuimsiú chun cinn. Caithimid le gach fostaí le dínit agus le meas, agus cuirimid comhdheiseanna ar fáil beag beann ar chine, inscne, reiligiún, claonadh gnéasach nó aon sainréith chosanta eile. Tugaimid tús áite d'fholláine na bhfostaithe agus cothaimid timpeallacht a thacaíonn lena bhfolláine.
- Sláinte agus sábháilteacht a chinntiú
Tugaimid tús áite do thimpeallacht oibre atá sábháilte agus sláintiúil a sholáthar dár bhfostaithe, dár gcustaiméirí agus dár gcuariteoirí. Áirítear leis sin:
 - córas bainistíochta sláinte agus sábháilteachta a chur i bhfeidhm agus a choinneáil ar bun, ar ceann é a chloíonn le caighdeáin idirnáisiúnta
 - oiliúint agus acmhainní a sholáthar i dtaobh cleachtais oibre shábháilte
 - measúnuithe riosca rialta a dhéanamh chun guaiseacha féideartha a mhaolú.

- Rannpháirtíocht le pobail
Bíimid i mbun rannpháirtíochtaí ghníomhach lenár bpobail áitiúla chun a gcuid riachtanas a thuiscint agus chun tacú lena bhforbairt. Áirítear leis an rannpháirtíocht sin:
 - tacú le tionscnaimh phobail agus tionscnaimh oideachais
 - cuidiú le carthanachtaí agus cúiseanna áitiúla
 - páirt a ghlacadh in imeachtaí agus gníomhaíochtaí pobail.
- Cearta an duine
Déanaimid cearta an duine a urramú inár n-oibríochtaí go léir, lena n-áirítear cearta ár bhfostaithe, ár soláthraithe, agus ár gcustaiméirí. Cloímid le caighdeáin idirnáisiúnta saothair, cuirimid chun cinn coinníollacha oibre atá cothrom, sábháilte, agus urramaímid an ceart atá ag oibrithe iad féin a eagrú agus dul i mbun margála le chéile.
- Iompar eiticiúil
Coinníonn NSAI ardchaighdeáin eiticiúla ar bun agus cothaíonn sé cultúr ionracais. Déanaimid ár ngnó go trédhearcach, ionraic, agus bíonn dianchosc ar aon chineál éillithe nó aon chineál iompair mhí-eiticiúil.

Rialachas

Comhlíonann NSAI an Cód Cleachtais um Chomhlachtaí Stáit a Rialú, agus díreann go háirithe ar na nithe seo a leanas a bhaint amach:

- Ardchaighdeáin eiticiúla – déanaimid ár ngnó go trédhearcach, ionraic, agus bíonn dianchosc ar aon chineál éillithe nó aon chineál iompair mhí-eiticiúil
- Comhdhéanamh ilghnéitheach a bheith ar an mbord – cinntimid go bhfuil cúlraí éagsúla agus saineolas éagsúil ag na stiúrthóirí.

A female scientist with dark hair, wearing a green hairnet, a light blue surgical mask, and round glasses, is focused on her work in a laboratory. She is wearing a white lab coat over a white collared shirt and white gloves. In the background, another person wearing a green hairnet, safety goggles, and a light blue surgical mask is partially visible. The laboratory setting includes various pieces of equipment and a white geometric pattern in the upper left corner.

Is í an iontaoibh bun agus barr an scéil: bíonn bunchloch iontaoibhe de dhíth ar gheilleagair agus sochaithe ionas go bhfásfaidh siad agus go mbeidh rath orthu.

Ráiteas rialachais agus tuarascáil ó chomhaltaí an bhoird

Bunaíodh an tÚdarás um Chaighdeán Náisiúnta na hÉireann (NSAI) ar an 14 Aibreán, 1997 faoi Alt 6 den Acht fán Údarás um Chaighdeán Náisiúnta na hÉireann, 1996.

Soláthraíonn NSAI seirbhísí méadreolaíochta, caighdeánaithe agus measúnaithe comhréireachta de réir na bhfeidhmeanna a leagtar síos sna príomh-Achtanna seo a leanas:

- An tAcht fán Údarás um Chaighdeán Náisiúnta na hÉireann, 1996;
- An tAcht Méadreolaíochta, 1996;
- An tAcht um Earraí Pacáistithe (Cainníochtaí a Rialú), 1980;
- An tAcht um Méadreolaíocht Dlí (Uirlisí Tomhais), 2017.

In Eintiteas Leasa Phoiblí é NSAI a fheidhmíonn faoi choimirce an Aire Fiontar, Trádála agus Fostaíochta, agus tá an chumhacht ag an té sin chun cistí a chur ar fáil do NSAI lena chur ar a chumas dó a chuid dualgas a chomhlíonadh; chun treoracha beartais ghinearálta a eisiúint; agus chun faisnéis a lorg faoi ghníomhaíochtaí NSAI.

Rialachas

Tá an Bord cuntasach don Aire Stáit ag an Roinn Fiontar, Trádála agus Fostaíochta atá freagrach as Gnó, Fostaíocht agus Miondíol agus tá sé freagrach as dea-rialachas a áirithiú. Comhlíonann an Bord an cúram sin trí chuspóirí agus spriocanna straitéiseacha a leagan síos agus trí chinntí straitéiseacha a dhéanamh ar phríomhcheisteanna gnó.

Is iad an Príomhoifigeach Feidhmiúcháin (POF) agus an fhoireann bainistíochta feidhmiúcháin atá freagrach as bainistiú agus rialú laethúil a dhéanamh ar NSAI. Cuireann an Príomhoifigeach Feidhmiúcháin agus an fhoireann ardbhainistíochta i bhfeidhm an treo straitéiseach ginearálta arna cheadú ag an mBord, agus féachann siad chuige go bhfuil tuiscint shoiléir ag gach comhalta den Bhord ar na príomhghníomhaíochtaí agus na príomhchinntí a bhaineann leis an eintiteas, agus ar aon rioscaí suntasacha a d'fhéadfadh teacht chun cinn. Bíonn an Príomhoifigeach Feidhmiúcháin ina nasc díreach idir an Bord agus an lucht bainistíochta.

Feidhmíonn an tÚdarás de réir threoirlínte an Chóid Cleachtais chun Comhlachtaí Stáit a Rialú, 2016 (an Cód) agus de réir nuashonruithe air, arna n-eisiúint ag an Roinn Caiteachais Phoiblí agus Athchóirithe.

Struchtúr an Bhoird

De réir fhorálacha an Aichta fán Údarás um Chaighdeán Náisiúnta na hÉireann, 1996, is é an tAire a cheapann na Comhaltaí ó na leasanna sin atá páirteach sa phróiseas um thráchtarraí, próisis agus cleachtais a chaighdeánú agus a dheimhniú, gan aon leas ar leith a bheith i réim.

Trí chomhalta dhéag atá ar an mBord: Cathaoirleach agus 11 Chomhalta, arna gceapadh ag an Aire Stáit sa Roinn Fiontar, Trádála agus Fostaíochta atá freagrach as Trádáil, Fostaíocht, agus Miondíol. Is comhalta de bhrí oifige í an Príomhoifigeach Feidhmiúcháin ar feadh théarma a conartha.

Ceaptar comhaltaí an Bhoird ar bhonn bliantúil, tráth lá cinn bliana bhunú NSAI, nuair a chuireann an triúr Comhaltaí is faide seirbhíse iad féin i láthair chun dul ar scor ón mBord.

Freagrachtaí an Bhoird

Leagtar amach ról agus freagrachtaí an Bhoird i Lámhleabhar Rialachais NSAI, ina sonraítear freisin na nithe a bhfuil sé leagtha síos ina leith nach mór don Bhord iad a chinneadh.

I measc na míreanna atá ar chlár oibre an Bhoird tá:

- Dearbhú leasanna
- Maoirseacht agus treoir straitéiseach
- Bainistíocht agus tuairisciú airgeadais
- Príomhtháscairí Feidhmíochta
- Bainistíocht Riosca
- Rialachas Corparáideach
- Tuarascálacha ó na fochoistí, agus
- Nithe atá Forchoimeáda don Bhord.

Tá an Bord freagrach as taifid chuntasaíochta imleora a choinneáil ina nochtar le cruinneas réasúnta ag am ar bith staid airgeadais an Údaráis lena n-áirítear na fochuideachtaí atá ar lánúinéireacht aige, NSAI Inc. agus NSAI Certification UK Ltd.

Ceanglaítear in alt 8(2) den Chéad Sceideal a ghabhann leis an Acht fán Údarás um Chaighdeán Náisiúnta na hÉireann, 1996 go gcoimeádfaidh NSAI, i cibé foirm a cheadóidh an tAire Fiontar, Trádála agus Fostaíochta, le toiliú an Aire Airgeadais, gach cuntas is cuí agus is gnách ar an airgead go léir a gheobhaidh sé agus a chaithfidh sé agus go gcoimeádfaidh sé san fhoirm sin a dúradh na cuntais speisialta sin go léir a ordóidh an tAire Fiontar, Trádála agus Fostaíochta ó am go ham.

Agus na ráitis airgeadais á n-ullmhú aige, ceanglaítear ar NSAI na nithe seo a leanas a dhéanamh:

- beartais chuntasaíochta oiriúnacha a roghnú agus iad a chur i bhfeidhm go comhsheasmhach
- breithiúnais agus meastacháin a dhéanamh atá réasúnta agus stuama
- aon imeachtaí ábhartha ó na caighdeáin chuntasaíochta is infheidhme a nochtadh agus a mhíniú
- na ráitis airgeadais a ullmhú ar bhonn gnóthas leantach ach amháin mura bhfuil sé cuí glacadh leis go leanfaidh NSAI de bheith ag feidhmiú.

Measann an Bord go dtugann ráitis airgeadais NSAI léargas fíorcheart ar fheidhmíocht airgeadais agus ar staid airgeadais NSAI amhail an 31 Nollaig 2022.

Tá an Bord freagrach freisin as:

- Sócmhainní a chosaint agus bearta réasúnta a ghlacadh chun calaíochas mírialtachtaí eile a chosc agus a bhrath.
- An plean straitéiseach agus na buiséid bhliantúla a cheadú.
- Feidhmíocht NSAI a mheas, trí thagairt a dhéanamh do thuairisciú príomhtháscairí feidhmíochta agus trí thuarascálacha bainistíochta airgeadais a chur faoi bhráid an Bhoird.

Thionól an Bord 6 chruinniú in 2022. Tá sceideal an tinrimh ag cruinnithe an Bhoird in 2022 leagtha amach thíos, lena n-áirítear na táillí agus na speansais a íocadh le gach comhalta i rith na bliana.

Táillí agus Speansais na gComhaltaí Boird

Íoctar táillí leis na Comhaltaí Boird de réir an Bharántais Ceapacháin. Déantar na speansais a phróiseáil ag na rátaí agus faoi réir na rialachán is íomchuí i gcás Státseirbhísigh den ghrád is airde.

Éifeachtacht an Bhoird agus Meastóireacht air

Thug an Bord faoi Athbhreithniú Inmheánach ar Éifeachtúlacht an Bhoird i mí na Nollag 2021 agus rinne an Bord é a athbhreithniú agus a ghlacadh i mí Feabhra 2022.

Coistí an Bhoird

Tá trí choiste bunaithe ag an mBord. Tá sonraí maidir le Comhaltaí an Choiste le linn 2022 sa Sceideal i dtaobh Thinreamh na gComhaltaí ag Cruinnithe agus a gcuid Táillí agus Speansas.

An Coiste Iniúchóireachta agus Riosca (CIR)

Tá CIR ina chomhpháirt lárnach den rialachas agus de chuid na gcóras rialaithe inmheánaigh arna gcur chun feidhme ag an mBord. Is é an ról atá ag CIR tacú leis an mBord maidir leis an bhfreagracht atá air as an timpeallacht rialaithe, bainistíocht riosca, tuairisciú airgeadais agus as dearbhuithe gaolmhara. Féachann an Coiste chuige go ndéantar faireachán neamhspleách ar na córais rialaithe inmheánacha lena n-áirítear na gníomhaíochtaí iniúchóireachta. Tuairiscíonn CIR don Bhord tar éis gach cruinnithe, agus go foirmiúil i dtuarascáil bhliantúil don Bhord.

Feidhmíonn an Coiste faoi théarmaí tagartha arna gceadú ag an mBord agus thionóil sé cúig chruinniú in 2022. Freastalaíonn daoine den lucht bainistíochta ar chruinnithe dá chuid ar iarraidh ón gcoiste agus buaileann Comhaltaí CIR leis na hiniúcháirí gach bliain gan an lucht bainistíochta a bheith i láthair.

An Coiste Ainmniúcháin

Is é ról an Choiste Ainmniúcháin athbhreithniú a dhéanamh agus moltaí a dhéanamh don Bhord maidir le ceapacháin agus pleanáil comharbais agus é ag breathnú ar na scileanna agus na hinniúlachtaí a theastaíonn ón mBord i gcomhthéacs straitéis NSAI, na ndúshlán atá roimhe agus na ndeiseanna atá le tapú aige.

Agus an Príomhoifigeach Feidhmiúcháin as láthair, tacaíonn an coiste le riachtanais an Bhoird maidir le ceapachán agus feidhmíocht an té sin. Feidhmíonn an Coiste faoi théarmaí tagartha arna gceadú ag an mBord agus thionóil sé dhá chruinniú in 2022.

An Coiste Rialachais

Is é an ról atá ag an gCoiste Rialachais maoirseacht agus forbairt a dhéanamh ar an rialachas corparáideach chun féachaint chuige go gcomhlíonfaidh NSAI an Cód Cleachtais um Chomhlachtaí Stáit a Rialú. Déannann an Coiste athbhreithniú ar threoirlínte rialachais corparáidigh agus molann sé don Bhord iad lena gceadú. Feidhmíonn an Coiste faoi théarmaí tagartha arna gceadú ag an mBord agus thionóil sé dhá chruinniú in 2022.

NSAI Inc.

Bunaíodh NSAI Inc. in New Hampshire, SAM, ar an 1 Iúil 1997 mar chorporáid neamhbhrabúis atá ar lánúinéireacht ag NSAI chun faisnéis a dháileadh agus a scaipeadh maidir le caighdeáin na hÉireann agus caighdeáin an Aontais Eorpaigh, idir chinn atá ann faoi láthair agus chinn atá beartaithe, chun léirmheasanna teicniúla a sholáthar agus chun measúnacht a dhéanamh ar tháirgí, ar phróisis agus ar chleachtais agus chun dul i mbun deimhniúcháin i ndáil le comhlíonadh chaighdeáin an Aontais Eorpaigh, chaighdeáin na hÉireann agus caighdeán idirnáisiúnta. Comhlíonann an t-eintiteas Meiriceánach ceanglais rialacháin stáit agus ceanglais rialacháin chónaidhme na Stát Aontaithe.

Tá an fhochuideachta faoi réir rialuithe sonracha bainistíochta agus nós imeachta atá ceadaithe ag Bord NSAI Inc. agus cuimsítear iadsan sna ráitis ghinearálta maidir le comhlíonadh agus éifeachtacht na rialuithe. Tá triúr comhaltaí de Bhord NSAI Inc. ar Bhord NSAI.

Feidhmíonn Bord NSAI Inc. de réir nósanna imeachta rialachais arna gceadú ag an mBord agus thionóil sé ceithre chruinniú in 2022.

Tinreamh ag na Cruinnithe

V Bowens, Uasal <i>Cathaoirleach</i> – chuaigh ar scor ar an 14 Aibreán 2022	1
A Gleeson, Uasal <i>Cathaoirleach</i> – ceapadh í ar an 27 Iúil 2022	3
An tUasal P Devereaux	3
G Larkin, Uasal <i>Príomhfheidhmeannach</i>	4
An tUasal K Mullaney	4

NSAI Certification UK Ltd.

Bunaíodh NSAI Certification UK Ltd. ar an 15 Iúil 2021, mar chuideachta faoi theorainn scaireanna, atá ar lánúinéireacht ag NSAI, chun críche comharthaí UKCA a sholáthar do ghnólachtaí Éireannacha atá ag feidhmiú i margadh na Ríochta Aontaithe. Is le haghaidh Táirgí Foirgníochta agus Feistí Leighis a bheidh an comhartha sin ag feidhmiú ar dtús.

Feidhmíonn Bord NSAI UK de réir Meabhrán Tuisceana arna cheadú ag an mBord agus thionóil sé aon chruinniú amháin in 2022.

Tinreamh ag na Cruinnithe

An tUasal J Kennedy <i>Cathaoirleach</i>	1
An tUasal W Egerton	1
An tUasal C Verdon	1
G Larkin, Uasal	1

Nochtadh a cheanglaítear faoin gCód Cleachtais chun Comhlachtaí Stáit a Rialú (2016)

Tá an Bord freagrach as a chinntiú gur chomhlíon NSAI ceanglais an Chóid Chleachtais chun Comhlachtaí Stáit a Rialú, 2016 agus míreanna a cuireadh leis ('an Cód') a d'fhoilsigh an Roinn Caiteachais Phoiblí agus Athchóirithe. Tar éis athbhreithniú a dhéanamh ar mar a chloíonn an tÚdarás leis an gCód agus lena Chreat Dearbhaithe, tá na Comhaltaí deimhin de go ndearnadh lánchomhlíonadh ar cheanglais nochta an Chóid sna nótaí a ghabhann leis na Ráitis Airgeadais, lena n-áirítear:

- Caiteachas ar Thaisteal agus ar Chothabháil – Nóta 3
- Sainchomhairleoireacht – Nóta 3
- Fáilteachas – Nóta 3
- Miondealú ar shochair na bhfostaithe – Nóta 3

Athruithe ar an bPríomhlucht Foirne

An tUasal P. Bracken – Rúnaí an Bhoird chuaigh ar scor ar an 5 Lúnasa 2022.

Ráiteas faoi Rialuithe Inmheánacha

Tá Ráiteas Cuimsitheach ar Rialú Inmheánach san áireamh leis na Ráitis Airgeadais.

Costais agus Socraíochtaí Dlí

Rinne NSAI dhá shocraíocht dlí a bhain le héileamh ar an gCoimisiún um Chaidreamh san Áit Oibre in 2022 agus le cás GDPR a tharla in 2021 ach a ndearnadh an tsocraíocht ina leith in 2022.

Déantar táillí dlí a nochtadh faoi 'Costais agus Socraíochtaí Dlí' i gcomhréir leis an gCód.

Scideal i dtaobh thinreamh na gcomhaltaí ag cruinnithe agus a gcuid táillí agus speansas

Comhaltaí Boird	Ceaptha den chéad uair	Ar scor/ (Athcheaptha)	Tinreamh na gComhaltaí Boird agus na gComhaltaí Coiste				Táillí 2022	Speansas 2022
			An Bord	Iníúcháir-eacht agus Riosca	An Coiste Ainmniúcháin	An Coiste Rialachais		
			6 Chruinniú	5 Chruinniú	2 Chruinniú	2 Chruinniú		
An tUasal J Kennedy <i>Cathaoirleach</i>	9 Aibreán 2018	Curtha i láthair le haghaidh scoir 14 Aibreán 2021 (Nóta 3)	6 (6)	–	2 (2)	–	11,929	997
V Bowens, Uasal	12 Bealtaine 2014	Chuaigh ar scor ar an 14 Aibreán 2022	2 (2)	–	–	2 (2)	2,330	–
An tUasal D Casey	15 Nollaig 2021	–	6 (6)	–	–	–	7,904	–
An tUasal P Devereaux	30 Bealtaine 2019	–	6 (6)	3 (5)	–	–	7,668	385
An tUasal W Egerton	17 Meán Fómhair 2020	–	5 (6)	5 (5)	–	–	7,668	–
E Felten, Uasal	17 Meán Fómhair 2020	–	4 (6)	–	–	2 (2)	0 (Note 1)	–
A Gleeson, Uasal	17 Meán Fómhair 2020	–	6 (6)	2 (2)	–	–	7,668	–
A Goggin, Uasal <i>Leas-Chathaoirleach</i>	31 Eanáir 2013	Chuaigh ar scor ar an 14 Aibreán 2022	6 (6)	–	2 (2)	1 (1)	0 (Note 1)	–
M McKeown, Uasal	6 Samhain 2019	14 Aibreán 2021 <i>Athcheaptha ar an 24 Meitheamh 2021</i>	4 (5)	–	–	2 (2)	0 (Note 1)	–
M O'Connell, Uasal	30 Bealtaine 2019	–	6 (6)	5 (5)	3 (3)	–	7,668	–
An tUasal B Smith	17 Aibreán 2018	14 Aibreán 2021 <i>Athcheaptha ar an 24 Meitheamh 2021</i>	5 (5)	–	–	2 (2)	0 (Note 1)	–
An tUasal C Verdon	16 Aibreán 2019	–	4 (6)	2 (5)	1 (2)	–	0 (Note 1)	–
G Larkin, Uasal <i>Priomhoifigeach Feidhmiúcháin Comhalta de bhri oifige</i>	20 Feabhra 2017	–	6 (6)	5 (5)	2 (2)	–	0 (Note 1)	–
M Cronin, Uasal	2 Lúnasa 2022	–	3 (3)	–	–	1 (1)	3,067	–
An tUasal R Alcorn	2 Lúnasa 2022	–	3 (3)	–	–	–	3,067	1,614
An tUasal R Alcorn							€58,969	2,996

1. Ní raibh luach saothair iníoctha de réir an phrionsabail 'Duine Amháin, Tuarastal Amháin'.
2. Níor tugadh fógra faoin gceapachán sách luath le go bhféadfaí freastal ar chruinniú mhí na Nollag.
3. Leanúnachas an cheapacháin deimhnithe de réir an Bharántais Ceapacháin.

An Mhórtimpeallacht Rialachais

Chomh maith lena reachtaíocht rialaithe féin agus leis an gCód, ceanglaítear ar NSAI freisin cloí le ceanglais reachtúla (náisiúnta agus AE) agus ceanglais riaracháin eile. Tá nósanna imeachta curtha i bhfeidhm aige chun féachaint chuige go gcomhlíonfar na ceanglais shonracha seo a leanas:

Rialachán Uimh. 1025/2012 ón Aontas Eorpach maidir le Caighdeánú Eorpach

Tá NSAI ainmnithe ag an Roinn Fiontar, Trádála agus Fostaíochta mar an comhlacht náisiúnta caighdeán i gcomhair CEN, CENELEC agus ETSI faoin Rialachán ón Aontas Eorpach maidir le Caighdeánú, agus ceanglaítear air tuarascáil bhliantúil a fhoilsiú i ndáil le gníomhaíochtaí caighdeánaithe.

An tAcht um Eitic in Oifigí Poiblí, 1995 agus an tAcht um Chaighdeán in Oifigí Poiblí, 2001, agus rialacháin atá bunaithe orthu

De réir fhorálacha na nAchtanna, ní mór do gach Comhalta agus do na baill foirne go léir a bhfuil poist ainmnithe acu forálacha na nAchtanna a chomhlíonadh.

Na hAchtanna um Chomhionannas Fostaíochta, 1998–2021 agus na hAchtanna um Stádas Comhionann, 2000-2018

Tá NSAI tiomanta do bheartas comhdheiseanna agus glacann sé cur chuige dearfach i leith an chomhionannais san eagraíocht. Tá scéimeanna éagsúla á soláthar ag NSAI, cosúil le forbairt foirne, sosanna gairme agus socruithe oibre solúbtha, a chuidíonn le cothromaíocht idir obair agus saol a bhaint amach don fhoireann ar fad.

Tá beartas maidir le Dínit san Ionad Oibre i bhfeidhm.

An tAcht um Shábháilteacht, Sláinte agus Leas ag an Obair, 2005

Glacann NSAI bearta iomchuí chun sábháilteacht, sláinte agus leas na bhfostaithe agus na gcuariteoirí go léir a chosaint agus forálacha an Achta seo a chomhlíonadh.

Na hAchtanna um Páirteachas Lucht Oibre (Fiontair Stáit), 1998

Ní comhlacht ainmnithe é NSAI chun críche an Achta. Comhlíonann NSAI na nósanna imeachta atá leagtha síos sna hAchtanna seo chun foráil a dhéanamh d'ionadaithe foirne a bheith ar an mBord.

An tAcht um Nochtadh Cosanta, 2014

Fuair NSAI nochtadh cosanta amháin le linn na tréimhse tuairiscithe ón 1 Eanáir 2022 go dtí an 31 Nollaig 2022. Rinne páirtí lasmuigh den eagraíocht an nochtadh agus le tríú páirtí a bhain sé. Tá an nochtadh á fhiosrú faoi láthair.

Ní bhfuarthas aon nochtadh ó laistigh den eagraíocht féin.

I gcás nochtadh cosanta a rinne páirtí lasmuigh den eagraíocht agus a bhain le tríú páirtí le linn na tréimhse tuairiscithe idir an 1 Eanáir 2021 agus an 31 Nollaig 2021, cuireadh faoi bhráid Oifigeach de chuid NSAI é agus rinne an té sin imscrúdú air agus breithniú ar na hábhair a luadh ann. Ní bhfuarthas aon fhianaise chun tacú leis na héilimh a rinneadh.

An tAcht um Shaoráil Faisnéise, 2014

Comhlíonann NSAI forálacha an Achta seo. Bunaítear leis an Acht na cearta reachtúla seo a leanas:

- Rochtain ar fhaisnéis atá i seilbh comhlachtaí poiblí.
- Go ndéanfar faisnéis oifigiúil atá i seilbh comhlacht poiblí maidir le duine aonair a leasú sa chás ina bhfuil an fhaisnéis sin neamhiomlán, mícheart nó míthreorach; agus
- Rochtain a fháil ar thaifid i leith cinntí a théann i bhfeidhm ort arna ndéanamh ag an gcomhlacht poiblí sin.

Ba cheart iarrataí ar fhaisnéis a sheoladh chuig an Oifigeach um Shaoráil Faisnéise, NSAI, 1 Cearnóg Swift, An Choill Thuaidh, Seantrabh, Baile Átha Cliath 9.

Na hAchtanna um Chosaint Sonraí, 1988 agus 2018

Comhlíonann NSAI foráil na n-achtanna seo agus an Rialachán Ginearálta maidir le Cosaint Sonraí.

Ciorclán 40/2002 maidir le Treoirínte Soláthair Phoiblí

Cinntíonn NSAI go mbítear ag díriú go cuí ar an dea-chleachtas maidir le ceannach agus go bhfuil nósanna imeachta i bhfeidhm chun comhlíonadh na dtreoirínte ábhartha a áirithiú.

An Cód Caiteachais Phoiblí

Tá nósanna imeachta bunaithe ag NSAI atá ag teacht leis na prionsabail atá leagtha amach sa chód seo.

An tAcht um Íoc Pras Cuntas, 1997

Rinneadh an tAcht um Íoc Pras Cuntas, 1997 a leasú le Rialacháin na gComhphobal Eorpach (íocaíochtaí Déanacha in Idirbhearta Tráchtála), 2002. Tá an lucht bainistíochta sásta gur chomhlíon NSAI forálacha an Achta sna poncanna ábhartha uile.

Soláthraithe a Íoc go Pras

Tá NSAI tiomanta d'fhéachaint chuige go ndéanfar gach sonrasc bailí ó sholáthraithe a íoc go pras faoin Rialú um Íoc Pras laistigh de 15 lá, agus tuairiscíonn sé a fheidhmíocht ina leith sin gach ráithe ar an suíomh gréasáin.

Éifeachtúlacht Fuinnimh

Tá NSAI tiomanta d'éifeachtúlacht fuinnimh a bhaint amach. De réir an Chórais Faireacháin agus Tuairiscithe um Éifeachtúlacht Fuinnimh san Earnáil Phoiblí, córas atá á rith ag SEAI, bhí laghdú 4.5% ar an méid fuinnimh a d'ídh NSAI in 2022 i gcomparáid leis an mbliain roimhe sin. Tá dul chun cinn maith fós á dhéanamh ag NSAI: tá laghdú 47.8% ar an méid fuinnimh a ídítear i gcomparáid leis an mbonnlíne. Tá Córas Bainistíochta Fuinnimh á chur i bhfeidhm ag NSAI faoi láthair, a bheidh creidiúnaithe i leith ISO 50001:2018. Glacann NSAI páirt i gcomhaontuithe creata le haghaidh an tsoláthair leictreachais agus gáis.

An Chairt Custaiméirí

Leagtar amach i gCairt Custaiméirí NSAI an rún daingean atá againn seirbhís ardchaighdeán a sholáthar dár gcustaiméirí. Tá an Chairt ar fáil i nGaeilge agus i mBéarla sa rannán 'About NSAI – Need to Get in Touch – Customer Service Promise and Complaints Procedure' ar an suíomh gréasáin. Áirítear sa Chairt faisnéis maidir le comhlíonadh an Achta Ombudsman agus an Achta um Ombudsman do Leanaí.

Acht na dTeangacha Oifigiúla, 2003-2021

De réir Alt 10 den Acht, foilsítear leagan Béarla agus leagan Gaeilge den Tuarascáil Bhliantúil.

Sonraí Oscailte agus Athúsáid a bhaint as Faisnéis na hEarnála Poiblí

Comhlíonann NSAI na ceanglais maidir le ceadúnú faisnéise lena hathúsáid.

Teacht ar chomhaltaí an Oireachtais

Comhlíonann NSAI a dhualgais maidir le córas a choinneáil ar bun ionas go mbeidh comhaltaí den Oireachtas in ann teagmháil dhíreach a dhéanamh leis.

Ráiteas maidir le Comhlíonadh

Ghlac an Bord an Cód Cleachtais chun Comhlachtaí Stáit a Rialú (2016) agus tá nósanna imeachta curtha i bhfeidhm aige lena chinntiú go gcloífear leis an gCód.

Bhí dúshlán faoi gach eagraíocht in 2022, NSAI ina measc, mar gheall ar shrianta COVID-19 a bheith fós i bhfeidhm. Mar gheall go raibh NSAI ag gabháil idir seirbhísí ar an láthair, seirbhísí aghaidh ar aghaidh agus timpeallacht chianoibre, d'éirigh linn na seirbhísí a sholáthar go leanúnach agus timpeallacht rialaithe chuí a choinneáil i bhfeidhm.

I mí Feabhra 2023, thug an Bord faoi athbhreithniú ar thimpeallacht rialaithe inmheánaigh na bliana 2022 agus ar chreat dearbhaithe NSAI. Ar bhonn an athbhreithnithe sin, tá dearbhú réasúnta á thabhairt ag an mBord maidir leis an timpeallacht rialaithe inmheánaigh agus freisin gur chloígh NSAI leis an gCód Cleachtais Chun Comhlachtaí Stáit a Rialú i leith na bliana 2022.



James Kennedy

Cathaoirleach

15 Nollaig 2023

Tríd an obair a dhéanaimid, cinntímid go mbeidh saol níos sábháilte, níos fearr, agus níos inbhuanaithe againn amach anseo.



Ráitis Airgeadais Chomhdhlúite 2022

Ráiteas faoin rialú inmheánach	41
Tuarascáil an Ard-Reachtair Cuntas agus Ciste	43
Comhaltaí boird agus faisnéis ghinearálta	46
Ráiteas comhdhlúite ar ioncam agus caiteachas agus cúlchistí ioncaim choinnithe	47
Ráiteas comhdhlúite ar ioncam cuimsitheach	48
Ráiteas comhdhlúite ar staid an airgeadais	49
Ráiteas ar staid an airgeadais in NSAI	50
Ráiteas comhdhlúite ar shreabhadh airgid	51
Nótaí a ghabhann leis na ráitis airgeadais chomhdhlúite	52

Ráiteas faoi rialú inmheánach

Raon Feidhme na Freagrachta

Thar ceann Údarás um Chaighdeán Náisiúnta na hÉireann (NSAI), admhaímid freagracht an Bhoird as a chinntiú go gcoimeádtar agus go bhfeidhmítear córas éifeachtach rialaithe inmheánaigh san eagraíocht, lena n-áirítear NSAI Inc., fo-chuideachta atá ar lánúinéireacht ag NSAI. Glactar san áireamh leis an bhfreagracht sin na ceanglais a leagtar síos sa Chód Cleachtais chun Comhlachtaí Stáit a Rialú (2016). Áirítear leis an gcóras rialaithe inmheánaigh rialuithe airgeadais, oibriúcháin agus comhlíontachta agus córais bainistíochta riosca a thacaíonn le tosaíochtaí straitéiseacha NSAI a bhaint amach agus le cistí poiblí agus cistí agus sócmhainní eile a bhfuil NSAI freagrach astu a chosaint an tráth céanna.

Cuspóir an Chórais Rialaithe Inmheánaigh

Ní féidir leis an gcóras rialaithe inmheánaigh ach cinnteacht réasúnach, agus ní cinnteacht iomlán, a thabhairt go gcosnaítear sócmhainní, go ndéantar idirbhearta a údarú go hiomchuí agus a thaifead go cuí, go seachnaítear earráidí nó mírialtachtaí ábhartha nó go mbraitear go tráthúil iad, agus go ndéantar beart ceartaitheach nuair is gá. Tá an córas rialaithe inmheánaigh ceaptha chun riosca a bhainistiú ar leibhéal inghlactha seachas fáil réidh leis ar fad.

Tá an córas rialaithe inmheánaigh, a thagann leis an treoir a d'eisigh an Roinn Caiteachais Phoiblí, Sheachadadh PFN agus Athchóirithe, curtha i bhfeidhm in NSAI don bhliain dar chríoch an 31 Nollaig 2022 agus go dtí an dáta ar ar ceadáíodh na ráitis airgeadais.

Timpeallacht Rialaithe, Rioscaí agus Nósanna Imeachta

Tá Coiste Iniúchóireachta agus Riosca (CIR) ag NSAI ar a bhfuil comhaltaí Boird a bhfuil saineolas acu i réimse an airgeadais agus na hiniúchóireachta. Tháinig an Coiste sin le chéile cúig huaire in 2022. Tá an fheidhm Iniúchóireachta Inmheánaí (seirbhís sheachfhoinsithe) agus a clár oibre faoi threoir ag anailís ar shaincheisteanna riosca agus rialaithe laistigh de NSAI. Ceadáíonn CIR an plean iniúchóireachta inmheánaí agus cuireann sé faoi bhráid an Bhoird é. Ina theannta sin, tá NSAI faoi réir creidiúnú, bainistíocht cáilíochta agus athbhreithnithe eile a dhéanann tríú páirtithe agus a ndéanann an lucht bainistíochta iad a mheas.

Tá Coistí Rialachais agus Ainmniúcháin ag NSAI ar a bhfuil comhaltaí boird a bhfuil a dtéarmaí tagartha ceadaithe ag an mBord. Cuireann na coistí sin tuarascálacha rialta ar fáil don Bhord.

Tá creat agus próiseas foriomlán bainistíochta riosca ag NSAI lena n-áirítear beartas bainistíochta riosca agus ráiteas inghlacthachta riosca. Tá an beartas bainistíochta riosca ar fáil don fhoireann ar fad. Is ann do ról Príomhoifigigh Riosca. Déanann an lucht bainistíochta athbhreithniú ar an gclár rioscaí corparáideach agus ansin déanann CIR athbhreithniú air agus cuirtear faoi bhráid an Bhoird é. Is mír rialta ar chlár cruinnithe an Bhoird í an bhainistíocht riosca.

Tá bearta déanta ag an mBord chun féachaint chuige go bhfuil timpeallacht chuí rialaithe i bhfeidhm ag a bhfuil na gnéithe seo a leanas:

- Cód Iompair Gnó lena gceanglaítear ar chomhaltaí Boird, lucht bainistíochta agus baill foirne cloí leis na caighdeáin eiticíúla is airde,
- go bhféachtar chuige go gcomhlíonfar na ceanglais atá leagtha síos sna hAchtanna um Eitic in Oifigí Poiblí,
- beartais agus nósanna imeachta maidir le bainistíocht feidhmíochta foirne agus forbairt ghairmiúil leanúnach,
- go ndéanfaidh an fheidhm Iniúchóireachta Inmheánaí athbhreithniú córasach ar rialuithe inmheánacha agus ar shaincheisteanna riosca,
- nósanna imeachta doiciméadaithe maidir le gach príomhphróiseas gnó,
- clár shainiúla oiliúna agus feasachta ar mhaithe le maolú a dhéanamh ar rioscaí sonracha a bhaineann le bagairtí atá ann faoi láthair nó cinn atá ag teacht chun cinn agus le saincheisteanna móra i dtaobh comhlíontachta,
- nithe a bhfuil sé leagtha síos nach mór don Bhord cinneadh a dhéanamh ina leith,
- sannadh freagrachtaí airgeadais agus an chuntasacht a ghabhann leo ar an leibhéal bainistíochta,
- córas buiséadaithe cuimsitheach le plean agus buiséad bliantúil atá faoi réir cheadú an Bhoird,
- go bhfuil córais agus nósanna imeachta i bhfeidhm atá dírithe ar shlándáil agus athléimneacht na gcóras teicneolaíochta faisnéise a áirithiú,
- go bhfuil córais rialaithe airgeadais i bhfeidhm chun maoirseacht acmhainní airgeadais agus slánchoimeád na sócmhainní a áirithiú,
- nósanna imeachta chun teipeanna suntasacha rialaithe a chinneadh agus a thuairisciú agus féachaint chuige go nglacfar beart ceartaitheach cuí.

Tionchar COVID-19 ar an gCreat Riosca agus Rialaithe

Tá measúnú leanúnach déanta ag NSAI ar a chreat rialaithe de bharr na ráige den ghalair COVID-19 agus aistriú na mball foirne uile chuig samhail chianoibre. Cuireadh ardáin teicneolaíochta shlána a bhí ann cheana ar fáil do na baill foirne go léir chun cianobair a éascú agus cuireadh i bhfeidhm bearta feabhsaithe cibearshlándála, a raibh oiliúint agus tástáil san áireamh leo. Déantar measúnú ar thionchar na rioscaí a eascraíonn as COVID-19 mar chuid de phróiseas bainistíochta riosca an Údaráis agus leanfaidh NSAI ar aghaidh ag déanamh gach beart is gá chun maolú a dhéanamh ar na rioscaí ábhartha go léir a shainaitheofar.

Faireachán agus Athbhreithniú Leanúnach

Tá nósanna imeachta foirmiúla bunaithe chun próisis faireacháin a rialú ar bhealach tráthúil. I gcás ina n-aithnítear easnaimh rialaithe, déantar na feabhsuithe riachtanacha a chomhaontú leis na daoine atá freagrach as beart ceartaitheach a dhéanamh agus tugtar tuairisc don lucht bainistíochta, do CIR agus don Bhord de réir mar is cuí.

Tá an córas rialaithe inmheánaigh bunaithe ar chreat tuairiscithe bainistíochta rialta, ar nósanna imeachta riaracháin lena n-áirítear leithscaradh na ndualgas, agus ar chóras tarmiligin agus cuntasachta.


Áirítear leis an gcóras sin go háirithe:

- aithníodh príomhrioscaí agus rialuithe gaolmhara agus cuireadh próisis i bhfeidhm chun monatóireacht a dhéanamh ar fheidhmiú na bpríomhrialuithe sin agus tuairiscítear aon easnaimh a aithníodh,
- déanann an Bord monatóireacht leanúnach ar an bplean bliantúil agus an buiséad bliantúil atá ceadaithe, lena n-áirítear príomhtháscairí feidhmíochta, agus
- déanann an lucht ardbhainistíochta athbhreithniú rialta ar fheidhmíocht thréimhsiúil agus bhliantúil na dtuarascálacha airgeadais agus neamhairgeadais ina léirítear feidhmíocht i gcoinne buiséad agus cuspóirí.

Thar ceann an Bhoird:



James Kennedy
Cathaoirleach
15 Nollaig 2023



Geraldine Larkin
Príomhoifigeach Feidhmiúcháin
15 Nollaig 2023

Soláthar

Tá oifigeach soláthair/feidhm sholáthair ag NSAI atá ag gabháil don ról sin amháin. Áirítear leis na socruithe soláthair plean soláthair bliantúil, nuashonruithe rialta maidir le soláthar do bhainisteoirí, úsáid a bhaint as Creatáil de chuid Oifig an tSoláthair Phoiblí agus as mionchomórtais de réir mar a oireann do riachtanais na heagraíochta.

Deimhnímid go bhfuil nósanna imeachta i bhfeidhm ag NSAI lena chinntiú go gcomhlíonfar rialacha agus treoirlínte soláthair atá i bhfeidhm faoi láthair agus gur chomhlíon NSAI na nósanna imeachta sin le linn 2022.

Athbhreithniú ar Éifeachtacht

Deimhnímid go bhfuil nósanna imeachta i bhfeidhm ag NSAI chun faireachán a dhéanamh ar éifeachtacht a nósanna imeachta bainistíochta riosca agus a nósanna imeachta rialaithe. Bíonn an faireachán agus an t-athbhreithniú a dhéanann NSAI ar éifeachtacht an chórais rialaithe inmheánaigh faoi threoir ag an obair a dhéanann an t-iniúcháir inmheánach agus an t-iniúcháir seachtarach, ag an gCoiste Iniúcháireachta agus Riosca a mhaoirsíonn a gcuid oibre siúd agus ag an lucht ardbhainistíochta in NSAI atá freagrach as an gcreat rialaithe inmheánaigh a fhorbairt agus a choinneáil ar bun.

Phléigh an Bord an t-athbhreithniú bliantúil ar éifeachtacht na rialuithe inmheánacha i leith na bliana 2022 ag cruinniú an Bhoird ar an 24 Feabhra 2023. Bhí sé sin faoi threoir ag an tuarascáil fhoirmiúil ó CIR ar na córais rialaithe inmheánaigh agus na dearbhuithe um an iniúcháireacht inmheánach, a tháinig faoin gclár oibre a pléadh ag cruinniú de chuid CIR ar an 15 Feabhra 2023.

Saincheisteanna Rialaithe Inmheánaigh

Níor aithníodh aon laigí sa rialú inmheánach a bhí ina gcúis le caillteanas ábhartha i leith na bliana 2022 a gceanglaítear iad a nochtadh sna ráitis airgeadais.

Tuarascáil an Ard-Reachtair Cuntas agus Ciste

Lena cur faoi bhráid Thithe an Oireachtais

Tuairim maidir leis na ráitis airgeadais

Tá iniúchadh déanta agam ar ráitis airgeadais an Údaráis um Chaighdeán Náisiúnta na hÉireann don bhliain dar chríoch an 31 Nollaig 2022 de réir mar a cheanglaítear faoi fhorálacha mhír 8 den Chéad Sceideal den Acht fán Údarás um Chaighdeán Náisiúnta na hÉireann, 1996. Cuimsítear sna ráitis airgeadais:

- an ráiteas comhdhlúite ar ioncam agus caiteachas agus cúlchistí ioncaim choinnithe
- an ráiteas comhdhlúite ar ioncam cuimsitheach
- an ráiteas comhdhlúite ar staid an airgeadais
- an ráiteas ar staid an airgeadais in NSAI
- an ráiteas comhdhlúite ar shreabhadh airgid, agus
- na nótaí a ghabhann leo, lena n-áirítear achoimre ar na príomhbheartais chuntasaíochta.

Is é mo thuairim é go dtugtar léargas fíorcheart sna ráitis airgeadais ar shócmhainní, dliteanais agus staid airgeadais an Údaráis um Chaighdeán Náisiúnta na hÉireann amhail an 31 Nollaig 2022 agus ar a ioncam agus a chaiteachas don bhliain 2022 i gcomhréir le Caighdeán Tuairiscithe Airgeadais FRS 102, an caighdeán tuairiscithe airgeadais is infheidhme sa Ríocht Aontaithe agus i bPoblacht na hÉireann.

Bunús leis an tuairim

Rinne mé m'iniúchadh ar na ráitis airgeadais de réir na gCaighdeán Idirnáisiúnta um Iniúchóireacht arna bhfógairt ag Eagraíocht Idirnáisiúnta na nInstitiúidí Iniúchóireachta Uachtaracha. Tá cur síos ar na freagrachtaí atá orm faoi na caighdeáin sin san aguisín a ghabhann leis an tuarascáil seo. Tá mé neamhspleách ar an Údarás um Chaighdeán Náisiúnta na hÉireann agus chomhlíon mé mo chuid freagrachtaí eitle de réir na gcaighdeán.

Creidim gur leordhóthanach agus gur cuí í an fhianaise iniúchóireachta atá faighte agam chun bunús a chur faoin tuairim uaim.

Tuairisc ar fhaisnéis seachas na ráitis airgeadais, agus ar chúrsaí eile

Tá faisnéis áirithe eile curtha i láthair mar aon leis na ráitis airgeadais ag an Údarás um Chaighdeán Náisiúnta na hÉireann. Cuimsítear leis an bhfaisnéis sin an tuarascáil bhliantúil lena n-áirítear an ráiteas rialachais agus tuarascáil na gComhaltaí Boird agus an ráiteas maidir le rialú inmheánach. San aguisín a ghabhann leis an tuarascáil seo, déantar cur síos ar na freagrachtaí atá orm i leith tuairisc a thabhairt maidir le faisnéis den sórt sin, agus ar chúrsaí áirithe eile a dtuairiscim orthu ar bhonn eisceachta.

Níl aon ní le tuairisciú againn i ndáil leis sin.



Andrew Harkness

Thar ceann an Ard-Reachtair Cuntas agus Ciste agus ar a shon

21 Nollaig 2023

Aguisín a ghabhann leis an tuarascáil

Freagrachtaí atá ar na Comhaltaí Boird

Mar a leagtar amach sa ráiteas rialachais agus sa tuarascáil ó na Comhaltaí Boird, tá freagracht ar na Comhaltaí Boird as an méid seo a leanas:

- ullmhú na ráiteas airgeadais san fhoirm atá forordaithe faoi mhír 8 den Chéad Sceideal den Acht fán Údarás um Chaighdeán Náisiúnta na hÉireann, 1996
- a áirithiú go dtugtar léargas fíorcheart sna ráitis airgeadais de réir FRS 102
- rialtacht na n-idirbheart a áirithiú
- a mheas an cuí leas a bhaint as bonn cuntasaióchta an ghnóthais leantaigh, agus
- cibé rialú inmheánach a chinneadh siad is gá ionas go bhféadfaí ráitis airgeadais a ullmhú atá saor ó mhíráiteas ábhartha, cibé acu mar gheall ar chalaois nó ar earráid.

Freagrachtaí atá ar an Ard-Reachtaire Cuntas agus Ciste

Faoi mhír 8 den Chéad Sceideal den Acht fán Údarás um Chaighdeán Náisiúnta na hÉireann, 1996, ceanglaítear orm iniúchadh a dhéanamh ar ráitis airgeadais an Údaráis um Chaighdeán Náisiúnta na hÉireann agus tuairisc ina leith a chur faoi bhráid Thithe an Oireachtais.

Tá sé ina chuspóir agam leis an iniúchadh sin dearbhú réasúnta a fháil maidir le cibé an bhfuil nó nach bhfuil na ráitis airgeadais ina n-iomláine saor ó mhíráiteas ábhartha, cibé acu de bharr calaoise nó earráide. Is ardleibhéal dearbhaithe é dearbhú réasúnta, ach ní thugtar ráthaíocht leis go n-aimseofar i gcónaí in iniúchadh a dhéantar de réir na gCaighdeán Idirnáisiúnta um Iniúchóireacht míráiteas ábhartha más ann dó. Is féidir go n-eascródh míráitis as calaois nó earráid agus meastar go bhfuil siad ábhartha más rud é, astu féin nó le chéile, go bhféadfaí a bheith ag súil go réasúnach leis go mbeadh tionchar acu ar chinntí geilleagracha na n-úsáideoirí arna nglacadh ar bhonn na ráiteas airgeadais seo.

Mar chuid d'iniúchadh de réir na gCaighdeán Idirnáisiúnta um Iniúchóireacht, déanaim breithiúnas gairmiúil a fheidhmiú agus sceipteachas gairmiúil a chothú ar feadh an iniúchta. Agus an méid sin á dhéanamh agam,

- Déanaim na rioscaí i dtaobh míráiteas ábhartha sna ráitis airgeadais, cibé acu de bharr calaoise nó earráide, a shainaithint agus a mheasúnú; déanaim nósanna imeachta iniúchóireachta a cheapadh agus a fheidhmiú lena dtugtar freagra ar na rioscaí sin; agus faighim fianaise iniúchta is leor agus is cuí chun bunús a thabhairt don tuairim uainn. Is airde an baol nach ndéanfar míráiteas ábhartha de bharr calaoise a bhrath ná míráiteas ábhartha de bharr earráide, toisc go bhféadfadh claonpháirteachas, brionnú, easnamh d'aon turas, mífhaisnéis, nó sárú an rialaithe inmheánaigh a bheith i gceist le calaois.
- Tagaim ar thuiscint ar an rialú inmheánach a bhaineann leis an iniúchadh chun nósanna imeachta iniúchóireachta a dhearadh a oireann do na himthosca, ach ní chun críocha tuairim a chur in iúl ar a éifeachtaí is atá an rialú inmheánach.
- Déanaim measúnú ar a oiriúnaí is atá na beartais chuntasaíochta a d'úsáid na comhaltaí agus ar réasúnacht na meastachán cuntasaíochta agus an nochtadh ghaolmhair.
- Tugaim breith ar a oiriúnaí is a bhí sé leas a bhaint as bonn cuntasaíochta an ghnóthais leantaigh agus, bunaithe ar an bhfianaise iniúchta a fuarthas, ar cibé acu an bhfuil nó nach bhfuil ábhar neamhchinnteachta ábhartha ann a bhaineann le teagmhais nó dálaí a d'fhéadfadh amhras suntasach a chaitheamh ar an gcumas atá ag an Údarás um Chaighdeán Náisiúnta na hÉireann leanúint ar aghaidh ag feidhmiú mar ghnóthas leanúnach. Má chinneim go bhfuil neamhchinnteacht ábhartha i gceist, ceanglaítear orm aird a dhíriú sa tuarascáil uaim ar an nochtadh gaolmhair sna ráitis airgeadais nó, mura leor an nochtadh sin, an tuairim uaim a mhodhnú. Tá mo chuid conclúidí bunaithe ar an bhfianaise iniúchta a fuarthas go dtí dáta mo thuarascála. Mar sin féin, d'fhéadfadh teagmhais nó dálaí sa todhchaí a bheith ina gcúis leis go scoirfidh an tÚdarás um Chaighdeán Náisiúnta na hÉireann d'fheidhmiú mar ghnóthas leanúnach.
- Déanaim meastóireacht ar chur i láthair, struchtúr agus ábhar foriomlán na ráiteas airgeadais, lena n-áirítear an nochtadh, agus cibé an léirítear nó nach léirítear go cothrom sna ráitis airgeadais na hidirbhearta agus na teagmhais bhunúsacha.

Téim i dteagmháil leis na daoine a bhfuil cúram rialachais orthu maidir le, i measc eile, raon feidhme agus amchlár beartaithe an iniúchta agus torthaí suntasacha ón iniúchadh, lena n-áirítear aon easnaimh shuntasacha sa rialú inmheánach a aimsím le linn m'iniúchta.

Tugaim tuairisc ar bhonn eisceachta freisin más rud é, dar liomsa,

- nach bhfuair mé an fhaisnéis agus na mínithe go léir a theastaigh uaim i gcomhair m'iniúchta, nó
- nach raibh taifid chuntasaíochta na cuideachta leordhóthanach ionas go bhféadfaí iniúchadh furasta cuí a dhéanamh ar na ráitis airgeadais, nó
- nach bhfuil na ráitis airgeadais ag teacht leis na taifid chuntasaíochta.

Faisnéis seachas na ráitis airgeadais

Ní chuimsítear sa tuairim uaim ar na ráitis airgeadais an fhaisnéis eile a cuireadh i láthair leis na ráitis sin, agus ní chuirim in iúl aon chineál conclúide dearbhaithe ina taobh.

Maidir le m'iniúchadh ar na ráitis airgeadais, ceanglaítear orm faoi na Caighdeáin Idirnáisiúnta um Iniúcháireacht an fhaisnéis eile a léamh agus, á dhéanamh sin dom, a bhreithniú an bhfuil an fhaisnéis eile ar neamhréir go hábhartha leis na ráitis airgeadais nó leis an eolas a fuarthas le linn an iniúchta, nó an ndearaíonn sé go ndearnadh míráiteas ábhartha ina taobh ar shlí eile. Más rud é, ar bhonn na hoibre a rinne mé, go gcinnim go ndearnadh míráiteas ábhartha i leith na faisnéise eile sin, ceanglaítear orm an méid sin a thuairisciú.

Tuairisciú ar ábhair eile

Déantar m'iniúchadh trí thagairt do na léirbhreithnithe speisialta a bhaineann le comhlachtaí Stáit maidir lena mbainistiú agus lena bhfeidhmiú. Tugaim tuairisc ina dtaobh más rud é go n-aimsím nithe ábhartha a bhaineann leis an tslí inar cuireadh gnó poiblí i gcrích.

Déanaim iarracht le linn an iniúchta teacht ar fhianaise maidir le rialtacht na n-idirbheart airgeadais. Tugaim tuairisc air má aimsím cás ábhartha ar bith inarb amhlaidh nach raibh airgead poiblí á úsáid chun na críocha a bhí beartaithe ina leith nó cás ar bith inarb amhlaidh nach raibh na hidirbhearta ag cloí leis na húdaráis arna rialú.

Comhaltaí Boird agus Faisnéis Ghinearálta

Bord NSAI

Is iad seo a leanas Comhaltaí Boird NSAI, atá ceaptha ag an Aire Fiontar, Trádála agus Fostaíochta:

Comhaltaí Boird



An tUasal J. Kennedy
Cathaoirleach



G. Larkin Uasal
Príomhoifigeach Feidhmiúcháin



An tUasal R. Alcorn
Ceaptha ar an 2 Lúnasa 2022



V. Bowens Uasal
Chuaigh ar scor ar an
14 Aibreán 2022



An tUasal D. Casey



M. Cronin Uasal
Ceaptha ar an 2 Lúnasa 2022



An tUasal P. Devereaux



An tUasal W. Egerton



E. Felten, Uasal



A. Gleeson, Uasal



A. Goggin Uasal
Chuaigh ar scor ar an
14 Aibreán 2022



M. McKeown, Uasal



M. O'Connell, Uasal



An tUasal B. Smith



An tUasal C. Verdon

An tUasal P. Bracken
Rúnaí an Bhoird – Chuaigh ar
scor ar an 5 Lúnasa 2022

An tUasal P. Fitzgerald
Rúnaí Eatramhach an Bhoird
– Ceaptha ar an 3 Deireadh
Fómhair 2022

Faisnéis ghinearálta

An Cheannoifig
1 Cearnóg Swift
An Choill Thuaidh
Seantrabh
Baile Átha Cliath 9

Iniúcháirí

An tArd-Reachtair Cuntas
agus Ciste
3A Sráid an Mhéara
Uachtarach Baile Átha Cliath 1

Baincéirí

Bainc-Aontas Éireann, cpt.
Banc TD

Aturnaetha

Eversheds Sutherland

Ráiteas Comhdhlúite ar Ioncam agus Caiteachas agus Cúlchistí Ioncaim Choinnithe

Don bhliain dar chríoch an 31 Nollaig 2022


	Nótaí	2022 €	2021 €
Ioncam	2	29,539,146	24,895,375
Caiteachas			
Costais riaracháin agus costais ghinearálta	3	32,695,861	26,863,961
Costais i ndáil le sochar scoir	12(a)	4,836,769	3,742,124
		37,532,630	30,606,085
Glanchoistais oibriúcháin roimh an deontas		(7,993,484)	(5,710,710)
Deontas Oireachtais	4	8,015,000	6,850,000
Glanioncam oibriúcháin don bhliain		21,516	1,139,290
Aistriú ón/(go dtí an) gcuntas caipitiúil	5	18,570	(300,274)
Coigeartú aistrithe		129,963	180,422
Aistriú chuig cúlchistí don bhliain		170,049	1,019,438
Iarmhéid amhail an 1 Eanáir		6,159,031	5,139,593
Iarmhéid amhail an 31 Nollaig		6,329,080	6,159,031

Is cuid de na ráitis airgeadais chomhdhlúite iad an ráiteas comhdhlúite ar shreabhadh airgid agus Nóta 1 go dtí Nóta 20.

Thar ceann an Bhoird:



James Kennedy
Cathaoirleach
15 Nollaig 2023



Geraldine Larkin
Príomhoifigeach Feidhmiúcháin
15 Nollaig 2023

Ráiteas Comhdhlúite ar Ioncam Cuimsitheach

Don bhliain dar chríoch an 31 Nollaig 2022


	Nótaí	2022 €	2021 €
Barrachas sna cúlchistí don bhliain tar éis leithreasáí		170,049	1,019,438
(Caillteanas)/gnóthachan ó thaithí ar oibleagáidí sochair scoir	12(d)	(4,640,000)	1,128,000
Athruithe ar na boinn tuisceana i dtaobh luach reatha na ndlíteanas scéime sochair scoir		47,231,000	(8,927,000)
Gnóthachan/(caillteanas) achtúireach iomlán sa bhliain		42,591,000	(7,799,000)
Coigeartú ar an gcistiú iarchurtha um shochair scoir	12(b)	(42,591,000)	7,799,000
Ioncam cuimsitheach iomlán don bhliain		170,049	1,019,438

Is cuid de na ráitis airgeadais chomhdhlúite iad an ráiteas comhdhlúite ar shreabhadh airgid agus Nóta 1 go dtí Nóta 20.

Thar ceann an Bhoird:



James Kennedy
Cathaoirleach
15 Nollaig 2023



Geraldine Larkin
Príomhoifigeach Feidhmiúcháin
15 Nollaig 2023

Ráiteas Comhdhlúite ar Staid an Airgeadais

Amhail an 31 Nollaig 2022


	Nótaí	2022 €	2021 €
Sócmhainní nach sócmhainní reatha iad			
Maoín, gléasra agus trealamh	6	4,025,972	4,041,737
Sócmhainní reatha			
Méideanna infhála	8	7,731,242	7,006,719
Airgead agus coibhéisí airgid		2,247,839	2,686,332
		9,979,081	9,693,051
Dlíteanais reatha (a bheidh dlíte < 1 bhliain amháin)			
Méideanna iníoctha	9	3,650,001	3,534,020
Glansócmhainní reatha		6,329,080	6,159,031
Sócmhainní iomlána lúide dlíteanais reatha roimh Phinsin		10,355,052	10,200,768
Sochair scoir			
Sócmhainn an chistithe iarchurtha um shochar scoir	12(c)	100,866,000	138,948,000
Oibleagáid um shochar scoir	12(b)	(100,866,000)	(138,948,000)
Glansócmhainní		10,355,052	10,200,768
Lena léirítear			
Cuntas caipitil	5	4,025,972	4,041,737
Cúlchistí ioncaim choinnithe		6,329,080	6,159,031
		10,355,052	10,200,768

Is cuid de na ráitis airgeadais chomhdhlúite iad an ráiteas comhdhlúite ar shreabhadh airgid agus Nóta 1 go dtí Nóta 20.

Thar ceann an Bhoird:



James Kennedy
Cathaoirleach
15 Nollaig 2023



Geraldine Larkin
Príomhoifigeach Feidhmiúcháin
15 Nollaig 2023

Ráiteas ar Staid an Airgeadais in NSAI

Amhail an 31 Nollaig 2022


	Nótaí	2022 €	2021 €
Sócmhainní nach sócmhainní reatha iad			
Maoín, gléasra agus trealamh	6	3,937,988	4,005,134
Sócmhainní reatha			
Méideanna infhála	8	19,292,088	15,796,885
Airgead agus coibhéisí airgid		951,923	1,371,109
		20,244,011	17,167,994
Dlíteanais reatha (a bheidh dlite < 1 bhliain amháin)			
Méideanna iníoctha	9	23,548,407	19,541,555
Glansócmhainní reatha		(3,304,396)	(2,373,561)
Sócmhainní lomlána lúide dlíteanais reatha roimh Phinsin		633,592	1,631,573
Sochair scoir			
Sócmhainn an chistithe iarchurtha um shochar scoir	12(c)	100,866,000	138,948,000
Oibleagáid um shochar scoir	12(b)	(100,866,000)	(138,948,000)
Glansócmhainní		633,592	1,631,573
Lena léirítear			
Cuntas caipitil	5	3,937,988	4,005,134
Cúlchistí ioncaim choinnithe		(3,304,396)	(2,373,561)
		633,592	1,631,573

Is cuid de na ráitis airgeadais chomhdhlúite iad an ráiteas comhdhlúite ar shreabhadh airgid agus Nóta 1 go dtí Nóta 20.

Thar ceann an Bhoird:



James Kennedy
Cathaoirleach
15 Nollaig 2023



Geraldine Larkin
Príomhoifigeach Feidhmiúcháin
15 Nollaig 2023

Ráiteas Comhdhlúite ar Shreabhadh Airgid

Don bhliain dar chríoch an 31 Nollaig 2022


	Nótaí	2022 €	2021 €
Glan-sreabhadh airgid ó ghníomhaíochtaí oibriúcháin			
Glanioncam oibriúcháin don bhliain		21,516	1,139,290
Ús bainc		3,397	908
Muirear dímhéasa	6	785,881	704,889
Brabús ar dhiúscairt maoin, gléasra agus trealamh		(150)	(12,979)
(Méadú) ar mhéideanna infhála		(724,523)	(3,154,664)
Méadú ar mhéideanna infheistíochta		115,981	2,579,710
Coigeartú um aistriú airgeadra		129,963	180,422
Glan-insreabhadh airgid ó ghníomhaíochtaí oibriúcháin		332,065	1,437,576
Sreabhadh airgid ó ghníomhaíochtaí infheistíochta			
Íocaíochtaí chun maoin, gléasra agus trealamh a fháil	6	(767,311)	(1,005,163)
Méideanna infhála ó dhíol maoin, gléasra agus trealamh		150	12,979
Glan-eis-sreabhadh airgid ó ghníomhaíochtaí infheistíochta		(767,161)	(992,184)
Sreabhadh airgid ó ghníomhaíochtaí maoinithe			
Ús bainc		(3,397)	(908)
Glan-(eis-sreabhadh) airgid ó ghníomhaíochtaí maoinithe		(3,397)	(908)
(Laghdú)/méadú glan ar airgead agus coibhéisí airgid		(438,493)	444,484
Airgead agus coibhéisí airgid amhail an 1 Eanáir		2,686,332	2,241,848
Airgead agus coibhéisí airgid amhail an 31 Nollaig		2,247,839	2,686,332

Is cuid de na ráitis airgeadais chomhdhlúite iad an ráiteas comhdhlúite ar shreabhadh airgid agus Nóta 1 go dtí Nóta 20.

Thar ceann an Bhoird:



James Kennedy
Cathaoirleach
15 Nollaig 2023



Geraldine Larkin
Príomhoifigeach Feidhmiúcháin
15 Nollaig 2023

Nótaí a ghabhann leis na Ráitis Airgeadais Chomhdhlúite

Don bhliain dar chríoch an 31 Nollaig 2022

1. Beartais Chuntasaíochta

Leagtar amach thíos bunús na cuntasaíochta agus na beartais shuntasacha chuntasaíochta a ghlac an tÚdarás um Chaighdeán Náisiúnta na hÉireann agus na ráitis airgeadais chomhdhlúite seo á n-ullmhú. Cuireadh i bhfeidhm ar bhonn comhsheasmhach iad go léir ar feadh na bliana agus i leith na bliana roimhe sin.

Faisnéis ghinearálta

Bunaíodh an tÚdarás um Chaighdeán Náisiúnta na hÉireann (NSAI) ar an 14 Aibreán, 1997 faoi Alt 6 den Acht fán Údarás um Chaighdeán Náisiúnta na hÉireann, 1996.

Tá feidhmeanna reachtúla NSAI sainithe sna hAchtanna seo a leanas:

- An tAcht fán Údarás um Chaighdeán Náisiúnta na hÉireann, 1996;
- An tAcht Méadreolaíochta, 1996;
- An tAcht um Earraí Pacáistithe (Cainníochtaí a Rialú), 1980.

Soláthraíonn NSAI an bonneagar sin trí na cláir lárnacha méadreolaíochta, chaighdeánaithe agus méadreolaíochta dlí maidir le tomhais agus uirlisí tomhais a úsáidtear sa trádáil agus sa mheasúnú comhréireachta.

Is Eintiteas Leasa Phoiblí é an tÚdarás um Chaighdeán Náisiúnta na hÉireann.

Cuireadh na ráitis airgeadais i láthair in euro (€), arb é airgeadra feidhmeach an Údaráis é freisin.

Ráiteas maidir le comhlíonadh

Ullmhaíodh na ráitis airgeadais de réir na reachtaíochta is infheidhme, agus de réir FRS 102, An Caighdeán Tuairiscithe Airgeadais is infheidhme sa Ríocht Aontaithe agus i bPoblacht na hÉireann, arna eisiúint ag an gComhairle um Thuairisciú Airgeadais sa Ríocht Aontaithe.

Bunús an chomhdhlúthaithe

Cuimsítear sna ráitis airgeadais chomhdhlúite torthaí an Údaráis agus a fhochuideachtaí faoi lánúinéireacht, NSAI Inc. agus NSAI Certification UK Ltd. Féach Nótaí 13 agus 14 le haghaidh tuilleadh sonraí. Is ionainn beartais chuntasaíochta na bhfochuideachtaí agus beartais chuntasaíochta an Údaráis.

Bunús an ullmhúcháin

Ullmhaíodh na ráitis airgeadais faoi choinbhinsiún an chostais stairiúil, cé is moite de shócmhainní agus dliteanais áirithe a rinneadh a thomhas ar a luach cóir mar a mhínítear sna beartais chuntasaíochta thíos. Tá na ráitis airgeadais san fhoirm a cheadaigh an tAire Gnó, Fiontar agus Nuálaíochta le comhthoiliú an Aire sa Roinn Caiteachais Phoiblí, Sheachadadh PFN agus Athchóirithe faoin Acht fán Údarás um Chaighdeán Náisiúnta na hÉireann, 1996.

Cuireadh na beartais chuntasaíochta i bhfeidhm ar bhonn comhsheasmhach i leith nithe a mheastar atá ábhartha i ndáil le ráitis airgeadais chomhdhlúite NSAI.

Ioncam

Tugtar cuntas i leith an ioncaim ar fad, seachas an Deontas Oireachtais, sa tréimhse ina dtuilltear é. Déileáiltear le táillí arna n-íoc roimh ré mar ioncam iarchurtha agus is mar dhliteanas reatha a thuairiscítear iad. Scaoiltear an t-ioncam sin chuig an gCuntas ar Ioncam agus Caiteachas agus Cúlchistí Ioncaim Choinnithe tráth sholáthar na seirbhíse.

1. Beartais Chuntasaíochta (ar lean)

Deontas Oireachtais

Aithnítear deontais Oireachtais ar an tsamhail feidhmíochta. I gcás deontas nach bhforchuirtear coinníollacha feidhmíochta sonraithe sa todhchaí ar an bhfaighteoir faoi, aithnítear mar ioncam é nuair a fhaightear luach an deontais. I gcás deontas a bhforchuirtear coinníollacha feidhmíochta sonraithe sa todhchaí ar an bhfaighteoir faoi, ní aithnítear mar ioncam é go dtí go gcomhlíonfar na coinníollacha feidhmíochta sin.

Aistriú airgeadraí eachtracha

(a) Idirbhearta in airgeadra eachtrach

Déantar sócmhainní agus dliteanais airgeadaíochta atá ainmnithe in airgeadraí eachtracha a aistriú de réir na rátaí malairte a bhí i bhfeidhm ar an dáta tuairiscithe. Aistrítear ioncam agus speansais atá ainmnithe in airgeadraí eachtracha de réir na rátaí malairte a bhí i bhfeidhm ar dháta na mbun-idirbheart. Déileáiltear sa Ráiteas ar Ioncam agus Caiteachas agus Cúlchistí loncaim Choinnithe le brabús agus le caillteanais a eascraíonn as aistrithe airgeadra eachtraigh tráth ghlanadh na méideanna infhála agus na méideanna iníoctha in airgeadra eachtrach.

(b) Oibríochtaí coigríche

Nuair atá torthaí na hoibríochta eachtraí á n-aistriú lena gcuimsiú sna ráitis airgeadais, aistrítear sócmhainní agus dliteanais de réir an ráta malairte a bhí i bhfeidhm ar an dáta tuairiscithe. Is sa chúlchiste a aithnítear an difríocht aistrithe airgeadra a eascraíonn as athshonrú na n-oibríochtaí eachtracha in euro – arb é an t-airgeadra feidhmiúil é – de bharr athruithe ar na rátaí malairte (sa Ráiteas ar Ioncam agus Caiteachas agus Cúlchistí loncaim Choinnithe faoin gceannnteideal ‘coigeartú aistrithe’ i leith míreanna airgeadaíochta agus sa Chuntas Caipitil i leith difríochtaí athaistrithe i ndáil le sócmhainní seasta). Aistrítear ioncam agus costais de réir meánrátaí malairte ar bhonn tréimhsí míosúla. Is i gcúlchiste na hoibríochta freisin a aithnítear aon difríocht a eascraíonn ón aistriú airgeadra i gcomparáid leis an ráta atá sa Ráiteas ar Staid An Airgeadais.

Maoín, gléasra agus trealamh

Tá maoín, gléasra agus trealamh ar le NSAI iad luaite ar a gcostas lúide dímhéas carntha, agus an luach coigeartaithe i leith soláthar ar bith i ndáil le lagú. Áirítear le Talamh agus Foirgnimh talamh atá ar seilbh agus ar a bhfuil na foirgnimh suite. Déantar an dímhéas a ríomh chun díscríobh a dhéanamh ar an gcostas lúide luach iarmharach measta gach sócmhainne ar bhonn an mhéid chothroim, mar seo a leanas:

i. Trealamh, Daingneáin agus Feisteas	5 bliana
ii. Ríomhairí	3 bliana
iii. Talamh agus Foirgnimh	50 bliain
iv. Mótarfheithiclí	5 bliana

Is ionann an luach iarmharach agus an méid measta a gheofaí ar dhiúscairt sócmhainne, tar éis costais mheasta na diúscairthe a asbhaint, dá mbeadh an tsócmhainn d’aois agus sa riocht cheana féin a bheifí ag súil leis ag deireadh a saoil úsáidigh.

Más ann d’fhianaise oibiachtúil ar lagú ar luach sócmhainne, aithnítear caillteanas i ndáil le lagú sa Ráiteas ar Ioncam agus Caiteachas agus Cúlchistí loncaim Choinnithe i leith na bliana.

Cuntas caipitil

Léiríonn an cuntas caipitil ioncam deontais a úsáidtear chun maoín, gléasra agus trealamh a fháil agus déantar é a dhíscríobh i gcomhréir leis na beartais dímhéasa agus athluachála i leith na sócmhainní gaolmhara.

1. Beartais Chuntasaíochta (ar lean)

Méideanna infhála

Aithnítear méideanna infhála ar a luach cóir, lúide soláthar i gcoinne fiacha amhrasacha. Déantar an soláthar i gcoinne fiacha amhrasacha i ndáil le féichiúnaithe amhrasacha sonraithe agus déantar soláthar breise i gcoinne fiacha trádála eile, nuair is ann d'fhianaise oibiachtúil nach mbeidh NSAI ná NSAI Inc. in ann gach méid atá dlite dóibh a bhailiú. Aithnítear gach gluaiseacht sa soláthar i gcoinne fiacha amhrasacha sa Ráiteas ar Ioncam agus Caiteachas agus Cúlchistí Ioncaim Choinnithe.

Léasanna oibriúcháin

Aithnítear caiteachas cíosa faoi léasanna oibriúcháin sa Ráiteas ar Ioncam agus Caiteachas agus Cúlchistí Ioncaim Choinnithe thar shaolré an léasa. Aithnítear an caiteachas ar bhonn an mhéid chothroim thar thréimhse an léasa, ach amháin nuair a bhíonn arduithe cíosa i gceist atá nasctha leis an ráta boilscithe a bhfuiltear ag súil leis, agus sa chás sin aithnítear na harduithe sin tráth a dtabhaithe. Aithnítear aon dreasachtaí léasa a fhaightear thar shaolré an léasa.

Sochair fostaithe

(a) Sochair Ghearrthéarmacha

Aithnítear sochair ghearrthéarmacha amhail pá saoire mar chaiteachas sa bhliain, agus áirítear sochair arna bhfabhrú ag deireadh na bliana i bhfigiúr na Méideanna Infíoctha sa Ráiteas ar Staid an Airgeadais.

(b) Sochair Scoir

Aithnítear idirbhearta, gluaiseachtaí agus iarmhéideanna pinsin sa Ráiteas ar Ioncam agus Caiteachas agus Cúlchistí Ioncaim Choinnithe, sa Ráiteas ar Ioncam Cuimsitheach agus sa Ráiteas ar Staid an Airgeadais i gcomhréir le ceanglais Alt 28 de FRS 102: Sochair Fostaithe.

Scéim Aoisliúntais NSAI

Feidhmíonn NSAI scéim pinsin le sochar sainithe, arna cistiú go bliantúil ar bhonn 'íoc mar a úsáidtear' ón airgead atá ar fáil dó, lena n-áirítear airgead a sholáthraíonn an Roinn Fiontar, Trádála agus Fostaíochta agus ranníocaíochtaí a bhaintear as tuarastail na mball foirne.

Léiríonn na costais sochair scoir na sochair phinsin a thuill fostaithe, agus cuirtear i láthair iad glan ar ranníocaíochtaí pinsin foirne a gcoinníonn NSAI iad. Is mar ioncam a aithnítear suim arb ionann í agus an muirear scoir sa mhéid agus go bhfuil sí inghnóthaithe, agus déantar í a fhritháireamh le deontais a fuarthas sa bhliain d'fhonn íocaíochtaí pinsin a dhéanamh.

Aithnítear gnóthachain agus caillteanais achtúireacha a eascraíonn as athruithe ar na boinn tuisceana achtúireacha agus ar bharrachais agus easnamh ó thaithí sa Ráiteas ar Ioncam Cuimsitheach i leith na bliana ina dtarlaíonn siad agus aithnítear coigeartú comhfhreagrach sa mhéid atá inghnóthaithe ón Roinn Fiontar, Trádála agus Fostaíochta.

Léiríonn na dliteanais sochair scoir luach reatha na n-íocaíochtaí pinsin sa todhchaí atá tuillte ag an bhfoireann go dtí seo. Léiríonn an cistiú iarchurtha um shochair scoir an tsócmhainn chomhfhreagrach a bheidh le gnóthú i dtréimhsí amach anseo ón Roinn Fiontar, Trádála agus Fostaíochta.

Aithníonn an tÚdarás um Chaighdeán Náisiúnta na hÉireann sócmhainn i leith cistiú iarchurtha um shochair scoir – luach reatha an chistithe a mheasann sé a chuirfidh an Stát ar fáil amach anseo chun freastal ar dhliteanais i ndáil le sochair scoir de réir mar a bheidh siad dlite. Gné dhílis den chur chuige cuntasíochta sin is ea an bonn tuisceana go gcuirfear aon ioncam a ghiníodh an tÚdarás um Chaighdeán Náisiúnta na hÉireann i bhfeidhm ar an gcéad ásc chun costais reatha a chlúdach agus go bhfreastalóidh cistiú Stáit ar aon easnamh faoi láthair nó ar aon easnamh amach anseo sna hacmhainní, lena n-áirítear dliteanais i ndáil le sochair scoir amach anseo.

1. Beartais Chuntasaíochta (ar lean)

An Scéim Pinsean Seirbhíse Poiblí Aonair

Ina theannta sin, feidhmíonn NSAI Scéim Pinsean Seirbhíse Poiblí Aonair ('an Scéim Aonair'), ar scéim le sochar sainithe í d'fhostaithe inphinsin sa tseirbhís phoiblí a ceapadh ar an 1 Eanáir 2013 nó ina dhiaidh sin. Íoctar ranníocaíochtaí bhaill na Scéime Aonair leis an Roinn Caiteachais Phoiblí, Sheachadadh PFN agus Athchóirithe (RCPA). Cuireadh tús le híocaíocht ranníocaíochtaí fostóirí leis an Roinn Caiteachais Phoiblí agus Athchóirithe ar an 1 Eanáir 2019.

Ranníocaíocht Aoisliúntais Bhreise

Ón 1 Eanáir 2019 ar aghaidh, íocann baill de scéimeanna pinsin sochair shainithe na seirbhíse poiblí ranníocaíocht aoisliúntais bhreise a eascraíonn as Comhaontú Cobhsaíochta na Seirbhíse Poiblí (2018-2020) agus as an Acht um Pá agus Pinsin na Seirbhíse Poiblí, 2017. Cuireadh an ranníocaíocht aoisliúntais bhreise in ionad an laghdaithe pinsean-choibhneasa, a tháinig chun críche ag deireadh 2018. Cé gur beart sealadach éigeandála a bhí sa laghdú pinsean-choibhneasa, is ranníocaíocht bhuan í an ranníocaíocht aoisliúntais bhreise maidir le luach saothair inphinsin. Bailítear an asbhaint agus cuirtear ar ais í chuig an Roinn Fiontar, Trádála agus Fostaíochta (féach Nóta 3).

Breithiúnais agus meastacháin rí-thábhachtacha i leith na cuntasaíochta

Chun na ráitis airgeadais a ullmhú, ní mór don lucht bainistíochta breithiúnais agus meastacháin a dhéanamh agus boinn tuisceana a ghlacadh a théann i bhfeidhm ar na méideanna arna dtuairisciú i leith sócmhainní agus dliteanas amhail deireadh na bliana agus ar na méideanna arna dtuairisciú i leith ioncam agus caiteachas i rith na bliana. Mar sin féin, toisc gur meastachán atá i gceist, d'fhéadfadh na torthaí iarbhrí a bheith difriúil ó na meastacháin sin. Is iad seo a leanas na breithiúnais a raibh an tionchar ba mhó acu ar na méideanna atá aitheanta sna ráitis airgeadais.

(a) Lagú maoine, gléasra agus trealaimh

Déantar sócmhainní atá faoi réir dímhéasa a athbhreithniú i ndáil le lagú nuair a léiríonn teagmhais nó athruithe ar chúinsi go mb'fhéidir nach mbeadh an tsuim ghlanluacha inghnóthaithe. Aithnítear caillteanas i ndáil le lagú mar an difríocht idir méid inghnóthaithe na sócmhainne agus a suim ghlanluacha. Is ionann méid inghnóthaithe na sócmhainne agus a luach cóir lúide an costas díolacháin nó an luach úsáide, cibé acu is mó. Chun measúnú a dhéanamh ar an lagú, déantar sócmhainní a ghrúpáil de réir na leibhéil is ísle dá bhfuil sreafaí airgid is féidir a aithint ar leithligh (aonaid giniúna airgid). Déantar athbhreithniú ar shócmhainní neamhairgeadais atá lagaithe le haghaidh aisiompú féideartha ar an lagú ar gach dáta tuairiscithe.

(b) Oibleagáid um shochar scoir

Déantar nuashonrú bliantúil ar na boinn tuisceana is bonn leis na meastacháin achtúireacha dá gcinntear na méideanna arna n-aithint sna ráitis airgeadais (lena n-áirítear rátaí lascaine, rátaí ardaithe ar leibhéil chúitimh amach anseo, rátaí mortlaíochta agus treochtaí um chostas cúraim sláinte) ar bhonn na ndálaí geilleagracha atá i réim faoi láthair, agus i leith athrú ábhartha ar bith ar théarmaí agus coinníollacha na bpleananna pinsin agus na bpleananna iarscoir.

D'fhéadfadh tionchar a bheith ag an méid seo a leanas ar na boinn tuisceana:

- i. an ráta lascaine, athruithe ar an ráta toraidh ar bhannaí corparáideacha ardcháilíochta
- ii. leibhéil chúitimh amach anseo, dálaí sa mhargadh saothair amach anseo
- iii. treochtaí um chostas cúraim sláinte, ráta an bhoilscithe i dtaobh costas leighis sna réigiúin ábhartha.

2. Ioncam

	Nótaí	2022 €	2021 €
Táillí deimhniúcháin		24,870,392	21,447,358
Díol caighdeán		1,843,588	1,537,365
Ioncam eile		227,563	202,560
Ús bainc		(3,397)	(908)
		26,938,146	23,186,375
Glanchistiú iarchurtha um shochar scoir	12(c)	2,601,000	1,709,000
		29,539,146	24,895,375

Nuair a bhí paidéim COVID-19 fós ar siúl, leanadh ar aghaidh ag cur seirbhísí i bhfeidhm trí chianoibríochtaí agus oibríochtaí ar an láthair. Rinneadh iniúchtaí fíorúla nuair ab fhéidir é agus nuair a bhí sé sin ceadaithe faoi rialacháin iniúchóireachta. Rinneadh iniúchtaí ar an láthair de réir treoirlínte maidir le COVID-19 le linn tréimhsí inar laghdaíodh na srianta.

3. Costais riaracháin agus costais ghinearálta

	Nótaí	2022 €	2021 €
Pá	3(a)	17,847,519	15,356,415
Luach saothair agus speansais na gcomhaltaí boird	15	63,857	50,853
Speansais taistil	3(b)	1,025,436	476,026
Fochonraitheoirí	3(c)	6,336,072	5,068,219
Soláthar Seirbhíse Seachtraí		205,552	196,964
Sainchomhairleoireacht	3(d)	287,819	250,234
Costais agus socraíochtaí dlí	3(e)	203,857	–
Cíosanna, rátaí, obair dheisiúcháin agus chothabhála		1,836,791	1,607,808
Costais oibriúcháin eile	3(f)	3,161,061	2,275,043
Brabús ar dhiúscairt maoine, gléasra agus trealaimh		(150)	(12,979)
Sintiúis d'eagraíochtaí		942,166	890,489
Dímheas	6	785,881	704,889
		32,695,861	26,863,961

3. Costais riaracháin agus costais ghinearálta (ar lean)

(a) Pá

	2022 €	2021 €
Pá agus tuarastail	16,336,394	14,006,385
Ragobair	67,656	64,777
Liúntais	126,169	106,153
Costais leasa shóisialta	1,320,170	1,196,444
Costais aoisliúntais	(2,870)	(17,344)
	17,847,519	15,356,415

Baineadh asbhaintí pinsin €503,306 (2021: €441,124) as tuarastail agus íocadh iad leis an Roinn Fiontar, Trádála agus Fostaíochta.

Baineadh asbhaintí €249,457 (2021: €187,994) as tuarastail i leith Scéim Pinsean Seirbhíse Poiblí Aonair agus íocadh iad leis an Roinn Caiteachais Phoiblí, Sheachadadh PFN agus Athchóirithe.

Eisíodh íocaíocht foirceanta amháin in 2022. Ba é an costas comhiomlán (don Stát) ná €52,116, agus costais dlí san áireamh.

Bhí 217 duine fostaithe (coibhéis lánaimseartha) amhail an 31 Nollaig 2022. (2021: 195).

(b) Speansais Taistil

Tá príomhoifig NSAI lonnaithe i gCearnóg Swift, Seantrabh agus tá oifigí agus ionaid réigiúnacha aige ar fud na hÉireann. Tá oifig fochuideachta aige freisin in Nashua, New Hampshire, i Stáit Aontaithe Mheiriceá. Meastar gur taisteal idirnáisiúnta é an taisteal lasmuigh d'Éirinn i gcás na mball foirne go léir atá lonnaithe in Éirinn. Maidir le baill foirne atá lonnaithe sna Stáit Aontaithe, meastar gur taisteal inmheánach é an taisteal laistigh de na Stáit Aontaithe, agus gur taisteal idirnáisiúnta é an taisteal lasmuigh de na Stáit Aontaithe. Ba é €873,794 an costas iomlán a tabhaíodh i ndáil le taisteal agus cothabháil sa tír seo in 2022 (2021: €469,912). Ba é €151,642 an costas iomlán a thabhaíodh i ndáil le taisteal agus cothabháil thar lear in 2022 (2021: €6,114).

(c) Fochonraitheoirí

Baineann costais i leith fochonraitheoirí leis an leas a bhaintear as saineolaithe speisialaithe a bhíonn ag plé le soláthar gníomhaíochtaí a ghineann ioncam do NSAI.

(d) Sainchomhairleoireacht

Áirítear le costais sainchomhairleoireachta an costas a bhaineann le comhairle a chuireann daoine seachtracha ar an lucht bainistíochta agus ní áirítear leo feidhmeanna seachfhoinsithe an ghnáthghnó.

	2022 €	2021 €
Acmhainní Daonna agus Pinsin	31,390	34,380
Comhairle dlí	107,090	81,284
Comhairle Airgeadais/Achtúireach	663	28,950
Eile	148,676	105,620
	287,819	250,234

3. Costais riaracháin agus costais ghinearálta (ar lean)

(e) Costais agus Socraíochtaí Dlí

Tugtar sa tábla thíos miondealú ar na méideanna a aithnítear mar chaiteachas sa tréimhse thuairiscithe i ndáil le costais dlí, socraíochtaí dlí, agus imeachtaí idir-réitigh agus eadrána a bhaineann le conarthaí le tríú páirtithe. Ní áirítear leis sin caiteachas a tabhaíodh i ndáil le comhairle dlí ghinearálta a fuair NSAI, rud a nochtar sna Costais Chomhairleachta thuas.

	2022 €	2021 €
Táillí Dlí – Imeachtaí Dlí	162,357	–
Comhréiteach agus eadráin	–	–
Socraíochtaí	41,500	–
	203,857	–

(f) Costais oibriúcháin eile

	2022 €	2021 €
Fógraíocht, Margaíocht agus Caidreamh Poiblí	139,036	99,482
Costais TFC	969,455	765,758
Cumarsáid, Clóbhuailleadh agus Foilseacháin	377,059	379,416
Costais i leith Maoiniú	158,536	120,034
Árachas	738,610	508,340
Forbairt Foirne	243,769	185,362
Costais earcaíochta	317,813	13,024
Táille Iniúcháireachta – An tArd-Reachtair Cuntas agus Ciste	32,600	29,600
Táille Iniúcháireachta – Táillí na nIniúcháirí Inmheánacha agus na nIniúcháirí Seachtracha	40,043	31,298
Costais Oibriúcháin Eile	144,140	143,313
	3,161,061	2,275,627

(g) Caiteachas ar fháilteachas

Ba é an caiteachas ar fháilteachas in 2022 ná €15,923 (2021: €22,995) lenar cuimsíodh fáilteachas i gcomhair client dar luach €5,696 (2021: €1,350) agus rannpháirtíocht leis na fostaithe/leas foirne dar luach €10,227 (2021: €21,645). Áirítear leis na costais ar rannpháirtíocht leis na fostaithe/leas foirne ranníocaíocht i leith ócáidí a réachtálann club sóisialta na foirne agus i leith cleachtaí maidir le neartú na foirniúlachta.

3. Costais riaracháin agus costais ghinearálta (ar lean)

(h) Miondealú ar na sochair foirne:

Déantar sochair ghearrthéarmacha fostaithe os cionn €60,000 a chur ina gcatagóirí sna bandaí seo a leanas:

Réimse na sochar iomlán d'fhostaithe	2022 Líon na bhfostaithe	2021 Líon na bhfostaithe
€60,000 – €69,999	37	28
€70,000 – €79,999	26	10
€80,000 – €89,999	13	20
€90,000 – €99,999	29	24
€100,000 – €109,999	7	6
€110,000 – €119,999	9	7
€120,000 – €129,999	5	5
€130,000 – €139,999	1	1
€140,000 – €149,999	2	1
€150,000 – €159,999	–	2
€160,000 – €169,999	–	1
€170,000 – €179,999	3	–

Áirítear sna figiúirí fostaithe de chuid NSAI agus NSAI Inc. atá bunaithe i ndlínsí éagsúla. Is fostaithe de chuid na hearnála poiblí iad fostaithe NSAI a socraítear a bpá faoi threoir údaruithe ón Roinn Caiteachais Phoiblí, Sheachadadh PFN agus Athchóirithe. Tá fostaithe NSAI Inc. fostaithe ag NSAI Inc. sna Stáit Aontaithe, agus socraítear a bpá faoi threoir rátaí, téarmaí agus coinníollacha an mhargaidh áitiúil.

4. Deontas Oireachtais

	2022 €	2021 €
Deontas le haghaidh costais riaracháin agus costais ghinearálta	8,015,000	6,850,000

Is í an Roinn Fiontar, Trádála agus Fostaíochta a eisíonn an Deontas Oireachtais agus áirítear leis an deontas sin suim €500,000 (2021: €500,000) i leith ceannacháin chaipitil i rith na bliana. Is ó Vóta 32, Fo-mhírcheann A.6 a thagann an cistiú.

5. Cuntas caipitil

	2022 Grúpa €	2022 NSAI €	2021 Grúpa €	2021 NSAI €
Amhail an 1 Eanáir	4,041,737	4,005,134	3,739,219	3,701,779
Gluaiseachtaí i ndáil le maoin, gléasra agus trealamh	(18,570)	(67,146)	300,274	303,355
Aistriú chuig loncam agus Caiteachas agus Cúlchistí loncaim Choinnithe	(18,570)	(67,146)	300,274	303,355
Coigeartú um aistriú airgeadra	2,805	–	2,244	–
Amhail an 31 Nollaig	4,025,972	3,937,988	4,041,737	4,005,134

6. Maoin, gléasra agus trealamh

Grúpa:

	Trealamh, daingneáin agus feistis €	Trealamh ríomhwareachta €	Talamh agus foirgnimh €	Mótar- fheithiclí €	Iomlán €
Costas					
Amhail an 1 Eanáir 2022	6,080,322	6,068,548	4,408,053	368,328	16,925,251
Breiseanna	321,771	429,875	15,665	-	767,311
Diúscairtí	-	(1,790)	-	-	(1,790)
Coigeartú aistrithe	1,588	18,599	4,523	-	24,710
Amhail an 31 Nollaig 2022	6,403,681	6,515,232	4,428,241	368,328	17,715,482
Dímheas					
Amhail an 1 Eanáir 2022	5,249,548	5,039,927	2,282,002	312,037	12,883,514
Muirear don bhliain	297,734	405,141	67,778	15,228	785,881
Diúscairtí	-	(1,790)	-	-	(1,790)
Coigeartú aistrithe	1,368	16,572	3,965	-	21,905
Amhail an 31 Nollaig 2022	5,548,650	5,459,850	2,353,745	327,265	13,689,510
Glanluach de réir na leabhar					
Amhail an 1 Eanáir 2022	830,774	1,028,621	2,126,051	56,291	4,041,737
Glanghluaiseacht don bhliain	24,037	24,734	(52,113)	(15,228)	(18,570)
Coigeartú aistrithe	220	2,027	558	-	2,805
Amhail an 31 Nollaig 2022	855,031	1,055,382	2,074,496	41,063	4,025,972

6. Maoin, gléasra agus trealamh (ar lean)

NSAI

	Trealamh, daingneáin agus feistis €	Trealamh ríomhareachta €	Talamh agus foirgnimh €	Mótar- fheithicilí €	Iomlán €
Costas					
Amhail an 1 Eanáir 2022	6,053,823	5,758,185	4,332,566	368,328	16,512,902
Breiseanna	315,991	352,715	15,665	-	684,371
Diúscairtí	-	(1,790)	-	-	(1,790)
Amhail an 31 Nollaig 2022	6,369,814	6,109,110	4,348,231	368,328	17,195,483
Dímheas					
Amhail an 1 Eanáir 2022	5,225,697	4,764,077	2,205,957	312,037	12,507,768
Muirear don bhliain	296,296	372,215	67,778	15,228	751,517
Diúscairtí	-	(1,790)	-	-	(1,790)
Amhail an 31 Nollaig 2022	5,521,993	5,134,502	2,273,735	327,265	13,257,495
Glanluach de réir na leabhar					
Amhail an 1 Eanáir 2022	828,126	994,108	2,126,609	56,291	4,005,134
Glanghluaiseacht don bhliain	19,695	(19,500)	(52,113)	(15,228)	(67,146)
Amhail an 31 Nollaig 2022	847,821	974,608	2,074,496	41,063	3,937,988

7. Maoin

Tá NSAI in áitribh i roinnt áiteanna éagsúla. Is ag 1 Cearnóg Swift, Seantrabh, Baile Átha Cliath 9 atá an cheannoifig. Is ar léas atá an t-áitreabh sin agus chuathas ina bhun i mí Eanáir 2008 ar feadh tréimhse 20 bliain. Cuireadh i gcrích athbhreithniú cíosa in 2018. Tá sé beartaithe an chéad athbhreithniú cíosa cúig bliana eile a dhéanamh i mí Eanáir 2023, ag clúdach na tréimhse idir an 1 Eanáir 2023 agus mí na Nollag 2027.

Tá Lárionaid Réigiúnacha ag NSAI i gCorcaigh, Baile Átha Cliath, Dún Dealgan, Gaillimh, Luimneach, Sligeach agus Port Láirge. Tá Saotharlann Náisiúnta Méadreolaíochta NSAI i nGlas Naíon, Baile Átha Cliath 9. Tá gach ceann de na háitribh sin ar úinéireacht ag NSAI.

Tá an fhochuideachta i Stáit Aontaithe Mheiriceá lonnaithe ag 20 Trafalgar Square, Nashua, NH 03063, SAM, agus tá an t-áitreabh sin á ghlacadh ar léas. Chuathas i mbun an léasa i mí Mheán Fómhair 2015 ar feadh tréimhse cúig bliana agus cuireadh síneadh cúig bliana leis in 2020. Tá fochuideachta na Ríochta Aontaithe lonnaithe ag 6-9 The Square, Stockley Park, Heathrow, UB11 1FW, An Ríocht Aontaithe. Tá na háitribh sin ar cíosa ar bhonn comhaontú cíosa ghearrthearmaigh a rinneadh i mí Mheán Fómhair 2021.

8. Méideanna infhála

	2022 Grúpa €	2022 NSAI €	2021 Grúpa €	2021 NSAI €
Méideanna trádála infhála	5,068,299	2,790,760	4,946,234	2,802,560
Ioncam fabhraithe	1,384,312	1,327,988	936,590	902,046
Réamhíocaíochtaí	1,278,631	1,177,083	1,123,895	1,038,648
Idirchuideachta	–	13,996,257	–	11,053,631
	7,731,242	19,292,088	7,006,719	15,796,885

Tá gach méid infhála dlite laistigh d'aon bhliain amháin. Tá gach méid trádála infhála dlite laistigh de ghnáth-théarmaí an Údaráis. Léirítear na méideanna trádála infhála glan ar lagú i ndáil le fiacha amhrasacha. Is mar seo a leanas atá an ghluaiseacht sa lagú i ndáil le fiacha amhrasacha:

	2022 Grúpa €	2022 NSAI €	2021 Grúpa €	2021 NSAI €
Iarmhéid amhail an 1 Eanáir	678,722	462,391	681,430	493,123
Úsáidte i rith na bliana	–	–	–	–
Coigeartú i leith soláthair	(411)	11,161	(2,708)	(30,732)
Iarmhéid amhail an 31 Nollaig	678,311	473,552	678,722	462,391

9. Méideanna iníoctha (a bheidh dlite < 1 bhliain amháin)

	2022 Grúpa €	2022 NSAI €	2021 Grúpa €	2021 NSAI €
Méideanna trádála iníoctha	148,947	103,627	51,942	22,122
Méideanna iníoctha eile agus fabhruithe	1,589,534	1,318,445	1,610,621	1,404,094
Ioncam iarchurtha	1,439,264	1,025,197	1,402,076	1,006,674
Cáin, árachas sóisialta agus CBL	472,256	472,256	469,381	469,381
Idirchuideachta	–	20,628,881	–	16,639,284
	3,650,001	23,548,407	3,534,020	19,541,555

10. Ceangaltais i dtaobh léasanna oibriúcháin

B'ionann na híocaíochtaí a rinneadh faoi Léasanna Oibriúcháin ar Fhoirgnimh arna muirearú sna ráitis airgeadais agus €879,526 (2021: €869,642). Is iad seo a leanas iomlán na n-íocaíochtaí léasa íosta sa todhchaí faoi léasanna oibriúcháin nach féidir a chealú:

	2022 Grúpa €	2022 NSAI €	2021 Grúpa €	2021 NSAI €
Laistigh d'aon bhliain amháin	880,184	811,315	878,831	811,315
Idir dhá bhliain agus cúig bliana	3,362,939	3,245,260	3,431,808	3,245,260
Tar éis cúig bliana	–	–	811,315	811,315
	4,243,123	4,056,575	5,121,954	4,867,890

11. Cáin

Tá an tÚdarás díolmhaithe ó cháin ar a ioncam.

12. Costais i ndáil le sochar scoir

(a) Anailís ar na costais iomlána sochair scoir a cuireadh de mhuirear ar an Ráiteas Comhdhlúite ar Ioncam agus Caiteachas agus Cúlchistí Ioncaim Choinnithe

	2022 €	2021 €
Costais seirbhíse reatha – Scéim NSAI	2,883,000	2,628,000
Ús ar dhliteanais na scéime sochair scoir – Scéim NSAI	1,603,000	933,000
Scéim NSAI – Ranníocaíochtaí na bhfostaithe	(397,602)	(382,858)
Costais seirbhíse reatha – An Scéim Pinsean Seirbhíse Poiblí Aonair	1,150,000	746,000
Ús ar dhliteanais na scéime sochair scoir – An Scéim Pinsean Seirbhíse Poiblí Aonair	46,000	19,000
Coigeartú i leith Costas Seirbhíse Reatha agus Ús ar an Scéim Pinsin Aonair	(1,196,000)	(765,000)
An Scéim Pinsean Seirbhíse Poiblí Aonair – Ranníocaíocht an Fhostóra	748,371	563,982
	4,836,769	3,742,124

12. Costais i ndáil le sochair scoir (ar lean)

(b) Gluaiseacht i nglanoibleagáidí sochair scoir i rith na bliana airgeadais

	2022 €	2021 €
Glanoibleagáid sochair scoir amhail an 1 Eanáir	138,948,000	128,050,000
Costais seirbhíse reatha – Scéim NSAI	2,883,000	2,628,000
Costais úis – Scéim NSAI	1,603,000	933,000
Costais seirbhíse reatha – An Scéim Pinsean Aonair	1,150,000	746,000
Costais úis – An Scéim Pinsean Aonair	46,000	19,000
(Gnóthachan)/caillteanas achtúireach	(42,591,000)	7,799,000
Ranníocaíochtaí ó na rannpháirtithe sa phlean	712,000	625,000
Pinsin a íocadh i rith na bliana	(1,885,000)	(1,852,000)
Glanoibleagáid sochair scoir amhail an 31 Nollaig	100,866,000	138,948,000

(c) Cistiú iarchurtha i leith sochair scoir

Aithníonn NSAI na méideanna sin mar shócmhainn a chomhfhreagraíonn don dliteanas iarchurtha neamhchistithe le haghaidh pinsean bunaithe ar bhoinn tuisceana agus ar roinnt teagmhas roimhe seo. I measc na dteagmhas sin, tá an bonn reachtúil do bhunú na scéimeanna aoisliúntais agus don bheartas agus an cleachtas atá i bhfeidhm faoi láthair maidir le pinsin san earnáil phoiblí a chistiú, lena n-áirítear ranníocaíochtaí ó fhostaithe agus próiseas na meastachán bliantúil. Níl aon fhianaise ag NSAI nach leanfar ar aghaidh, faoin mbeartas dá dtagraítear thuas, ag freastal ar mhéideanna den sórt sin i gcomhréir leis an gcleachtas reatha.

Seo a leanas an glanchistiú iarchurtha i leith sochair scoir a aithnítear sa Ráiteas Comhdhlúite ar Ioncam agus Caiteachas agus Cúlchistí Ioncaim Choinnithe:

	2022 €	2021 €
Cistiú atá inghnóthaithe maidir le costais sochair scoir na bliana reatha	5,682,000	4,326,000
Coigeartú i leith na Scéime Pinsean Seirbhíse Poiblí Aonair	(1,196,000)	(765,000)
Deontas stáit a cuireadh i bhfeidhm le sochair scoir a íoc	(1,885,000)	(1,852,000)
	2,601,000	1,709,000

Amhail an 31 Nollaig 2022, b'fhiú €100.866m (2021: €138.948m) an tsócmhainn um chistiú iarchurtha i leith sochair scoir.

12. Costais i ndáil le sochair scoir (ar lean)

(d) Stair na n-oibleagáidí sochair shainithe

	2022 €	2021 €
Oibleagáidí sochair shainithe	100,866,000	138,948,000
Gnóthachan/(caillteanas) ó thaithí ar dhliteanais na scéime le sochar sainithe	(4,640,000)	1,128,000
Céatadán de dhliteanais na scéime	(4.6%)	0.8%

(e) Cur síos ginearálta ar na scéimeanna

Scéim Aoisliúntais NSAI

Is éard atá sa scéim sochair scoir ná socrú pinsin le sochar sainithe atá bunaithe ar thuarastal deiridh agus ina ndéantar sochair agus ranníocaíochtaí a shainiú trí thagairt do rialacháin shamhailscéim reatha na hearnála poiblí. Faoin scéim, soláthraítear pinsean (ochtóduithe in aghaidh na bliana seirbhíse), aisce nó cnapshuim (trí ochtóid in aghaidh na bliana seirbhíse) agus pinsin do chéilí agus do leanaí. Is é an lá ar a slánóidh an ball 65 bliana d'aois an ghnáthaois scoir faoin scéim seo, agus tá daoine ar bhaill iad ó roimh an mbliain 2004 i dteideal dul ar scor gan laghdú achtúireach ón uair a shlánóidh siad 60 bliain d'aois. Téann pinsin atá á n-foc (agus atá á n-iarchur) i méid de ghnáth i gcomhréir le boilsciú ginearálta na dtuarastal san earnáil phoiblí.

An Scéim Pinsean Seirbhíse Poiblí Aonair

Cuireadh tús leis an Scéim Pinsean Seirbhíse Poiblí Aonair ('Scéim Aonair') le héifeacht ón 1 Eanáir 2013. Gach duine a thosóidh i mbun fostaíocht inphinsin sa tseirbhís phoiblí ar an 1 Eanáir 2013 nó ina dhiaidh sin, beidh sé nó sí páirteach sa Scéim Pinsean Aonair. Tá an Scéim Pinsin Aonair bunaithe ar shamhail faoina ndéantar meán thar shaolré ghairme a ríomh. Fágann sé sin go mbíonn na sochair scoir bunaithe ar chéatadán de thuilleamh inphinsin ar feadh gairm seirbhíse poiblí an bhaill den Scéim.

(f) Luacháil na scéimeanna

Bunaíodh an luacháil a úsáideadh le haghaidh nochtadh faoi FRS 102 ar luacháil achtúireach iomlán a rinne achtúire neamhspleách cáilithe i mí Feabhra 2023, agus tugadh aird ar cheanglais FRS chun dliteanais na scéime amhail an 31 Nollaig 2022 a mheasúnú.

Ba iad seo a leanas na boinn tuisceana achtúireacha a úsáideadh:

	2022	2021
Ráta méadaithe na dtuarastal	3.60%	3.20%
Ráta méadaithe na sochar scoir atá á n-foc	3.10%	2.70%
Ráta lascaine	3.65%	1.20%
Ráta boilscithe	2.60%	2.20%

(g) Mortlaíocht

An meánionchas saoil amach anseo de réir na dtáblaí mortlaíochta a úsáideadh chun na dliteanais phinsin a chinneadh

	2022	2021
Fear in aois 65	21.9	21.8
Bean in aois 65	24.3	24.2

13. NSAI Inc

Bunaíodh NSAI Inc. in New Hampshire, SAM, ar an 1 Iúil 1997 mar chorporáid neamhbhrabúis faoi lánúinéireacht ag NSAI chun faisnéis a dháileadh agus a scaipeadh maidir le caighdeáin na hÉireann agus caighdeáin an Aontais Eorpaigh, idir chinn atá ann faoi láthair agus chinn atá beartaithe, chun léirmheasanna teicniúla a sholáthar agus chun measúnacht a dhéanamh ar tháirgí, ar phróisis agus ar chleachtais agus chun dul i mbun deimhniúcháin i ndáil le comhlíonadh chaighdeáin an Aontais Eorpaigh, chaighdeáin na hÉireann agus caighdeán idirnáisiúnta. Tá iarmhéideanna agus idirbhearta NSAI Inc. curtha san áireamh sna ráitis airgeadais seo.

Áirítear leis an mbarrachas comhdhlúite don bhliain barrachas €991,945 ó oibríochtaí NSAI Inc. (2021: €1,479,339). Féach Nóta 13(a) chun breac-chuntas a léamh i dtaobh na sonraí airgeadais.

(a) Seo a leanas breac-chuntas ar shonraí airgeadais NSAI Inc:

Ráiteas Ioncaim agus Caiteachais

	2022 €	2021 €
Ioncam		
Táillí deimhniúcháin	8,920,996	6,771,433
Caiteachas		
Pá	3,337,080	2,449,166
Speansais taistil	370,744	81,227
Fochonraitheoirí	3,631,422	2,384,882
Sainchomhairleoireacht	49,109	12,750
Cíosanna, rátaí, obair dheisiúcháin agus chothabhála	90,627	77,537
Costais oibriúcháin eile	581,778	323,664
Sintíúis d'eagraíochtaí	187,318	164,136
Dímheas	34,364	20,391
Glanmhuirear (athmhuirear) idirchuideachta	(353,391)	(221,659)
	7,929,051	5,292,094
Barrachas oibriúcháin don bhliain	991,945	1,479,339

Nuair a bhí paindéim COVID-19 fós ar siúl, leanadh ar aghaidh ag cur seirbhísí i bhfeidhm trí chianoibríochtaí agus oibríochtaí ar an láthair. Rinneadh iniúchtaí fíorúla nuair ab fhéidir é agus nuair a bhí sé sin ceadaithe faoi rialacháin iniúchóireachta. Rinneadh iniúchtaí ar an láthair de réir treoirlínte maidir le COVID-19 le linn tréimhsí inar laghdaíodh na srianta.

13. NSAI Inc. (ar lean)

Ráiteas ar Staid an Airgeadais

	2022 €	2021 €
Sócmhainní nach sócmhainní reatha iad		
Maoin, gléasra agus trealamh	87,983	36,604
Sócmhainní reatha		
Méideanna infhála	2,435,412	2,263,466
Airgead agus coibhéisí airgid	1,295,916	1,315,223
Idirchuideachta	20,628,881	16,639,284
	24,360,209	20,217,973
Dlíteanais reatha (a bheidh dlíte < 1 bhliain amháin)		
Méideanna iníoctha	701,284	631,753
Idirchuideachta	13,706,181	11,053,631
	14,407,465	11,685,384
Glansócmhainní reatha	9,952,744	8,532,589
Glansócmhainní	10,040,727	8,569,193
Arna léiriú le:		
Cuntas caipitil	87,983	36,604
Cúlchistí ioncaim choinnithe	9,952,744	8,532,589
	10,040,727	8,569,193

14. NSAI Certification UK Limited

Corpraíodh NSAI Certification UK Limited sa Ríocht Aontaithe ar an 15 Iúil 2021 mar chuideachta phríobháideach atá ar lánúinéireacht ag NSAI, lenar bunaíodh láithreach sa Ríocht Aontaithe atá ina réamhriachtanas chun creidiúnaithe UKAS (Seirbhís Creidiúniúcháin na Ríochta Aontaithe) agus MHRA (An Ghníomhaireacht Rialála Cógas agus Táirgí Cúraim Sláinte) a bhaint amach, ar cinn iad a theastaíonn chun deimhniúchán UKCA a sholáthar i leith Feistí Leighis agus Táirgí Foirgníochta Éireannacha atá le cur ar mhargadh na Ríochta Aontaithe. Tá creidiúnúchán de chuid UKAS agus MHRA á gcur chun cinn ag eintiteas na Ríochta Aontaithe sula gcuirfear tús le trádáil agus le soláthar seirbhísí deimhniúcháin.

(a) Seo a leanas breac-chuntas ar shonraí airgeadais NSAI Certification UK Ltd:

Ráiteas Ioncaim agus Caiteachais	2022 €	2021 €
Ioncam		
Táillí deimhniúcháin	–	–
Caiteachas		
Pá	190,045	–
Speansais taistil	1,468	–
Cíos agus áiseanna	15,339	–
Sintiúis d'eagraíochtaí	28,986	–
Costais oibriúcháin eile	83,431	–
	319,269	–
Costas oibriúcháin don bhliain	319,269	–

14. NSAI Certification UK Limited (ar lean)

Ráiteas ar Staid an Airgeadais	2022 €	2021 €
Sócmhainní nach sócmhainní reatha iad		
Maoin, gléasra agus trealamh	–	–
Sócmhainní reatha		
Méideanna infhála	–	–
Airgead agus coibhéisí airgid	–	–
Idirchuideachta	–	–
	–	–
Dlíteanais reatha (a bheidh dlíte < 1 bhliain amháin)		
Méideanna iníoctha	29,192	–
Idirchuideachta	290,076	–
	319,268	–
Glansócmhainní reatha	(319,268)	–
Glansócmhainní	(319,268)	–
Arna léiriú le:		
Cuntas caipitil	1	–
Cúlchistí ioncaim	(319,269)	–
	(319,268)	–

15. Comhaltaí an bhoird – nochtadh idirbheart

I ngnáthchúrsaí gnó, féadfaidh NSAI dul i mbun socruithe conartha le gnóthais ina bhfuil Comhaltaí Boird de chuid NSAI fostaithe nó a bhfuil leas acu iontu ar shlí eile. Ghlac NSAI nósanna imeachta de réir na dtreoirlínte a d'eisigh an Roinn Caiteachais Phoiblí, Sheachadadh PFN agus Athchóirithe i ndáil le nochtadh leasanna ag Comhaltaí an Bhoird agus chloígh NSAI leis na nósanna imeachta sin le linn na bliana.

(a) An luach saothair a íocadh leis na Stiúrthóirí in 2022

		Nóta	2022 €
An tUasal J. Kennedy			11,929
An tUasal R. Alcorn	Ceaptha ar an 2 Lúnasa 2022		3,067
V. Bowens Uasal	Chuaigh ar scor ar an 14 Aibreán 2022		2,330
An tUasal D. Casey			7,904
M. Cronin Uasal	Ceaptha ar an 2 Lúnasa 2022		3,067
An tUasal P. Devereaux			7,668
An tUasal W. Egerton			7,668
E. Felten, Uasal		(i)	–
A. Gleeson, Uasal			7,668
A. Goggin Uasal	Chuaigh ar scor ar an 14 Aibreán 2022	(i)	–
M. McKeown, Uasal		(i)	–
M. O'Connell, Uasal			7,668
An tUasal B. Smith		(i)	–
An tUasal C. Verdon	Ionadaí de chuid na Roinne Fiontar, Trádála agus Fostaíochta		–
G. Larkin Uasal	Príomhoifigeach Feidhmiúcháin	(i)	–

B'ionann luach saothair iomlán na Stiúrthóirí i leith 2022 agus €58,969 (2021: €50,269)

i) Ní raibh luach saothair iníoctha de réir an phrionsabail 'duine amháin, tuarastal amháin'.

(b) Speansais na Stiúrthóirí

B'ionann speansais iomlána na Stiúrthóirí a íocadh díreach leis na comhaltaí i leith 2022 agus €2,996 (2021: €821)

(c) Tuarastal an Phríomhoifigigh Feidhmiúcháin

Ba é an luach saothair iomlán a íocadh le G. Larkin, Uasal in 2022 ná €170,303 (2021: €162,739). Tá an Príomhoifigeach Feidhmiúcháin ina ball den scéim pinsean seirbhíse poiblí aonair. Ní bhfuair G. Larkin Uasal aon íocaíochtaí i leith feidhmíochta in 2022.

(d) Luach saothair príomhdhaoine den lucht bainistíochta

Meastar gur príomhdhaoine den lucht bainistíochta is ea na stiúrthóirí ar fad, na comhaltaí boird, an Príomhoifigeach Feidhmiúcháin agus fostaithe sinsearacha áirithe a bhfuil údarás agus freagracht acu i ndáil le pleanáil, stiúradh agus rialú a dhéanamh ar ghníomhaíochtaí an Údaráis. Is ionann an luach saothair iomlán i leith na ndaoine siúd agus €781,156 (2021: €867,886).

16. Nochtadh páirtithe gaolmhara

Níl aon idirbhearta páirtithe gaolmhara i gceist.

17. Ionstraimí airgeadais

Seo a leanas an anailís ar shuimeanna glanluacha ionstraimí airgeadais an Ghrúpa agus NSAI a cheanglaítear faoi alt 11 de FRS 102:

	2022 Grúpa €	2022 NSAI €	2021 Grúpa €	2021 NSAI €
Sócmhainní airgeadais ar ionstraimí fiachais iad arna dtomhas ar a gcostas amúchta				
Méideanna trádála infhála	5,068,299	2,790,760	4,946,234	2,802,560
Réamhíocaíochtaí	1,278,631	1,177,083	1,123,895	1,038,648
Idirchuideachta	–	13,996,257	–	11,053,631
Airgead agus coibhéisí airgid	2,247,839	951,923	2,686,332	1,371,109
Dliteanais airgeadais arna dtomhas ar a gcostas amúchta				
Méideanna trádála infíochta	148,947	103,627	51,942	22,122
Idirchuideachta	–	20,628,881	–	16,639,284
Fabhruithe agus méideanna infíochta eile	1,589,534	1,318,445	1,610,621	1,404,094

18. Iar-theagmhais

Seirbheáladh imeachtaí dlí ar NSAI agus tá an tÚdarás ag tabhairt aghaidh orthu sin.

19. Ceangaltais chaipitil

Bhí ceangaltais chaipitil €107,558 ar an eagraíocht ag deireadh na bliana (2021: €67,704).

20. Ceadú na ráiteas airgeadais

Cheadaigh an Bord na ráitis airgeadais ar an 28 Aibreán 2023.

Oifigí NSAI

Seirbhísí á soláthar go háitiúil, an trádáil á cumasú ar fud an domhain

Ceannoifig NSAI
1 Cearnóg Swift
An Choill Thuaidh
Seantrabh,
Baile Átha Cliath 9
D09 A0E4

**Saotharlann
Náisiúnta
Méadreoilaíochta
NSAI**
Ascaill Uí Ghríofa
Glas Naíon
Baile Átha Cliath 11
D11 E527

**Oifigí Réigiúnacha
NSAI agus Oifigí
Méadreoilaíochta Dlí**

Gaillimh
Oifig Réigiúnach NSAI agus
Oifig Méadreoilaíochta Dlí
NSAI
Páirc Ghnó Bhaile an
Bhriotaigh
Baile an Bhriotaigh
Gaillimh
H91 NX52

Luimneach
Oifig Réigiúnach NSAI agus
Oifig Méadreoilaíochta Dlí
NSAI
Páirc Theicneolaíochta Plessey
Caladh an Treoigh
Luimneach
V94 X6X0

Corcaigh
Oifig Méadreoilaíochta Dlí
NSAI
Ascaill Rosa
Baile an Easpaig
Corcaigh
T12 YA37

Baile Átha Cliath
Oifig Méadreoilaíochta Dlí
NSAI
Eastát Tionsclaíochta GFT
Crann Phapáin
Baile Átha Cliath 11
D11 DV70


Lú
Oifig Méadreoilaíochta Dlí
NSAI
Páirc Ghnó GFT
Bóthar Coe
Dún Dealgan
Co Lú
A91 EY29

Sligeach
Oifig Méadreoilaíochta Dlí
NSAI
Páirc Ghnó Fhionasclainn
Sligeach
F91 W314

Port Láirge
Oifig Méadreoilaíochta Dlí
NSAI
Eastát Tionsclaíoch GFT
Síneadh ó Thuaidh
Bóthar Chorcaí
Port Láirge
X91 HD59

Idirnáisiúnta
NSAI Inc
USA 20
Trafalgar Square
Suite 603
Nashua
NH 03063 SAM

NSAI Certification UK Ltd
6-9 The Square
Stockley Park
Uxbridge
UB11 1FW
An Ríocht Aontaithe







NSAI

AN CHEANNOIFIG

1 Cearnóg Swift, An Choill Thuaidh, Seantrabh,
Baile Átha Cliath 9, Éire. D09 A0E4

T +353 1 807 3800

F +353 1 807 3838

R info@nsai.ie

NSAI.ie



www.twitter.com/nsai_standards



www.instagram.com/nsai_standards



www.facebook.com/NSAIstandards



www.linkedin.com/company/national-standards-authority-of-ireland